

慈悲道場懺法傳

此懺者梁武帝為皇后郗氏所集也郗氏崩後數月帝常追悼之晝則忽忽不樂宵乃耿耿不寐居寢殿聞外有騷窸之聲視之乃見一蟒盤踞上殿睽睽呀口以向於帝帝大驚駭無所逃遁不得已蹶然而起謂蛇曰朕宮殿嚴警非尔地類所生之靈必其媛孽欲崇朕耶蛇為人語啓帝曰蟒則昔之郗氏也妾以生存嫉妬六宮其性慘毒恣一發則火熾矢射損物害人死以是罪謫為蟒耳無飲食可實口無窟穴可庇身飢窘困迫力不自勝又一鱗甲則有多重啞啞肌肉痛苦其割若加錐刀焉鱗非常蛇亦復變化而至不以皇居深重為阻耳感帝平昔眷妾之厚故託醜形骸陳露於帝祈一功德以見拯救也帝聞之

嗚呼感激既而求蟒遂不復見帝明日大集沙門於殿庭宣其由問善之取以贖其苦

志公對曰非禮佛懺滌悃歎方可帝乃然其言搜索佛經錄其名号兼親拈眷思灑聖翰撰悔文共成十卷皆採摭佛語削去閑詞為其懺札又一日聞宮室內異香馥郁良久轉美初不知所來帝因仰視乃見一天人容儀端麗謂帝曰此則蟒後身也蒙帝功德已得生初利天今呈本身以為明驗也懇懃致謝言訖不見自梁迄今已數百年得此經本虔敬禮懺所為所祈者皆有陰騭感應猶恐厭事闇然未敢輒以粗記用達諸耳目矣

慈悲道場懺法卷第一

立此慈悲道場四字乃曰夢感弥勒世尊既慈隆即慈悲臻後劫依事題名弗敢移易承此念力

欲守護三寶令魔隱蔽摧伏自大增上慢者未種善根者今當令種已種善根者今令增長若計有所得住諸見者皆患令發捨離之心樂小法者令不疑大法樂大法者令生歡喜又此慈悲諸善中王一切眾生所歸依愛智照書如日照夜為人眼目為人導師為人父母為人兄弟同歸道場為真知識慈悲之親重於血肉世世相隨雖死不離故目等心標号如上

今日道場幽顯大眾立此懺法并發大心有十二大回緣何等十二者願化六道心無限齊二者為報慈恩功無限齊三者願以此善力令諸眾生受佛禁戒不起犯心四者以此善力令諸眾生於諸尊長不起慢心五者以此善力令諸眾生在所生處不起恚心六者以此善力令諸眾生於他身色不起嫉心七者以此善力令諸眾生於內外

法不起慳心八者以此善力令諸
 衆生九所修福不為自身患為一
 切無覆護者九者以此善力令諸
 衆生不為自身行四攝法十者以
 此善力令諸衆生見有孤獨幽繫
 疾病起救濟心今得安樂十一者
 以此善力若有衆生應折伏者而
 折伏之應攝受者而攝受之十二
 者以此善力令諸衆生在所生處
 恒自憶念發菩提心令菩提心相
 續不斷仰願顯九聖大衆同加
 覆護同加攝受今某甲字請各自
 稱名後皆例此所
 悔清淨所願成就等諸佛心同諸
 佛願六道四生皆志隨從滿菩提願
 淨三業法淨身當洗浴淨口誦佛功德淨意還心誠
 悔三業既淨乃可探心專依三寶大悲悲父
 歸依三寶第一 斷疑第二
 懺悔第三 發菩提心第四
 發願第五 發迴向心第六
 歸依三寶第一 向投往名之為歸
 如釋德記名之為依
 今日道場同業大衆宜各人人起
 覺悟意念世無常形不久住少壯

必衰勿恃容姿自愛汗行萬物無
 常皆當歸死天上天下誰能留者
 年少顏色肌膚鮮澤氣息香潔
 是非身保人生合會必歸磨滅生
 老病死至來無期誰當為我却除
 之者災害卒至不可得脫一切貴
 賤回而死已身體腫脹臭不可聞
 空愛惜之於事何益自非勤行勝
 業無由出離某甲等自惟形同朝露
 命速西光生世貧乏無德可稱智
 無神聖大人之明識無聖人洞徹之
 照言無忠和仁善之美行無進退
 高下之節謬立斯志勞倦仁者仰
 屈大衆漸懼交心既法席有期追
 戀無及從此別願各努力勤意朝夕
 親奉供養人加精進唯是為快仰願
 大衆各秉其志披忍辱鎧入深法門
 今日道場同業大衆宜各懇重起
 勇猛心不放逸心安住心大心勝心大
 慈悲心樂善心歡喜心報恩心度
 切心守護一切心救護一切心同菩薩心

等如來心一心志意五體投地奉為
 國王帝主土地人民父母師長上中
 下座善惡知識諸天諸仙護世四王
 主善罰惡守護持呪五方龍王龍
 神八部廣及十方無窮無盡含靈
 抱識水陸空界一切衆生
 歸依十方盡虛空界一切諸佛一拜
 歸依十方盡虛空界一切尊法一拜
 歸依十方盡虛空界一切賢聖一拜
 今日道場同業大衆何故應須歸依
 三寶諸佛菩薩有無限齊大悲度
 脫世間有無限齊大慈安慰世間念
 一切衆生猶如一子大慈大悲常無
 懈倦恒求善事利益一切捨滅衆
 生三毒之火教化令得阿耨多羅三
 藐三菩提衆生不得佛擔不取正
 覺以是義故應須歸依又復諸佛
 慈念衆生過於父母經言父母念兒
 慈止一世佛念衆生慈心無盡又父
 母見子背恩違義心生悲恨慈心
 薄少諸佛菩薩慈心不介見衆

生悲心益重乃至入於無間地獄大火輪中代諸眾生受無量苦是知諸佛諸大菩薩愛念眾生過於父母而諸眾生無明覆慧煩惱覆心於佛菩薩不知歸向說法教化亦不信受乃至厥言起於誹謗未嘗發心念諸佛恩以不信故墮在地獄餓鬼畜生諸惡道中遍歷三途受無量苦罪畢得出暫生人間諸根不具以自莊嚴無禪定水無智慧力如是等障由無信心

今日道場同業大眾不信之罪衆罪之上能令行人長不見佛相與八百各自慷慨折意挫情生增上心起慙愧意稽顙求哀懺悔往罪業累既盡表裏俱淨然後運想入歸信門若不起如是心運如是意直想隔絕障滯難通一失斯向真然無返豈得不人人五體投地如大山崩一心歸信無復疑想某甲等今日以諸佛菩薩慈悲心力始蒙覺悟深生慙愧若

已作之罪願七除滅未作之罪不敢復造後今已去至于菩提起堅固信不復退轉某甲等捨此身命若生地獄道若生餓鬼道若生畜生道若生人道若生天道於三界中若受男身若受女身若受非男非女等身若大若小若升若降受諸迫惱難堪難忍誓不以苦故退失今日信心寧於千劫萬劫受種種苦誓不以苦故退失今日信心仰願諸佛大地菩薩同加救護同加攝受某甲等信心堅固等諸佛心同諸佛願衆魔外道所不能壞相與志心等一痛切五體投地

歸依十方盡虛空界一切諸佛一拜
歸依十方盡虛空界一切尊法一拜
歸依十方盡虛空界一切賢聖一拜
今日道場同業大眾善攝心聽夫入天幻惑世界虛假由其幻惑非真故無實果虛假浮脆故則遷變無窮無實果故所以久滯生死之流遷變

改故所以長受受苦之海如是衆生聖所悲念故悲華經云菩薩成佛各有本願釋迦不現長年促為短壽悲此衆生變化俄頃長淪苦海不得捨離故在此土殺諸弊惡教有剛強苦切之言不捨於苦而度衆生未嘗不以善法方便弘濟益之心所以三昧經言諸佛心者是大慈悲慈悲所緣緣苦衆生若見衆生受苦惱時如箭入心如破眼目見已悲泣心無暫安欲拔其苦今得安樂又諸佛等智其化是均至於釋迦偏稱勇猛以能忍苦度脫衆生當知本師慈恩實重能於苦惱衆生之中說種種語利益一切我等今日不蒙解脫進不聞之音之旨退不覩雙樹潛輝良由業障念與悲隔相與今日起悲慈心以悲慈如來故善心濃厚既在苦中憶如來恩嗚咽懊惱慙顏哽噎等一痛切五體投地志心奉為
國王帝主土地人民父母師長某甲信施檀

越善惡知識諸天諸仙聰明正直天
地虛空護世四王主善罰惡守護持
咒五方龍王龍神八部廣及十方無
窮無盡一切眾生重複

歸依十方盡虛空界一切諸佛一拜

歸依十方盡虛空界一切尊法一拜

歸依十方盡虛空界一切賢聖一拜

相與志心胡跪合掌心念口言作如是說

諸佛大聖尊覺法無不盡天人無上師

是故為歸依一切法常任清淨修多羅

能除身心病是故為歸依大地諸菩薩

無着四沙門能救一切苦是故為歸依

三寶護世間我今頭面禮六道一眾生

今盡為歸依慈悲覆一切皆令得安樂

哀愍眾生者我等共歸依

五體投地各自念言仰願十方一切三

寶以慈悲力以本願力大神通力不

思議力無量自在力度脫眾生力覆

護眾生力安慰眾生力令諸眾生皆

悉覺悟知某甲等今日為其歸依三寶

以此功德力令諸眾生各得所願若

在諸天諸仙中者令盡諸漏若在阿
脩羅中者捨憍慢習若在人道無
復眾苦若在地獄餓鬼畜生道者
即得免離又復今日若聞三寶名及
與不聞以佛神力令諸眾生盡得
解脫究竟成就無上菩提同諸菩
薩俱登正覺一拜

斷疑第二一切眾生未離疑惑所以於法
多生障障是故今須永斷此疑

今日道場同業大眾一心諦聽夫因果

影響感應相生必然之道理無差

舛而諸眾生業行不純善惡迭用以

業不純所以報有精廉或貴或賤或

善或惡其事匪一參差萬品既有

參差不了本行以不了故疑惑亂起

或言精進奉戒應得長生而見短

命屠殺之人應見促齡而反延壽清

廉之士應招富貴而見貧苦貪欲受

人應見困躓而更豐饒如此疑惑人

誰無念而不知往業植因所致又如般

若所明若有讀誦此經為人輕賤者

是人先世罪業應墮惡道以今世人

輕賤故先世罪業則為消滅而諸
眾生所以不能深信經語有此疑者
皆由無明惑故妄起顛倒又不信三
界內是苦不信三界外是樂每於世
間皆言是樂若言樂者何意於中
復生苦受飲食過度便成疾疢氣
息喘迫鼓脹絞痛又至衣服垢見憂
勞寒得締紱則恩薄念淺熱見重
裘則苦惱已深若言是樂何意生
惱故知飲食衣服莫非是樂又言眷
屬以為樂者則應長相歡娛歌笑
無極何意俄爾無常倏焉而逝適有
今無向在今滅殞天叩地肝心寸斷又
不知生所從來死所趣向銜悲相送直
至窮山執手長離一辭萬劫諸如此
者其苦無量眾生迷見謂其是樂
出世樂曰皆言是苦或見進取蔬
苴節身時食去於輕軟習真掃衣
皆言是等強自困苦不知此業是解
脫道或見布施持戒忍辱精進經
行禮拜誦習之人翹勤不懈皆言是

苦而不知是等修出世脫有疾病死亡之日便起疑心終日後此心形無時暫止人之氣力何以堪此若不勤勞豈當致困後喪身命於事無益或復自棄其說理實如之不知推果尋因妄構此惑若遇善知識則其惑可除遇惡知識則其愚更甚其惑惑故墮三惡道在惡道中悔何所及今日道場同業大眾凡有此疑因緣無量且疑惑習氣出三界外尚未能盡况在今形去何頓去此生不斷後更復增大眾相與方涉長途自行苦行當依佛語如教修行不得疑惑辭於勞倦諸佛聖人所以得出生死度於彼岸者良由積善之功故得無尋自在解脫我等今日未離生死已自可悲何容貪住此惡世中今者幸得四大未衰五福康健遊行動轉去來適意而不努力復欲何待過去一生已不見諦今生空擲復無所證於未來世以何濟度

撫臆論心實悲情抱大眾今日唯應勸課努力勤修不得復言且宜消息聖道長遠一朝難辦如是一朝已復一朝何時當得所作已辦今或曰誦經坐禪勤行苦行有小疾病便言誦習勤苦所致而不自知不作此行早應終亡曰此行故得至今日且四大增損疾病是此乃乃至老死不可得避人生世間會歸魔滅若欲得道當依佛語違而得者無有是處一切眾生違佛語故所以輪轉三途倍嬰萬苦若如佛語都無休息勤於諸法如救頭然勿使一生無所得也相與人人等一痛切五體投地如大山崩奉為有識神以來至于今身經生父母歷劫親緣和尚阿闍梨同壇尊證上中下座信施檀越善惡知識諸天諸仙護世四王主善罰惡守護持呪五方龍王龍神八部廣及十方無窮無盡一切眾生歸依世間大慈悲父

南無弥勒佛南無維衛佛南無式棄佛南無隨葉佛南無拘留秦佛南無拘那含佛南無迦葉佛南無釋迦牟尼佛南無無邊身菩薩南無觀世音菩薩又復歸依十方盡虛空界一切三寶願以慈悲力同加攝受以神通力覆護拯接後今日去至于菩提四無量心六波羅蜜常得現前四無量智六神通力如意自在行菩薩道入佛智慧同化十方俱登正覺一拜今日道場同業大眾重復志誠善攝心念相與已得入歸信門唯應盡意以趣向為期於內外法莫復留難若本業不明自不能造見人作福唯應獎勸彈指合掌明進其德不宜起心生諸妨導使彼行人心成阻退若是不退彼進如故彼既無礙唯當自損空構是非於身何益若能於善無有導者可謂合道有力大人若今作導者於未來世去何能得

通達佛道就理而尋損善實重阻
他善根罪真不輕如護口經說有一
餓鬼形狀醜惡見者毛豎莫不畏
懼身出猛焰猶如火聚口出蛆虫無
有窮盡膿血諸瘻以自嚴身臭
氣遠徹不可親近或口吐焰支節火
起舉聲號哭東西馳走是時滿足
羅漢問餓鬼曰汝宿何罪今受此苦
餓鬼答言吾往昔時曾作沙門戀
着資生慳貪不捨不護威儀出言
廉惡若見持戒精進之人輒復罵
辱偏眼惡視自恃豪強謂長不死
造於無量不善之本而今追憶悔
無所補寧以利刀自截其舌從劫至
劫甘心受苦不以一言誹謗他善尊
者還閻浮提以我形狀誠諸比丘
及佛弟子善護口過勿妄出言設
見持戒不持戒者念宣其德吾受
鬼身經數千劫終日竟夜備受楚
毒我此命盡復入地獄是時餓鬼
說此語已舉聲號哭自投于地如大

崩崩今日道場同業大眾如經所說
大可怖畏止口過獲報累劫何況
其餘不善之本捨身受苦皆由作
業若不作回亦何得果若有造回
果終不失罪福不遠身自當之辟
如影響不得捨離回無明生亦因而
死去來現在行放逸者未見是人
而得解脫能守護者受福無窮今
日大眾宜各慙愧洗浣身心懺謝前
各罪故不造新諸佛稱歎相與從
今日去若見人之善莫論成與不成
久與不久但使一念一頃一時刻一
日一月半年一歲已自勝於不作者
矣所以法華經言若人散亂心入於
塔廟中一稱南無佛皆已成佛道
而况有人能發如是大心勤於福善
不隨喜者聖所悲念某甲等自惟無
始生死以來至于今日已應有無量
惡心阻人勝善何以故然若無是事
去何今日於諸善法多有留難禪
定不能習智慧不能修少時禮拜

已言大苦暫執經卷復生厭怠終
日勞擾起諸惡業使此身形不得
解脫如蚕作繭自縊自縛如蛾赴
火長夜熖然如是等障無量無邊
障菩提心障菩提願障菩提行皆由
惡心誹謗他善今始覺悟生大慙愧
稽顙求哀懺悔此罪唯願諸佛諸大
菩薩以慈悲心同加神力令某甲等所
懺除滅所悔清淨所有障尋無量罪
業回今懺悔淨盡無餘相與人等一
痛切五體投地歸依世間大慈悲父
南無弥勒佛 南無釋迦牟尼佛
南無善德佛 南無無憂德佛
南無栴檀德佛 南無寶施佛
南無無量明佛 南無華德佛
南無相德佛 南無三乘行佛
南無廣眾德佛 南無明德佛
南無師子遊戲菩薩 南無師子奮迅菩薩
南無無邊身菩薩 南無觀世音菩薩
又復歸依如是十方盡虛空界一切三
寶相與胡跪合掌各自稱名心念口

言^其等從無始生死以來至于今日未能得道受此報身於四事中未得相離三毒熾然貪瞋嫉妬起眾惡業見人布施見人持戒自不能隨喜見人忍辱見人精進自不能行不能隨喜見人坐禪修智慧業自不能行不能隨喜如是等罪無量無邊今日懺悔願乞除滅又復無始以來至于今日或見人作善修諸功德不能隨喜行住坐卧於四威儀心無慙愧慍慢懈怠不念無常不知捨此身形應入地獄於他身色起種種惡障人建立三寶興顯供養障人修習一切功德如是罪障無量無邊今日懺悔願乞除滅又復無始以來至于今日不信三寶是歸依處障人出家障人持戒障人布施障人忍辱障人精進障人坐禪障人誦經障人寫經障人造像障人齋會障人供養障人苦行障人行道乃至他人一毫之善皆生障礙不信出家是遠離法不信忍辱

是安樂行不平等是菩提道不知離相是出世致使生受多諸障礙如是罪障無量無邊唯有諸佛諸大菩薩盡知盡見如諸佛菩薩所知所見罪量多少今日慙愧發露路懺悔一切罪因苦果願乞消滅從今日去至坐道場行菩薩道無有疲厭財法二施無有窮盡智慧方便所作不空一切見聞無不解脫相與志心五體投地仰願十方一切諸佛大地菩薩一切賢聖以慈悲心同加神力令六道一切眾生以今懺法一切眾苦皆悉斷除離顛倒緣不起惡覺捨四趣業得智慧生行菩薩道不休不息行願早圓速登十地入金剛心成等正覺

懺悔第三 將欲發菩提心必須懺悔 故次第三顯懺悔法門

今日道場同業大眾經言在九謂之縛在聖謂之解縛即是三業所起之惡解即是無礙之善一切聖人安心斯在神智方便無量法門明了眾生善惡之業能以一身作無量身能以

一形種種變現能促一劫以為一日能延一日以為一劫欲停壽命則永不滅欲現無常則示涅槃神通智慧出沒自在飛行適性坐卧虛空履水如地不見險難畢竟空寂以為攝止通達萬法空有俱明成就辯才智無量如是等法不從惡業中生不從貪瞋嫉妬中生不從愚癡邪見中生不從癡墮懈怠中生不從慍慢自養中生唯從謹慎不作眾惡勤行善業中生何處見人修諸善業隨從佛語而有貧窮者有醜陋者有癱殘百疾不自在者有卑賤為人陵蔑者有所言說不為人信用者今以身證若有一人隨從佛語修諸功德不為自身而得惡報者寧以我身入阿鼻地獄受種種苦使此等人得惡報者無有是處

今日道場同業大眾若欲捨凡入聖者當依佛語如教修行莫辭小苦生癩隨志宜自努力懺悔滅罪經言罪

後因緣生亦後因緣滅既未免九類
觸向多迷自非資以懺悔無由出離
相與今日起勇猛心發懺悔意懺悔
之力不可思議何以知然阿闍世王有
大逆罪慙懺悔責重苦輕受又此懺
法令諸行人得安隱樂若能自課努
力披誠至到稽顙懺悔依畢竟為
期者而不通感諸佛未之有也惡業
果報影響無差應當怖懼苦到懺
悔各各志心等一痛切五體投地心念
口言作如是說還請諸佛同加哀愍
願救我苦厄大悲覆一切普放淨光明
滅除癡暗瞋念我及一切方嬰地獄苦
必來至我所施令得安樂我今稽首礼
聞名救厄者我今共歸依世間慈悲父
南無彌勒佛南無釋迦牟尼佛
南無金剛不壞佛南無寶光佛
南無龍尊王佛南無精進軍佛
南無精進喜佛南無寶火佛
南無寶月光佛南無現無愚佛
南無寶月佛南無無垢佛

南無離垢佛 一

南無師子幡菩薩 南無師子作菩薩
南無無邊身菩薩 南無觀世音菩薩
又復歸依十方盡虛空界一切三寶
唯願必定來愍我三毒苦施令得安
樂及與大涅槃以大悲水洗除垢穢令
至菩提畢竟清淨六道四生有此罪
者同得清淨成就阿耨多羅三藐三
菩提究竟解脫相與志心等一痛切
五體投地心念口言^{某甲}等自後無始以
來至于今日無明所覆愛使所纏瞋
恚所縛墮在愚網經歷三界脩涉
六道沈淪苦海不能自拔不識往
業過去因緣或自破淨命或破他
淨命自破梵行破他梵行自破淨
戒破他淨戒如是罪惡無量無邊
今日慙懺悔願之除滅
^{某甲}等重復志誠五體投地又復無始
以來至于今日依身口意行十惡業
身殺盜淫口妄言綺語兩舌惡罵
意貪瞋癡自行十惡教他行十惡

量無邊今日懺悔願之除滅

^{某甲}等重復志誠五體投地又復無始
以來至于今日依於六根行於六識耳
於六塵眼著色耳著聲鼻著香舌
著味身著細滑意著法塵起種種
業乃至開八萬四千塵勞門如是罪
惡無量無邊今日懺悔願之除滅
^{某甲}等重復志誠五體投地又復無始
以來至于今日依身口意行不平等
但知有我身不知有他身但知有我
苦不知有他苦但知我求安樂不知
他求安樂但知我求解脫不知他亦
求解脫但知有我家眷屬不知他亦
有眷屬但知自身一癢一痛不可抑
忍楚撻他身恒恐苦毒不深但自知
畏現身小苦而不知畏起諸惡業捨
身應墮地獄於地獄中備受眾苦乃
至不知餓鬼道畜生道阿脩羅道
人道天道有種種苦以不平等故

起吾伐心生怨親想所以怨對遍於六道如是等罪無量無邊今日懺悔願之除滅某甲等重復志誠五體投地又復無始以來至于今日心顛倒想顛倒見顛倒離善知識近惡知識背八正道行八邪道非法說法法說非法不善說善善說不善起憍慢憍張愚癡恍惚無明流入生死海如是罪惡無量無邊今日懺悔願之除滅某甲等重復苦到五體投地又復無始以來至于今日以三不善根起四顛倒造作五逆行於十惡熾然三毒長養八苦造八寒八熱諸地獄回造八萬四千萬子地獄回造一切畜生回造一切餓鬼回造人天生老病死種種苦回受於六道無量苦果難可堪忍不可聞見如是罪惡無量無邊今日懺悔願之除滅某甲等重復苦到五體投地求哀悔過又復無始以來至于今日以三毒根起於三有中歷二十五有處處起諸罪惡隨逐業風不自知

覺或障人持戒修定修慧或障人修諸功德修諸神通如是罪障障善提心障善提願障善提行今日懺悔願之除滅某甲等重復苦到五體投地又復無始以來至于今日以貪愛心搆起六識隨逐六塵起衆多罪或於衆生邊起或於非衆生邊起或於無漏人起或於無漏法起如是貪瞋兩起罪惡今日懺悔願之除滅又愚癡心起顛倒行信於邪師受於邪說著斷者常著我著見隨癡所行起無量罪如是因緣障善提心障善提願障善提行今日懺悔願之除滅某甲等重復志誠五體投地又復無始以來至于今日身三惡業口四惡業意三惡業從無始無明住地煩惱担沙上煩惱止上煩惱觀上煩惱四住地煩惱三毒四取五蓋六愛七漏八垢九結十使如是一切煩惱等障無量無邊障善提心障善提願障善提行今日懺悔願之除滅

某甲等重復志誠五體投地又復無始以來至于今日不能修慈悲心不能修喜捨心不能修檀波羅蜜尸波羅蜜蜜羅提波羅蜜毗梨耶波羅蜜蜜禪波羅蜜蜜般若波羅蜜又不能修一切助善提法如是無有方便無有智慧障善提心障善提願障善提行今日懺悔願之除滅某甲等重復增到五體投地又復無始以來至于今日輪轉三界備歷六道受四生身或男或女非男非女遍一切處起無量罪或為大身衆生更相斲食或為細身衆生更相斲食如是等殺業無量無邊障善提心障善提願障善提行今日懺悔願之除滅某甲等重復志誠五體投地自從有識神已來至于今日於六道中受四生身於其中間所起罪惡無窮無盡如是等罪唯有十方一切諸佛大地菩薩盡知盡見如諸佛菩薩所知所見罪惡多少今日志心稽顙

求哀慙愧懺悔已作之罪願盡銷滅未作之罪不敢復作仰願十方一切諸佛以大慈心受^{某甲}等今日懺悔以大悲水洗^{某甲}能障菩提一切罪垢今至道場畢竟清淨又願十方一切諸佛以不思議力以本願力度脫衆生力護護衆生力令^{某甲}等今日起誓發菩提心後今已去至坐道場畢竟成立不復退轉所有誓願志同菩薩所行誓願仰願十方一切諸佛大地菩薩以慈悲心同加攝受令^{某甲}等得如所願滿菩提願一切衆生各各具足滿菩提願

慈悲道場懺法卷第一

三十八

慈悲道場懺法序

路一

原夫三界唯心萬法唯識悟本心之妙理罪福皆空迷自識之圓明善惡俱礙所以輪迴於六趣漸遠涅槃山豈能究竟於一乘長溺生死海塵塵造業種種為非不假懺摩之慧鋒難逃業惑之密網故勞皇覺降跡塵寰與慈運悲拔苦與樂愍四衆積愆之纏縛令一心剖過以懺除為說藥王藥上觀經命禮世出世間慈父洗清障垢修證菩提即時依教奉行俱獲證果解脫聖言雖在凡情罕知南朝齊武帝永平年間竟陵文宣王子良蕭氏撰淨住子成二十卷分淨行法為三十門未及流通又罹變易大梁天監具德高僧刪去繁蕪撮其樞要采摭諸經之妙語改集十卷之悔文總列四十品章將及二千餘禮前為六根三業歸依斷疑懺悔解寃後及六道四恩禮佛報德回向發願於其中也正以露纏結罪滌過去之惡因復憑發菩提心植當來之種智顯果報彰陽世之造愆出地獄示幽冥之受報警緣三寶以破邪見魔省念無常

以勦妄想賊自慶踊悅欣功用之匪虛屬累殷勤莫法會之不絕因彌勒如來之感夢題曰慈悲道場由蕭梁武帝之創修俗稱梁皇寶懺當時邨氏方淪蟒類已承懺法援超昇近世士民每遇障緣多沐勝因賜靈驗以之滅罪罪滅福生以此消災灾消吉至濟度亡靈者永脫苦淪解釋冤尤者即離仇對具救病之良藥乃破暗之明燈利及群生恩沾沙界論其功德豈可稱量自梁至今世代更革歷年既久傳寫差訛烏焉之字奚分亥豕之體莫辨每臨文而歎息遂興志以修治校對本經精研與理佛名依佛經之嘉號地獄增地藏之洪名求碩德以參詳請明師而審訂有不然者改而正之傍註釋音便於披讀用錄于梓以廣其傳普願大地衆生咸悟本來之覺性恒沙合識同證無上之菩提云耳後至元四年歲在戊寅如來聖制日杭城妙覺智松栢庭謹序

慈悲道場懺法卷第一

校勘記

- 一 底本，麗藏本。（此本為麗藏補遺本，無千字文帙號）。
- 一 五三二頁上一行至本頁中一七行「慈悲道場懺法傳」，**徑**、**清**無，另有「慈悲道場懺法序」一篇，茲以清藏本附於卷後。
- 一 五三二頁中一八行「卷第一」，前，**南**、**徑**、**清**有「啓運慈悲道場懺法、一心歸命三世諸佛、南無過去毗婆尸佛、南無尸棄佛、南無毗舍浮佛、南無拘留孫佛、南無拘那含牟尼佛、南無迦葉佛、南無本師釋迦牟尼佛、南無當來彌勒尊佛」。下至卷第十例同。
- 一 五三三頁上一二行「某甲等」，**南**、**徑**、**清**作「某等」。以下各卷均同。同行夾註「某甲……例此」，**南**、**徑**、**清**無。
- 一 五三三頁上一五至一八行「淨三

- 業……第六」，**南**、**徑**、**清**無。
- 一 五三三頁上一九行夾註「向……啟」，**南**、**徑**、**清**無。
- 一 五三三頁中七行「因而」，**南**、**徑**、**清**作「因此」。
- 一 五三三頁中八行「自非」，**南**、**徑**、**清**作「若非」。
- 一 五三三頁中一一行「神聖大人」，**南**、**徑**、**清**作「大人神聖」。
- 一 五三三頁中一五行「勤意」，**南**、**徑**、**清**作「專意」。
- 一 五三三頁中一六行「人加」，**南**、**徑**、**清**作「勤加」。
- 一 五三三頁下七至九行夾註「一拜」，**南**、**徑**、**清**無。次頁中一五至一七行及五三五頁上五至七行、五三八頁中一五行同。
- 一 五三四頁上三行「愛念」，**南**、**徑**、**清**作「慈念」。
- 一 五三四頁上末行末字「若」，**南**、**徑**、**清**作「已」。
- 一 五三四頁中一九行末字「故」，**南**、

- 徑**、**清**作「則」。
- 一 五三四頁中二〇行第八字「故」，**南**、**徑**、**清**無。
- 一 五三四頁下五行「捨離」，**南**、**徑**、**清**作「出離」。
- 一 五三五頁上四行「重復」，**南**、**徑**、**清**無。
- 一 五三五頁上八行「志心」，**南**、**徑**、**清**無。
- 一 五三五頁上一三行第一三字「一」，**南**、**徑**、**清**作「諸」。
- 一 五三五頁上一七行第六字「以」，**南**、**徑**、**清**無。
- 一 五三五頁中二行第四字「者」，**南**、**徑**、**清**無。
- 一 五三五頁中八行夾註「一切……此題」，**南**、**徑**、**清**無。
- 一 五三五頁中一九行第一三字「又」，**南**、**徑**、**清**無。
- 一 五三五頁下四行「不信」，**南**、**徑**、**清**無。
- 一 五三五頁下七行「絞痛」，**南**、**徑**、

- 一 清作「疔痛」。
- 一 五三五頁下一四行首字「不」，南、經、清作「不能」。
- 一 五三五頁下一八行第七字「於」，南、經、清作「其」。
- 一 五三六頁上一行第二字「而」，南、經、清無。
- 一 五三六頁上一二行首字「更」，南、經、清作「世」。
- 一 五三六頁中四行第二字「已」，南、經、清作「還」。
- 一 五三六頁中一二行第六字「萬」，南、經、清作「衆」。
- 一 五三六頁中一六行「今身」，南、經、清作「今日」。
- 一 五三六頁中末行後，南、經、清有「維衛佛等七佛善德佛等十佛出分別功德經金剛不壞佛等三十五佛出決定毘尼經普光佛等五十三佛出觀藥王藥上二菩薩經寶海佛等百七十佛出稱揚諸佛功德經拘樓孫佛等千佛出三劫三千佛名經

- 一 此係過去七佛世尊起。
- 一 五三六頁下末行第六字「者」，南、經、清無。
- 一 五三七頁上二〇行「我此命盡」，南、經、清作「若此報盡」。
- 一 五三七頁下一一與一二行之間，南有「此係十方十佛」。
- 一 五三七頁下末行「各自稱名」，南、經、清無。
- 一 五三八頁上二至三行「未得相離三毒熾然貪瞋嫉妬」，南、經、清作「曾無捨離貪瞋嫉妬三毒熾然」。
- 一 五三八頁上四行「見人持戒自不能」，南、經、清作「持戒自不能行」。
- 一 五三八頁上五行「見人」，南、經、清無。
- 一 五三八頁上九行第三字「或」，南、經、清無。
- 一 五三八頁中二行「忘相」，南、經、清作「忘想」。
- 一 五三八頁中一六行夾註「將欲……法門」，南、經、清無。

- 一 五三八頁中一九行「即是」，南、經、清作「即是三業」。
- 一 五三八頁下七行「無量」，南、經、清作「無礙」。
- 一 五三九頁上一行「未免」，南、經、清作「未免於」。
- 一 五三九頁上一一行末字「愍」下，南有夾註「此是三十五佛起」。
- 一 五三九頁中一四行第一一字「或」，南、經、清無。
- 一 五三九頁中一八行「五體投地」，南、經、清作「五體投地求哀悔過」。
- 一 五三九頁中末行末字「惡」與本頁下一行首字「量」之間，南、經、清有「讚歎十惡法讚歎行十惡法者如是一念之間起四十種惡如是等罪無」。
- 一 五三九頁下一二行首字「他」，南、經、清作「他亦」。
- 一 五三九頁下一三至一四行「眷屬不知他亦有眷屬」，南、經、清作「有眷屬不知他亦有眷屬」。

- 一 五三九頁下一五行「恒恐」，南、徑、清作「唯恐」。
- 一 五三九頁下一八行「不知」，南、徑、清作「不畏」。
- 一 五四〇頁上一行「吾伐」，南、徑、清作「彼我」。
- 一 五四〇頁上七行第九字「起」，南、徑、清作「建」。
- 一 五四〇頁上二〇行第五字「起」，南、徑、清無。
- 一 五四〇頁中一行末三字「或障人」，南、徑、清無。
- 一 五四〇頁中五行「貪愛」，南、徑、清作「貪瞋」。
- 一 五四〇頁下末行「罪惡」，南、徑、清作「罪量」。
- 一 五四一頁上四行第五字「洗」，南、徑、清作「洗除」。
- 一 五四一頁上六行「以本」，南、徑、清作「本誓」。
- 一 五四一頁上末行「卷第一」下，南有夾註「禮佛三進計五十二拜」。

慈悲道場懺法卷第二

發菩提心第四

今日道場同業大眾相與已得洗
浣心垢十惡重障淨盡無餘業累
既遣內外俱潔次應仰學菩薩修
行直道功德智慧由之而生所以
諸佛每歎發心是道場能辦事故
唯願大眾各堅其志莫以年命待
時漏盡勿令空去後悔無益相與
今日值遇好時不應日夜煩惱覆
心且當努力發菩提心菩提心者
即是佛心功德智慧不可格量蓋
論一念况復多念假使歷劫修無
量福乃至今生備行餘善不及發
心萬分之一筭數譬喻亦不能盡
又有一人但作福德不發菩提無
上道心譬如耕田不下種子既無
其芽何處求實以是義故須發菩
提心因緣為證上報佛恩下拔一

切所以佛讚諸天子言善哉善哉
如汝所說為欲利益一切眾生發
菩提心是為第一供養如來又發
菩提心非止一過唯應數發今菩
提心相續不斷是以經言於那由
他河沙佛所發大善願是知發心
其數無量又發菩提心但遇善知
識便得心發未必皆須值佛出世
如文殊師利始向善提乃因女人
以發初心慧式不惟凡品輕標心
志實由渴仰大乘貪求佛法依倚
諸經取譬世事怨親無差六道一
相願因斯善俱得解脫若同信解
知非戲論

今日道場同業大眾發菩提心必
須起想先緣所親繫念之時念己
父母師長眷屬又念地獄餓鬼畜
生又念諸天諸仙一切善神又念
人道一切人類有受苦者當云何
救見已起想應作是念唯有大心

能拔彼苦若一想成應作二想二
想成已應作三想三想成已滿一
室想一室成已滿一由旬一由旬
滿已滿閻浮提閻浮提滿已滿三
天下如是漸廣滿十方界見東方
眾生盡是其父西方眾生盡是其
母南方眾生悉是其兄北方眾生
悉是其弟下方眾生悉是姊妹上
方眾生悉是師長其餘四維悉是
沙門婆羅門等見已作念若受苦
時自作我想詣諸人所調身按摩
摺拔其苦得解脫已為其說法讚
佛讚法讚菩薩眾作是讚已心生
歡喜見其受樂如己無異今日道
場同業大眾發菩提心應當如是
不捨於苦而度眾生相與人等
一痛切五體投地心念口言作是
誓願_{某甲}等從今日去乃至道場於
其中間在所生處值善知識常發
無上菩提之心若在三途及墮八

難常使憶念發善提心令善提心相續不斷拜

今日道場同業大眾當起勇猛之

心殷重誓願發善提心等一痛切

五體投地歸依世間大慈悲父

南無彌勒佛 南無釋迦牟尼佛

南無勇施佛 南無清淨佛

南無清淨施佛 南無娑留那佛

南無水天佛 南無堅德佛

南無旃檀功德佛 南無無量光佛

南無光德佛 南無無憂德佛

南無那羅延佛 南無功德華佛

南無堅勇精進菩薩 南無金剛慧菩薩

南無無邊身菩薩 南無觀世音菩薩

又復歸依十方盡虛空界一切三寶

某甲等今於十方一切三寶前發善

提心從今已去乃至道場行菩薩

道誓不退還恒作度脫眾生心恒

作安立眾生心恒作覆護眾生心

眾生不得佛者誓不先取正覺仰

願十方一切諸佛大地菩薩一切賢聖現為我證今某甲等一切行願皆悉成就

今日道場同業大眾設使歷劫行

多種善乃得人天華報未得出世

實果壽終福盡還墮惡趣身壞苦

逼不能自免自非立弘誓願發廣

大心無由禮離生死哀惱相與今

日唯當緣念諸佛起堅固志發善

提心發心功德不可稱量諸佛善

薩說不能盡如是善力不可思議

豈得不至心學在一意大集經言

譬如百年闇室一燈能破勿謂一

念心輕而不努力相與胡跪一心

合掌徧緣十方一切三寶心念口

言某甲等今於十方一切諸佛前於

十方一切尊法前於十方一切善

薩前於十方一切賢聖前胡跪合

掌直心正念起殷重心不放逸心

安住心樂善心度一切心覆護一

切心等諸佛心發善提心某甲等從今日去至坐道場不着人天心不起聲聞心不起辟支佛心唯起大乘心求一切種智心成就阿耨多

羅三藐三菩提心唯願十方盡虛

空界一切諸佛大地菩薩一切聖

人以本願力現為我證以慈悲力

加助攝受今某甲等今日發心在所

生處堅固不退若在三途及墮八

難於三界中受種種身受種種苦

難堪難忍誓不以苦故退失今日

大心寧入無間大火輪中受種種

苦誓不以苦故退失今日大心此

心此願等諸佛心同諸佛願重復

至誠頂禮三寶

某甲等從今已去至于成佛不捨二

法知一切法空不捨一切眾生相

與至心等一痛切五體投地心念

口言某甲等不為自身求無上菩提

為救濟一切眾生取無上菩提往

合已去至于成佛擔當荷負無量
無邊一切眾生起大悲悲盡未來
際眾生若有三途重罪六趣厄難
某甲等誓不避眾苦以身救護今此
眾生得安隱地唯憑十方盡虛空
界一切諸佛

南無彌勒佛 南無釋迦牟尼佛
南無蓮華光遊戲神通佛
南無財功德佛 南無德念佛
南無善名功德佛 南無紅燄幢王佛
南無善遊步功德佛 南無寶華遊步佛
南無寶蓮華善住娑羅樹王佛
南無鬪戰勝佛 南無善遊步佛
南無周匝莊嚴功德佛
南無棄陰蓋菩薩 南無寂根菩薩
南無無邊身菩薩 南無觀世音菩薩
願以大慈悲力現為我證今某甲等
今日發菩提心行菩薩道在所生
處具足成就所到之地一切解脫
重復至誠五體投地頂禮十方一

切三寶 一拜

某甲等不為自身求無上菩提為度
十方一切眾生取無上菩提從今
已去至于成佛若有眾生愚癡黑
闇不識正法起諸異見者復有眾
生雖修道行不達法相者如此眾
生乃至未來某甲等誓以佛力法力
賢聖力種種方便令入佛慧令此
眾生具足成就一切種智相與至
心等一痛切五體投地歸依十方
盡虛空界一切諸佛

南無彌勒佛 南無釋迦牟尼佛
南無普光佛 南無普明佛
南無普淨佛
南無多摩羅跋旃檀香佛
南無旃檀光佛 南無摩尼幢佛
南無歡喜藏摩尼寶積佛
南無一切世間樂見上大精進佛
南無摩尼幢燈光佛
南無慧炬照佛 南無海德光明佛

南無金剛罕強普放金光佛
南無大強精進勇猛佛
南無大悲光佛 南無慈力王佛
南無慈藏佛
南無慧上菩薩 南無常不離世菩薩
南無無邊身菩薩 南無觀世音菩薩
仰願諸佛諸大菩薩大悲力大
智慧力不思議力無量自在力降
伏四魔力斷除五蓋力滅諸煩惱
力無量清淨業塵力無量開發觀
智力無量開發無漏慧力無量無
邊神通力無量度脫眾生力無量
覆護眾生力無量安隱眾生力無
量斷除苦惱力無量解脫地獄力
無量濟度餓鬼力無量救拔畜生
力無量攝化阿脩羅力無量攝受
人道力無量盡諸天諸仙漏力具
足莊嚴十地力具足莊嚴淨土力
具足莊嚴道場力具足莊嚴佛果
功德力具足莊嚴佛果智慧力是

足莊嚴法身力具足莊嚴無上菩提力具足莊嚴大涅槃力無量無盡功德力無量無盡智慧力以如是無量無邊自在不可思議力不違本誓不違本願悉以施與十方一切四生六道及今日同發心者必使皆得發心圓滿具足成就諸功德力具足成就菩提願力具足成就菩提行力今日十方若幽若顯若怨若親若非怨親四生六道有緣無緣窮未來際一切眾生以此攝法亦得清淨在所生處同得如願一向堅固心無退轉等與如來俱成正覺乃至後流一切眾生異於願界皆悉令入大願海中即得成就功德智慧同諸菩薩滿十地行具足一切種智莊嚴無上菩提究竟解脫一拜

發願第五

今日道場同業大眾相與已得發

大心竟喜踊無量宜復應發如是
大願等一痛切五體投地歸依世
間大慈悲父

南無彌勒佛 南無釋迦牟尼佛
南無旃檀窟莊嚴勝佛
南無賢善首佛 南無善善意佛
南無廣莊嚴王佛 南無金剛華佛
南無寶蓋照空自在王佛
南無虛空寶華光佛 南無瓊瑤莊嚴王佛
南無普現色身光佛 南無不動智光佛
南無降伏諸魔王佛 南無才光明佛
南無智慧勝佛 南無弥勒仙光佛
南無藥王菩薩 南無藥上菩薩
南無無邊身菩薩 南無觀世音菩薩

願以不思議力同加覆護令某甲等
所有誓願皆悉成就在所生處常
不忘失究竟無上菩提成等正覺一拜
各自心念口言某甲等從今日去願生
生世世在在處處常得憶念發菩提
心令菩提心相續不斷某甲等從

今日去願生生世世在在處處常
得奉值無量無邊一切諸佛常得
供養供養眾具皆悉滿足某甲等從
今日去願生生世世在在處處常
得護持大乘方等一切諸經供養
眾具皆悉滿足某甲等從今日去願
生生世世在在處處常值十方無
量無邊一切菩薩供養眾具皆悉
滿足某甲等從今日去願生生世世
在在處處常值十方無量無邊一
切賢聖供養眾具皆悉滿足某甲等
從今日去願生生世世在在處處
常得奉報覆蔭慈恩有所奉給隨
心滿足某甲等從今日去願生生世
世在在處處常得奉值和尚阿闍
梨所應供養隨念滿足某甲等從今
日去願生生世世在在處處常得
奉值大力國王共興三寶使不斷
絕某甲等從今日去願生生世世在
在處處常得莊嚴諸佛國土無有

一毒八難之名某甲等從今日去願
 生生世世在在處處得四無礙智
 具六神通恒在現前常不忘失以
 此教化一切衆生相與至心等一
 痛切五體投地歸依世間大慈悲父
 南無彌勒佛 南無釋迦牟尼佛
 南無世靜光佛
 南無善寂月音妙尊智王佛
 南無龍種上尊王佛 南無日月光佛
 南無日月珠光佛 南無慧幢勝王佛
 南無師子吼自在力王佛
 南無妙音勝佛 南無常光幢佛
 南無觀世燈佛 南無慧威燈王佛
 南無法勝王佛 南無須彌光佛
 南無須曼那華光佛
 南無優曇鉢羅華殊勝佛
 南無大慧力王佛
 南無阿闍毗歡喜光佛
 南無無量音聲王佛
 南無山海慧自在通王佛

南無大通光佛 南無才光佛
 南無金海光佛 南無切法常滿王佛
 南無大勢至菩薩 南無普賢菩薩
 南無無邊身菩薩 南無觀世音菩薩
 又復歸命如是十方盡虛空界一
 切三寶
 願承諸佛諸大菩薩一切賢聖大
 悲心力令某甲等所發捨願所生之
 處隨心自在某甲等從今日去又願
 生生世世在在處處若有衆生見
 我身色即得解脫若入地獄一切地
 獄變為淨土一切苦緣變為樂具
 令諸衆生六根清淨身心安樂如
 第三禪斷諸疑網發初無漏某甲等
 從今日去願生生世世在在處處
 若有衆生得聞我聲心即安隱滅
 除罪垢得陀羅尼解脫三昧具足
 大忍辯才不斷俱登法雲成正
 覺某甲等從今日去願生生世世在
 在處處一切衆生得聞我名皆悉

歡喜得未曾有若到三途斷除衆
 苦若在入天盡諸有漏所向自在
 無不解脫某甲等從今日去願生生
 世世在在處處於一切衆生無有
 與奪之心無有怨親之想斷三毒
 根離我我所信樂大法等行慈悲
 一切和合猶如聖衆某甲等從今日
 去願生生世世在在處處於一切
 衆生心常平等猶如虛空毀譽不
 動怨親一相入深廣心學佛智慧
 等視衆生如羅睺羅滿十住業得
 一子地離於有無常行中道相與
 至心等一痛切五體投地歸依世
 間大慈悲父
 南無彌勒佛 南無釋迦牟尼佛
 南無寶海佛 南無寶英佛
 南無寶成佛 南無寶光佛
 南無寶幢佛 南無寶光明佛
 南無阿闍佛 南無大光明佛
 南無無量音佛 南無大名稱佛

南無得大安隱佛 南無正音聲佛
 南無無限淨佛 南無月音佛
 南無無限名稱佛 南無月光佛
 南無無垢光佛 南無淨光佛
 南無金剛藏菩薩 南無虛空藏菩薩
 南無無邊身菩薩 南無觀世音菩薩
 又復歸依如是十方盡虛空界一切三寶
 願某甲等與四生六道以今懺悔發願功德因緣從今日去至于菩提行菩薩道無有疲厭財法二施無有窮盡智慧方便所作不空隨根應病授以法藥一切見聞同得解脫某甲等又願從今日去乃至菩提行菩薩道無諸留難所到之處常能作大佛事建立道場得心自在得法自在一切三昧無不能入開摠持門顯示佛果居法雲地注甘露雨滅除衆生四種魔怨使得清淨法身妙果某甲等今日所有衆願

悉如十方諸大菩薩所發誓願所有衆願悉如十方諸佛本時所發一切大願廣大如法性究竟如虛空願某甲等得如所願滿菩提願一切衆生皆悉隨從得如所願仰願十方一切諸佛一切尊法一切菩薩一切賢聖以慈悲力現為我證又願一切天主一切仙主一切善神一切龍神以擁護三寶慈善根力現為證知令諸行願隨心自在一拜發迴向心第六
 今日道場同業大眾已發菩提心竟已發大誓願竟次應發迴向心相與至心等一痛切五體投地歸依世間大慈悲父
 南無彌勒佛 南無釋迦牟尼佛
 南無日光佛 南無無量寶佛
 南無蓮華取尊佛 南無身尊佛
 南無金光明佛 南無梵自在王佛
 南無金光明佛 南無金海佛

南無龍自在王佛 南無切華香自在王佛
 南無樹王佛
 南無勇猛執持罕仗棄捨戰鬥佛
 南無內豐珠光佛 南無無量香光明佛
 南無文殊師利菩薩 南無妙音菩薩
 南無無邊身菩薩 南無觀世音菩薩
 又復歸依十方盡虛空界一切三寶願以慈悲力現為我證某甲等願過去所起一切善業現前所起一切善業未來當起一切善業若多若少若輕若重悉以迴施四生六道一切衆生今諸衆生皆得道心不向二乘不向三有同共迴向無上菩提又願一切衆生所起善業若過去若現在若未來各各迴施不向二乘不向三有同共迴向無上菩提今日道場同業大眾相與發菩提心竟發大誓願竟發迴向心竟廣大如法性究竟如虛空去來現在一切諸佛諸大菩薩一切賢聖

皆為證明重復至誠頂礼三寶一拜

某甲等發心發願其事已畢喜踊無

量重復至心五體投地奉為

國王帝主父母師長歷劫親緣一

切眷屬善惡知識諸天諸仙護世

四王主善罰惡守護持呪五方龍

王龍神八部一切靈祇過去現在

窮未來際一切怨親及非怨親四

生六道一切眾生歸依世間大慈

悲父

南無彌勒佛 南無釋迦牟尼佛

南無師子嚮佛 南無大強精進勇健佛

南無過去堅住佛 南無鼓音王佛

南無日月英佛 南無超出眾華佛

南無世燈明佛 南無休多易寧佛

南無寶輪佛 南無常滅度佛

南無淨覺佛 南無無量寶華明佛

南無須彌步佛 南無寶蓮華佛

南無一切眾寶普集佛

南無法輪眾寶普集豐盈佛

南無樹王豐長佛

南無圍繞持尊德淨佛

南無無垢光佛 南無日光佛

又復歸依過去無數劫諸佛大師

海德如來

敬礼無量無邊盡虛空界無生法

身菩薩

敬礼無量無邊盡虛空界無漏色

身菩薩

敬礼無量無邊盡虛空界發心菩薩

敬礼興正法馬鳴大師菩薩

敬礼興像法龍樹大師菩薩

敬礼十方盡虛空界無邊身菩薩

敬礼十方盡虛空界救苦觀世音菩薩

讚佛呪願

大聖世尊 巍巍堂堂 神智妙達

眾聖中王 形徧六道 體散十方

頂肉髻相 頂出日光 面如滿月

妙色金莊 儀容挺特 行止安詳

威震大千 群魔驚遑 三達洞照

眾邪潛藏 見惡必救 濟苦為糧

度生死岸 為行舟航

故號如來應供正徧知明行足善

逝世間解無上士調御丈夫天人

師佛世尊度人無量拔生死苦以

此發心功德因緣仰願

當今皇帝漢書云大皇帝太子殿下國家

眷屬從今日去至于道場亡身為

法如薩陀波論大悲滅罪如虛空

藏能遠聽法如琉璃光善解難法

如無垢藏又願某甲等所生父母歷

劫親緣從今日去至于道場散形

空界如無邊身具十功德如高貴

德王聞法歡喜猶如無畏神力勇

猛如大勢至又願某甲等和尚阿闍

梨同學眷屬上中下座一切知識

從今日去至于道場各得無畏如

師子王影響大化猶如寶積聞聲

濟苦如觀世音善能諮問如大迦

葉又願某甲等出家于在俗信施檀越

善惡知識各及眷屬從今日去至于道場解諸危厄猶如救脫相貎端嚴猶如文殊能捨業障如棄陰蓋設最後供等於純陀又願諸天諸仙護世四王聰明正直天地虛空主善罰惡守護持呪五方龍王龍神八部幽顯靈祇各及眷屬從今日去至于道場大慈普覆如阿逸多精進護法如不休息遠證讀誦猶如普賢為法焚身猶如藥王又願十方一切怨親及非怨親四生六道一切衆生各及眷屬從今日去至于道場心無愛染如離意女微妙巧說如勝鬘夫人能行精進如釋迦文所有善願等無量壽所有威神如諸天王不可思議如維摩詰一切功德各成就無量佛土悉莊嚴仰願十方盡虛空界無量無邊諸大菩薩一切賢聖以慈悲心同加攝受救護拯接所願圓

滿信心堅固德業日遠慈育四生等如一子今諸衆生得四無量心得六波羅蜜十受修禪三願廣被應念見佛皆如勝鬘一切行願畢竟成就等與如來俱登正覺

慈悲道場懺法卷第二

慈悲道場懺法卷第二

校勘記

- 一 底本，麗藏本。
- 一 五四五頁中六行第二字「河」，南、
〔徑、清作「恒」〕。
- 一 五四五頁中七行第六字「發」，南、
〔徑、清無〕。
- 一 五四五頁中八行「心發」，南、
〔清作「發起」〕。
- 一 五四五頁中末行第七字「作」，南、
〔徑、清作「發」〕。
- 一 五四五頁下一行第二字「自」，
南、〔徑、清作「當」〕。
- 一 五四五頁下一九行第八字「值」，
南、〔徑、清作「恒值」〕。又第一二字
「常」，南、〔徑、清無〕。
- 一 五四五頁下末行第八字「在」，南、
〔徑、清作「處」〕。
- 一 五四六頁上二行小字「拜」，南、〔徑、
清無〕。
- 一 五四六頁上三行末字「之」，南、〔徑、

- 一 清無。
- 一 五四六頁上四行「誓願」，南、經、清作「心」。
- 一 五四六頁上一五行「十方」，南、經、清作「如是十方」。
- 一 五四六頁中七行「自非」，南、經、清作「若非」。
- 一 五四六頁中八行「永離生死哀惱」，南、經、清作「百福莊嚴離諸哀惱」。
- 一 五四六頁中九行「唯當」，南、經、清作「唯當一心一意」。
- 一 五四六頁中一二行第六字「學」，南、經、清作「專」。
- 一 五四六頁中一六行末字「於」，南、經、清無。次行第八字及一八行第三字同。
- 一 五四六頁中一八行至一九行「胡跪合掌」，南、經、清無。
- 一 五四六頁下三行第一二字「起」，南、經、清作「發」。
- 一 五四六頁下九行「若在三途及墮」，南、經、清作「若墮三塗及處」。

- 一 五四六頁下一七行「不捨」，南、經、清作「度脫十方」。
- 一 五四六頁下末行首字「為」，南、經、清作「而為」。
- 一 五四七頁上一行首字「合」，南、經、清作「今」。
- 一 五四七頁上五行「唯憑」，南、經、清作「唯願」。
- 一 五四七頁上一〇行「善名功德佛」、「紅皺幢王佛」，南、經、清作「善名稱功德佛」、「紅焰帝幢王佛」。
- 一 五四七頁中一行小字「一拜」，南、經、清無。次頁上一八行、次頁中一七行同。
- 一 五四七頁中八至九行「令入佛慧令此衆生」，南、經、清作「令此衆生皆入佛慧」。
- 一 五四七頁中一行「諸佛」下，南、經、清作「此係五十三佛起」。
- 一 五四七頁下一行「普放」，南、經、清作「普散」。
- 一 五四七頁下七行「大慈悲力」，南、

- 一 五四七頁下末行末字至次頁上一行首字「是足」，南、經、清作「具足」。
- 一 五四八頁上三行「智慧力」下，南、經、清有「仰願十方盡虛空界一切諸佛諸大菩薩」。
- 一 五四八頁上六行「六道」，南、經、清作「六道衆生」。
- 一 五四八頁上七行「皆得發心圓滿」，南、經、清無。
- 一 五四八頁上一五行第三字「界」，南、經、清作「者」。
- 一 五四八頁上一六行「成就」，南、經、清作「具足成就」。
- 一 五四八頁中一八行「各自心念口言」，南、經、清無。
- 一 五四八頁下二行第三字「值」，南、經、清作「事」。
- 一 五四九頁上一行「一毒」，南、經、清作「三惡」。
- 一 五四九頁上二行第九字「得」，南、經、清無。

- 一 五四九頁上三行「具六神通恒在」，
[南、經、清作「六神通力恒得」。
- 一 五四九頁上七行「世靜」，[南、經、
清作「世淨」。
- 一 五四九頁上一〇行「慧幡」，[清作
「慧幢」。
- 一 五四九頁上一六行「殊勝佛」，[南、
經、清作「殊勝王佛」。
- 一 五四九頁中五行「歸命」，[南、經、
清作「歸依」。
- 一 五四九頁中八行第二字「心」，[南、
經、清無。
- 一 五四九頁下一四行「慈悲父」下，
[南有夾註「此係百七十佛起」。
- 一 五五〇頁上三行「月光佛」，[南、經、
清作「日月光明佛」。
- 一 五五〇頁上九行至一〇行「與四
生六道以今懺悔發願功德因緣」，
[南、經、清作「以今懺悔發願功德
因緣四生大道」。
- 一 五五〇頁中二行「本時」，[南、經、
清作「本修行時」。

- 一 五五〇頁中一〇行小字「一拜」，
[南、經、清無。次頁上一行同。
- 一 五五〇頁中一三行「迴向心」，[南
作「迴向之心」。
- 一 五五〇頁下七行「十方」，[南、經、
清作「如是十方」。
- 一 五五〇頁下九行第二字「所」，[南、
經、清作「已」。
- 一 五五〇頁下一〇行「未來」，[南、經、
清作「乃至未來」。
- 一 五五一頁上三行第三字「復」，[經、
清作「發」。
- 一 五五一頁中四行「歸依」，[南、經、
清作「敬禮」。
- 一 五五一頁中一九行「安詳」，[南、經、
清作「安庠」。
- 一 五五一頁下七行「皇帝」，[南、經、
清作「皇帝陛下」。又夾註「舊云大
梁皇帝」，[南、經、清無。
- 一 五五一頁下七行「國家」，[南、經、
清作「諸王」。
- 一 五五二頁上一九行「諸大菩薩」，

- 一 [南、經、清作「諸佛諸大菩薩」。
- 一 五五二頁中三行首字「得」，[南、經、
清無。
- 一 五五二頁中五行「拜」，[南、經、清
無。

慈悲道場懺法卷第三

顯果報第一

出地獄第二

解怨釋結第三

發願第四

顯果報第一

今日道場同業大眾前已具述罪惡過患以過患故乖於勝業以不善業所以墜墮三途備歷惡趣及生人間受諸苦報皆由過去宿對因緣捨身受身無暫停息是以諸佛諸大菩薩神通天眼見三界內一切衆生福盡隨業墮於苦處見無色界樂著定心不覺命終墮於欲界以福盡故受禽獸形色界諸天亦復如是從清淨處墮在欲界既在不淨還受欲樂六天福盡退墮地獄於地獄中受無量苦又見人道就人道中以十善力資得人身惡緣雜染復有多苦壽盡多墮諸惡趣中又見畜生道一切衆生受諸

苦惱鞭杖驅馳負重致遠困苦疲劇項領穿破熱鐵燒烙又見餓鬼常苦飢渴恒被火燒猶如劫盡若無微善永不解脫有片福者劣得人身多病短命以自莊嚴大眾當知善惡二輪未曾暫輟果報連環初無休息貧富貴賤隨行所生非有無因而妄招果所以經言爲人豪貴國王長者從禮事三寶中來爲人大富從布施中來爲人長壽從持戒中來爲人端正從忍辱中來爲人勤修無有懈怠從精進中來爲人才明遠達從智慧中來爲人音聲清徹從歌詠三寶中來爲人潔淨無有疾病從慈心中來爲人長大恭敬人故爲人短小輕蔑人故爲人醜陋喜瞋恚故生無所知不學問故爲人顛愚不教他故爲人瘡痍誘毀人故爲人下使負他債故爲人醜黑遮佛光明故生

在裸國輕衣擔揆勝己故生馬蹄國著屐勝己前行故生穿胃國布施作福悔惜心故生摩鹿中驚怖人故生墮龍中喜調戲故身生惡瘡鞭撻衆生故人見歡喜見人歡喜故喜遭縣官籠繫衆生故聞說法語於中兩舌亂人聽受後墮耽耳狗中聞說法語心不食采後生長耳驢中慳貪獨食墮餓鬼中出生爲人貧窮飢餓惡食飼人後墮猪狔蜚蝗之中劫奪人物後墮羊中人生剥皮食噉其肉喜偷盜人後生牛馬爲人下使喜作妄語傳人惡者死入地獄烓銅灌口拔出其舌以牛耕之罪畢得出生鴉鴿中人聞其聲無不驚怖皆言變性况今其死喜飲酒醉後墮涕屎泥犁之中罪畢得出生猩猩中猩猩業畢後得爲人頑無所知人不齒錄貪人力者後生象中夫處富貴

爲人上者鞭杖捶打告訴無地如是等人死入地獄數千萬歲受諸苦報從地獄出墮水牛中貫穿鼻口挽船牽車還復受彼大杖打扑償往宿殃爲人不淨從猪中來慳貪不恕己者從狗中來佞戾自用從羊中來爲人輕躁不能忍事從猕猴中來身體腥臭從魚鱉中來爲人含毒從蛇中來人無慈心從虎狼中來

今日道場同業大眾人生世間多病短命種種痛苦不可具說皆由三業構造所得能令行人嬰三途報所以有三途者人有三毒貪恚愚癡又復三惡口常言惡心常念惡身常行惡以此六事能滅人身常苦常惱無有休息於此命終孤魂獨逝慈親孝子不能相救條忽之間到閻羅所地獄獄卒不問尊卑但案罪錄檢校生時善惡多少

神識自首不敢隱匿以是因緣隨業至趣苦樂之地身自當之杳杳冥冥別離長久道路不同會見無期又諸天神記人善惡乃至毛髮無片遺漏善人行善獲倍億壽惡人行惡命短苦長如是輪轉又墮餓鬼從餓鬼脫生畜生中罪苦難忍受之無竟

今日道場同業大眾各自覺悟起慙愧心經言作善得善作惡得惡而五濁惡世不可作惡善不失善報爲惡自招殃莫言輕脫立此懺法經言莫輕小善以爲無福水滴雖微漸盈大器小善不積無以成聖莫輕小惡以爲無罪小惡所積足以滅身大眾當知吉凶禍福皆由心作若不作因亦不得果殃積罪大肉眼不見諸佛所說誰敢不信我等相與生世強健復不勤學自力行善臨窮方悔亦何所及今

已共見一切過患如經所說自知其罪豈得不思捨惡從善今生若復不能用心判捨此形必墮地獄何以知之今見爲罪之時未嘗不以含毒猛烈懷恨深重若瞋一人必欲令死者嫉一人惡見其好若毀一人必陷苦處若鞭一人窮天楚毒忿恚暴害不避尊卑惡罵醜言無復高下聲震若雷眼中火現至於爲福之時善心微劣始欲爲多末遂減少初欲速營續後且住心既不正日月推遷如是進退遂就忘失是爲作罪之時心氣剛強爲福之時志意劣弱今以弱善之因求離強惡之報豈可妄得經云懺悔無罪不滅每至懺悔之時必須五體投地如大山崩此云不惜身命爲滅罪因緣故慇懃督勸某等相與各省今生已來已曾幾過作此忿責不惜身命掉勞忍苦作

此懺悔暫時禮拜已言氣力不堪
或暫端坐復言應須消息或言四
體不可過勞宜應將養不可使困
一伸脚眠差如不死何處復憶我
應禮佛掃塔塗地辦所難辦且經
教所明未見一善從懶墮懈怠中
生亦未曾見有一善法從驕慢自
恣中得某甲等今日雖有其形心多背
道何以知然今試檢校從旦至中
從中至暮從暮至夜從夜至曉乃
至一時一刻一念一項無有片心念
三寶四諦無有片心報父母恩無
有片心報師長恩無有片心欲布
施持戒忍辱精進無有片心欲學
禪定修智慧業清白之法無一可
論煩惱重障森然滿目若不作此
檢察亦自言我功德不少有小片
善而生持賴言我能作他不能作
言我能行他不能行意氣高傲僞
若無人追此而言實可羞耻今於

大眾前披誠發露懺悔眾罪願布
施歡喜將來無障大眾亦宜自浣
身心果報之徵具如向說豈得自
寬不求捨離大眾莫言我無是罪
我既無罪何須懺悔若有此念願
即除滅且幾微小失已成大各覺
然之恨瞋恚便起性與習成難可
改革心不可縱意不可逞若能抑
忍則煩惱可除如其怠墮未見濟
度某甲等今日仰承諸佛慈悲念力
諸大菩薩本誓願力說罪業報應
教化地獄經宜各靜慮一心諦聽
如是我聞一時佛住王舍城耆闍
崛山中與菩薩摩訶薩及聲聞眷
屬俱亦與比丘比丘尼優婆塞優
婆夷及諸天龍鬼神等皆悉集會
尔時信相菩薩白佛言世尊今有
地獄餓鬼畜生奴婢貧富貴賤種
類若干凡有眾生聞佛說法如孩
子得母如病得醫如裸得衣如闇

得燈世尊說法利益眾生亦復如是
尔時世尊觀時已至知諸菩薩勸
請懇勤即放眉間白毫相光照于
十方無量世界地獄休息苦痛安
寧尔時一切受罪眾生尋佛光明
來詣佛所遶佛七匝至心作禮勸
請世尊廣宣道化令諸眾生得蒙
解脫
今日道場同業大眾我今至誠勸
請諸佛亦復如是願諸眾生同得
解脫相與至心等一痛切五體投
地勸請十方盡虛空界一切諸佛
願以慈悲力救諸苦惱令得安樂
又復勸請世間大慈悲父
南無彌勒佛 南無釋迦牟尼佛
南無梵天佛 南無不退轉輪成道佛
南無大興光王佛 南無法種尊佛
南無日月燈明佛 南無須彌佛
南無大須彌佛 南無超出須彌佛
南無香像佛 南無圍繞香勸佛

南無淨光佛 二十 南無香自在王佛

南無大集佛 南無香光明佛

南無大光佛 南無無量光明佛

南無獅子遊戲菩薩 南無獅子奮迅菩薩

南無堅勇精進菩薩 南無金剛慧菩薩

南無無邊身菩薩 南無觀世音菩薩

南無佛陀 南無達摩

南無僧伽

又復歸依如是十方盡虛空界一

切三寶 一拜

大慈大悲唯願救拔一切苦惱令諸衆生即得解脫改往修來不復為惡從今日去畢竟不復墮於三途身口意淨不念人惡離諸業障得清淨業一切衆邪不復更動常行四等精進勇猛植衆德本所為無量捨身受身恒生福地念三途苦發菩提心行菩薩道不休不息六度四等常得現前三明六通如意自在出入遊戲諸佛境界等與

菩薩俱成正覺 二十一

今日道場同業大眾起怖畏心起慈悲心一心一意攝耳諦聽念時世尊放眉間白毫相光遍照六道一切衆生時信相菩薩為慈念諸衆生故即從座起前至佛所胡跪合掌白佛言世尊今有衆生為諸獄卒剉確斬身從足斬之乃至其頂斬之已訖巧風吹活還復斬之受此苦報無有休息何罪所致佛言是諸衆生以前世時不信三尊不知供養不孝父母與惡逆心屠兒魁膾斬害衆生以是因緣故獲斯罪復有衆生身體頑痹眉鬚墮落舉身洪爛烏棲處宿人跡斷絕親族棄捨人不喜見如是惡報名之癩病以何因緣故得此罪佛言以前世時不信三尊不孝父母破塔壞寺剝奪道人斫射聖賢傷害師長

嘗無反覆背恩忘義常行狗犬玷污所尊不避親疎無有慙愧以是因緣故獲斯罪

復有衆生身體長大聾聵無足宛轉腹行唯食泥土以自活命為諸小臣之所嗜食晝夜受苦無有休息何罪所致佛言以前世時為人自用不信好言不孝父母違戾反逆或為地主及作大臣四鎮方伯州郡令長里禁督護恃其威勢侵奪民物無有道理使民窮苦以是因緣故獲斯罪

復有衆生兩目失明都無所見或掘樹木或墮溝坑於是死已更復受身既得生已還復如是何罪所致佛言以前世時不信罪福障佛光明縫闔他眼龍閉衆生皮囊盛頭不得所見以是因緣故獲斯罪今日道場同業大眾如經所說大可怖畏我等亦可已作是罪無明

所覆不自憶知如是等罪無量無邊於未來世方受苦報今日至心等一痛切五體投地稽顙求哀慙愧改悔已作之罪因懺除滅未作之罪從今清淨仰願十方一切諸佛

南無彌勒佛 南無釋迦牟尼佛
 南無開光明佛 南無月光燈光佛
 南無月光佛 南無日月光明佛
 南無火光明佛 南無集音佛
 南無取威儀佛 南無光明尊佛
 南無蓮華軍佛 南無蓮華響佛
 南無多寶佛 南無師子吼佛
 南無師子音佛 南無精進軍佛
 南無金剛踊躍佛 南無度一切禪絕眾齋
 南無寶大侍從佛 南無無憂憂佛
 南無地力持勇佛 南無最踊躍佛
 南無師子作菩薩 南無棄陰蓋菩薩
 南無寂根菩薩 南無常不離世菩薩
 南無無邊身菩薩 南無觀世音菩薩
 南無佛陀 南無達摩

南無僧伽

大慈大悲救護拯接令諸眾生即得解脫為諸眾生滅除地獄餓鬼畜生等業令諸眾生畢竟不復受諸惡報今諸眾生捨三途苦悉到智地今得安隱究竟樂處以大光明滅諸癡闇廣為分別甚深妙法使得具足無上菩提成等正覺今日道場同業大眾重復至誠一心諦聽信相菩薩白佛言世尊復有眾生嘗吃瘡瘻口不能言若有所說不能明了何罪所致佛言以前世時誹謗三尊輕毀聖道論他好惡求人長短強誣良善憎嫉賢人是以因緣故獲斯罪

復有眾生腹大頸細不能下食若有所食變為膿血何罪所致佛言以前世時偷盜眾食或為大會施設銷餽私取麻米屏處食之慳惜已物但貪他有常行惡心與人毒

藥氣息不通故獲斯罪

復有眾生常為獄卒之所燒炙熱鐵灌身鐵釘釘之釘之既訖自然火起焚燒其身悉皆焦爛何罪所致佛言以前世時坐為針師傷人身體不能差病誑他取物令他痛苦故獲斯罪

復有眾生常在鑊中牛頭阿旁手捉鐵叉又著鑊中煮之今爛還即吹活而復煮之何罪所致佛言以前世時屠殺眾生湯灌滅毛不可限量以是惡業故獲斯罪

今日道場同業大眾如經所說大可怖畏我等不知在何道中已作如是無量惡業於未來世方嬰劇報亦可即身應見此苦嘗吃瘡瘻口不能言或復大腹小頸不能下食人生何定今日雖安明亦難保果報一來不可得脫宜各人人覺悟此意直心正念莫復餘想等一

痛切五體投地普為今日四生六道一切眾生已受苦者未受苦者歸依世間大慈悲父

南無彌勒佛 南無釋迦牟尼佛

南無自在王佛 南無無量音佛

南無定光明佛 南無寶光明佛

南無寶蓋照空佛 南無妙寶佛

南無諦幢佛 南無梵幢佛

南無阿彌陀佛 南無殊勝佛

南無集音佛 南無金剛步精進佛

南無自在王神通佛 南無寶火佛

南無淨月幢稱光明佛 南無妙樂佛

南無無量幢幡佛 南無無量幡佛

南無大光普徧佛 南無寶幢佛

南無慧上菩薩 南無常不離世菩薩

南無無邊身菩薩 南無觀世音菩薩

南無佛陀 南無達摩

南無僧伽

又復歸依如是十方盡虛空界一切三寶

仰願諸佛諸大菩薩大慈大悲救護一切受苦眾生以神通力滅除惡業令諸眾生畢竟不復墮於苦處得清淨趣得清淨生功德滿足不可窮盡捨身受身恒值諸佛同諸菩薩俱登正覺

今日道場同業大眾重加心力攝耳諦聽信相菩薩白佛言世尊復有眾生在火城中燬煨齊心四門雖開到則自閉東西馳走不能得出為火燒盡何罪所致佛言以前世時焚燒山澤洩撒陂池火炮鷄子使諸眾生於煨而死以是因緣故獲斯罪

復有眾生常在雪山寒風所吹皮肉剝裂求死不得求生不得苦毒萬端不可堪忍何罪所致佛言以前世時橫道作賊剝奪人衣以自資養多月隆寒裸他凍死皮剝牛羊苦痛難忍以是因緣故獲斯罪

復有眾生常在刀山劍樹之上若有所捉即便割傷支節斷壞痛毒辛酸不可堪忍何罪所致佛言以前世時屠殺為業烹害眾生屠割剝裂骨肉分離頭脚星散懸於高格稱量而賣或復生懸痛不可忍以是惡業故獲斯罪

復有眾生五根不具何罪所致佛言以前世時飛鷹走狗彈射鳥獸或破其頭或斷其足生城其翼使受痛苦以是惡業故獲斯罪

今日道場同業大眾如經所說大可怖畏相與至心等一痛切五體投地普為十方一切眾生已受苦者當受苦者歸依世間大慈悲父
南無彌勒佛 南無釋迦牟尼佛
南無淨光佛 南無寶王佛
南無樹根華王佛 南無維衛莊嚴佛
南無開化菩薩佛 南無見無恐懼佛
南無一乘度佛 南無德內豐嚴王佛

有眾生癡癡背僂腰寬不隨脚跛
手折不能行步何罪所致佛言以
前世時為人憎剋行道安搶或施
射戈陷墜眾生以是惡業故獲斯罪
復有眾生為諸獄卒繫繫其身枷
桁苦厄不能得免何罪所致佛言
以前世時網捕眾生籠繫六畜或
為宰主令長貪取民物枉繫良善
冤訴無所以是惡業故獲斯罪
復有眾生或顛或癡或狂或駭不
別好醜何罪所致佛言以前世時
飲酒醉亂犯三十六失後得癡身
猶如醉人不別尊卑以是惡業故
獲斯罪
復有眾生其形短小陰藏甚大挽
之身疲皆復進引行步坐卧以之
為妨何罪所致佛言以前世時持
生販賣自譽已物毀他財寶巧弄
升斗躡秤前後以是惡業故獲斯罪
今日道場同業大眾如佛所說大

可怖畏相與至心等一痛切五體
投地為今日現受苦一切眾生當
受苦一切眾生乃至六道現受當
受一切眾生又奉為父母師長信
施檀越善惡知識廣及十方一切眾
生歸依世間大慈悲父

南無彌勒佛 南無釋迦牟尼佛

南無無數精進賢佛 南無無言勝佛

南無無畏豐佛 南無月英豐佛

南無無異光豐佛 南無逆空光明佛

南無取清淨無量幡佛

南無好諦住唯王佛

南無成就一切諸刹豐佛

南無淨慧德豐佛 南無淨輪幡佛

南無殊離光取豐佛 南無寶德步佛

南無寂清淨德寶佛 南無度寶光明塔佛

南無無量慙愧金最豐佛

南無文殊刹菩薩 南無普賢菩薩

南無無邊身菩薩 南無觀世音菩薩

又復歸依如是十方盡虛空界一

三寶

某甲等今日承佛力法力諸菩薩力
為其稽顙求哀懺悔若已受苦者
以佛菩薩大慈悲力令即解脫未
受苦者從今日去至于道場畢竟
不復墮於惡趣離八難苦受八福
生得諸善根成就平等具足智慧
清淨自在同與如來俱登正覺
今日道場同業大眾宜加用心攝
耳諦聽信相菩薩復白佛言世尊
復有眾生其形極醜身黑如漆兩
耳復青高頰俱阜飽面平鼻兩眼
黃赤牙齒疎缺口氣腥臭短短擁
腫大腹小背脚後繚戾僂脊凸肋
費衣健食惡瘡膿血水腫乾消疥
癩癰疽種種諸惡集在其身雖親
附人人不在意若他作罪橫羅其
殃永不見佛永不聞法不識菩薩
賢聖從苦入苦不得休息何罪所
致佛言以前世時為子不孝父母

為臣不忠其君為上不敬其下為
下不恭其上朋友不賞其信鄉黨
不以義從朝廷不以其爵斷事不
以其道心意顛倒無有其度殺害
君臣輕凌尊長罰國掠民政城破
塢偷劫盜竊惡業非一美已惡人
侵凌孤老誣謗賢善輕慢師長欺
誑下賤一切罪業悉具犯之眾罪
業故故獲斯罪

今時一切諸受罪人聞佛世尊作
如是說號泣動地淚下如雨而白
佛言唯願世尊久住說法化我等
輩今得解脫佛言若我久住此世
薄福之人不種善根謂我常在不
念無常善男子譬如嬰兒母常在
側於母不生難遭之想若母去時
便生渴仰思戀之心母方還來悉
乃生喜善男子我今亦復如是知
諸眾生善惡業緣受報好醜故般
涅槃于時世尊即於受罪眾生而

說偈言

水流不常滿 火猛不久然
日出須臾沒 月滿已復虧
尊榮豪貴者 無常復過是
念當勤精進 頂禮無上尊
今時世尊說此偈已諸受罪人銜
悲白佛言世尊一切眾生作何善
行得離斯苦佛言善男子當勤孝
養父母敬事師長歸奉三尊勤行
布施持戒忍辱精進禪定智慧慈
悲喜捨怨親平等無有二相不欺
孤老不輕下賤護人猶己不起惡
念汝等若能如是修行則為已得
報佛之恩永離三途無復眾苦佛
說是經已菩薩摩訶薩即得阿耨
多羅三藐三菩提聲聞緣覺即得
六通三明具八解脫其餘大眾皆
得法眼淨若有眾生得聞是經不
墮三途八難之處地獄休息苦痛
安寧信相菩薩白佛言世尊當何

名斯經菩薩摩訶薩云何奉持佛
告信相菩薩善男子此經名為罪
業報應教化地獄經當奉持之廣
令流布功德無量時諸大眾聞說
此法一心歡喜頂戴奉行
今日道場同業大眾如佛所說大
可怖畏相與今日起怖畏心起慈
悲心承諸佛力行菩薩道念地獄
苦發菩提心當為今日現受地獄
道苦一切眾生現受餓鬼道苦一
切眾生現受畜生道苦一切眾生
乃至六道現受苦者一心一意為
其禮懺今此眾生悉得解脫我等
若不勤行方便轉禍為福者則於
二地獄皆有罪分相與至心當念
父母師長親戚眷屬未來應受苦
報亦念自身未來現在方嬰此苦
等一痛切五體投地至誠懇惻至
到用心願令一念感十方佛一拜
斷除無量眾苦若六道中已受苦

者以佛力法力賢聖力令此眾生
即蒙解脫若六道中未受苦者以
佛力法力諸賢聖力令此眾生永
得斷除從今日去畢竟不復墮於
惡趣除三障業隨念往生滅五怖
畏自在解脫勤修道業不休不息
妙行莊嚴過法雲地入金剛心成
等正覺

今日道場同業大眾重復用心攝
耳諦聽善思念之雜藏經說時有
一鬼白目連言我兩肩有眼眉有
口鼻而無有頭何罪所致目連答
言汝前世時恒作魁膾弟子若殺
人時汝常歡喜以繩結挽以是因
緣故受此罪此是華報果在地獄
復有一鬼白目連言我此身形常
如塊肉無有手足眼耳鼻等恒爲
虫鳥之所食噉如是苦痛難堪難
忍何罪所致目連答言汝前世時
常與他藥令諸眾生不全活以

是因緣故獲斯罪此是華報果在
地獄

復有一鬼白目連言我腹極大咽
喉如針窮年卒歲不得飲食何罪
所致目連答言汝前世時作聚落
主自恃豪貴飲酒縱橫輕欺他人
奪其飲食飢困一切以是因緣故
獲斯罪此是華報果在地獄

復有一鬼白目連言我一生來有
二熱鐵輪在兩腋下舉身焦爛何
罪所致目連答言汝前世時與衆
作餅盜取二番挾兩腋下以是因
緣故獲斯罪此是華報果在地獄
復有一鬼白目連言我常以物自
憐籠頭畏人來救心常怖懼何罪
所致目連答言汝前世時姪犯外
色常畏人見或畏夫主捉縛打殺
常懷恐怖故受此罪此是華報果
在地獄
今日道場同業大眾如經所說廿七豈

得不人人生大怖畏相與無始已
來至于今日已應作如是無量罪

惡如是等罪皆因無明無慈悲心
以強焚弱傷害衆生作如是罪乃
至盜竊他物迷惑失道譏謗賢善
作種種罪如是罪報於惡道中必
受其苦今日至心等一痛切五體
投地普爲六道已受苦者未受苦
者求哀禮懺奉爲父母師長一切
眷屬求哀禮懺亦爲自身求哀禮
懺已作之罪願乞除滅未作之罪
不敢復作唯願世間大慈悲父
南無彌勒佛 南無釋迦牟尼佛
南無蓮華尊佛 南無淨寶興豐佛
南無電燈幢王佛 南無法空燈佛
南無一切衆德成佛 南無賢幢幢王佛
南無一切寶緻色持佛
南無斷疑拔欲除冥佛
南無意無恐懼威毛不豎佛
南無師子佛 南無名稱遠聞佛

南無法名号佛 南無奉法佛
 南無法幢佛
 南無大勢至菩薩 南無常精進菩薩
 南無不休息菩薩 南無虚空藏菩薩
 南無無邊身菩薩 南無觀世音菩薩
 以大慈大悲救護六道現受苦當
 受苦一切眾生今此眾生即得解
 脫以神通力斷除惡道及地獄業
 令諸眾生從今日去至于道場畢
 竟不復墮於惡趣捨苦報身得金
 剛身四等六度常得現前四辯六
 通如意自在勇猛精進不休不息
 乃至進修滿十地行還復度脫一
 切眾生

南無金剛堅強銷伏壞散佛
 南無寶火佛 南無寶月光明佛
 南無賢最佛 南無寶蓮華步佛
 南無壞魔羅網獨步佛
 南無師子吼力佛 南無悲精進佛
 南無金寶光明佛 南無無量尊豐佛
 南無無量尊離垢王佛
 南無德首佛
 南無藥王菩薩 南無藥上菩薩
 南無無邊身菩薩 南無觀世音菩薩
 又復歸依如是十方盡虚空界一切三寶願
 以大慈大悲救拔十方一切眾生今現受苦
 者即得解脫當受苦者畢竟斷除畢竟不復
 墮於惡趣從今日去至于道場除三障業滅
 五怖畏功德智慧具足莊嚴攝取一切眾生
 同共回向無上菩提成正覺
 今日道場同業大眾重複增到一心諦聽信
 相菩薩白佛言世尊復

慈悲道場懺法卷第三

校勘記

- 一 底本，麗藏本。
- 一 五五五頁上二至三行「顯果……」
- 一 第四，南、徑、清無。
- 一 五五五頁上四行「第一」，南、徑、清作「第七」。
- 一 五五五頁上一七行「就人道中」，南、徑、清無。
- 一 五五五頁上一八行「惡緣雜染」，南、徑、清作「就人身中」。
- 一 五五五頁中一六行「恭敬」，南、徑、清作「姝好恭敬」。
- 一 五五五頁下五行「見人」，南作「前世見人」。
- 一 五五六頁上一行「鞭杖捶打」，南、徑、清作「鞭杖其下為下之人」。
- 一 五五六頁上四行「還復受彼」，南、徑、清無。
- 一 五五六頁上一四行第八字「人」，南、徑、清作「因」。

- 一 五五六頁上一五行「三惡」，南、徑、清作「三惡以自燒然」。
- 一 五五六頁上一六行第一一字「滅」，南、徑、清作「使」。
- 一 五五六頁上一八行「條忽」，南、徑、清作「條忽」。
- 一 五五六頁中五行「獲倍億」，南、徑、清作「獲福益」。
- 一 五五六頁中一九行第一〇字「復」，南、徑、清作「苟」。
- 一 五五六頁下二行第六字「思」，南、徑、清無。
- 一 五五六頁下五行首字「以」，南、徑、清無。
- 一 五五六頁下七行「必陷」，南、徑、清作「必使陷於」。
- 一 五五六頁下九行「高下」，南、徑、清作「高下乃至」。
- 一 五五六頁下一二行第四字「匡」，南、徑、清作「志」。
- 一 五五六頁下一三行第五字「爲」，南、徑、清作「知」。

- 一 五五六頁下一六行「無罪」，南、徑、清作「則無罪」。又本行第七字「每」，南、徑、清作「夫」。
- 一 五五六頁下一七行「此云」，南、徑、清作「乃至」。
- 一 五五六頁下一八行「因緣」，南、徑、清無。
- 一 五五六頁下一八行夾註「某甲」，及次行首字「等」，南、徑、清無。
- 一 五五六頁下一九行「各省」，南、徑、清作「覺察」。又「已曾」，南、徑、清作「曾經」。
- 一 五五七頁上一行「懺悔」，南、徑、清作「懺悔暫時旋繞便生厭倦」。
- 一 五五七頁上四行第七字「不」，南、徑、清作「小」。
- 一 五五七頁上七行「亦未曾見有一善法」，南、徑、清作「無有一法」。
- 一 五五七頁上八行「有其」，南、徑、清作「得人」。
- 一 五五七頁上九行「今試檢校」，南、徑、清無。

- 一 五五七頁上一五行「清白」，南、徑、清作「今試檢校清白」。
- 一 五五七頁上一七至一八行「有片善而生恃賴」，南、徑、清作「設有片善」。
- 一 五五七頁上一九行首字「言」，南、徑、清無。
- 一 五五七頁中一行「披誠發露」，南、徑、清無。
- 一 五五七頁中六行第一二字「各」，南、徑、清作「咎」。
- 一 五五七頁中一八行「奴婢」，南、徑、清無。
- 一 五五七頁下一九至二〇行之間，南、徑、清有「南無喻如須彌佛」。
- 一 五五八頁上一行「南無淨光佛」與「南無香自在王佛」之間，南、徑、清有「南無法最佛」。
- 一 五五八頁上三行「大光佛」，南、徑、清作「火光明佛」。
- 一 五五八頁上一〇行夾註「一拜」，南、徑、清無。

- 一 五五八頁上一五行「更動」，南、經、清作「能動」。
- 一 五五八頁中八至九行「從足斬之乃至其頂斬之已訖」，南、經、清作「從足至頂斬之纒訖」。
- 一 五五八頁中一一行第三字「諸」，南、經、清作「等」。
- 一 五五八頁下一行首字「嘗」，南、經、清作「曾」。
- 一 五五九頁上八行「月光佛」，南、經、清作「日月光佛」。
- 一 五五九頁上一三行「師子音佛」，南、經、清作「師子音王佛」。
- 一 五五九頁中一與二行之間，南、經、清有「又復歸依如是十方盡虛空界一切三寶願以」。
- 一 五五九頁下一四行「已作」，南、經、清作「曾作」。
- 一 五六〇頁上二行「未受」，南、經、清作「當受」。
- 一 五六〇頁上一四行「大光普徧佛」，南、經、清作「大光普照佛」。
- 一 五六〇頁中一九行「皮剝」，南、經、清作「剝剝」。
- 一 五六〇頁下四行「屠殺」，南、經、清作「宰殺」。
- 一 五六〇頁下末行與次頁上一行之間原缺第十九版，茲以清藏本補於卷後。
- 一 五六一頁上三行第一二字「或」，南、經、清無。
- 一 五六一頁上四行第二字「戈」，南、經、清作「戈穿」。
- 一 五六一頁上一六行第五字「復」，南、經、清作「伏」。
- 一 五六一頁中四行第七字「奉」，南、經、清無。
- 一 五六一頁中一五行「流離」，南、經、清作「瓊璃」。
- 一 五六一頁中一六行「最清淨德寶佛」，南、經、清作「最清淨德寶住佛」。
- 一 五六一頁中末行至本頁下一行「二三寶」，南、經、清作「一切三寶」。
- 一 五六一頁下二行第四字「承」，南、經、清作「仰承」。
- 一 五六一頁下三行第九字「若」，南、經、清無。
- 一 五六一頁下一〇行第八字「復」，南、經、清作「重」。
- 一 五六一頁下一二行「高頰」，南、經、清作「雙頰」。
- 一 五六一頁下一四行「脚復」，南、經、清作「手脚」。
- 一 五六一頁下一九行「賢聖」，南、經、清作「不識賢聖」。
- 一 五六二頁上一行「不敬」，南、經、清作「不愛」。
- 一 五六二頁上四行第一〇字「其」，南、經、清作「期」。
- 一 五六二頁上九行第二字「故」，南、經、清作「報」。
- 一 五六二頁上一〇行「一切」，南、經、清無。
- 一 五六二頁上一四至一五行「不念無常」下，南、經、清有「造諸無量」。

不善之本後方追憶悔無所及。

一 五六二頁上一九行「善惡業緣受報好醜」，**南、經、清**作「不求常住」。

一 五六二頁中三行第八字「已」，**南、經、清**作「還」。

一 五六二頁中一二行「下賤」，**南、經、清**作「貧賤」。

一 五六二頁中一七行末字「皆」，**南、經、清**無。

一 五六二頁下三行「當奉持之」，**南、經、清**作「汝當奉持」。

一 五六二頁下一二行「乃至」，**南、經、清**作「廣及」。

一 五六二頁下一八行末字「至」，**南、經、清**作「苦」。

一 五六三頁上三行第五字「諸」，**南、經、清**無。

一 五六三頁上一一行第七字「我」，**南、經、清**作「我身」。

一 五六三頁上一七行第一二字「恒」，**南、經、清**作「常」。

一 五六三頁上一八行第五字「食」，

南、經、清作「啄」。

一 五六三頁上二〇行「常與他藥」，**南、經、清**作「與他毒藥墮胎落孕」。

一 五六三頁中一四至一五行「自蒙籠頭」，**南、經、清**作「蒙籠其頭」。

一 五六三頁中一五行「心常」，**南、經、清**作「心生」。

一 五六三頁中一六行第七字「汝」，**南、經、清**作「以」。

一 五六三頁中一八行「受此」，**南、經、清**作「獲斯」。

一 五六三頁下二行第六字「已」，**南、經、清**無。

一 五六三頁下三行「無明」，**南、經、清**無。

一 五六三頁下四行第三字「欸」，**南、經、清**作「欺」。又「作如是罪」，**南、經、清**無。

一 五六三頁下八行第一一字「未」，**南、經、清**作「當」。

一 五六三頁下九行第六字「奉」，**南、經、清**作「亦」。

一 五六四頁上二行與三行間，**南、經、清**有「南無須彌燈光明佛 南無寶藏莊嚴佛 南無栴檀摩尼光佛 南無金海自在王佛 南無大悲光明王佛 南無優鉢羅蓮華勝佛 南無蓮華鬚莊嚴王佛 南無金剛堅強自在王佛 南無殊勝月王佛 南無日月光王佛」。

一 五六四頁上五行與六行間，**南、經、清**有「又復歸依如是十方盡虛空界一切三寶願」。

慈悲道場懺法卷第四

顯果報之餘

今日道場同業大眾重加至誠一心
 諦聽佛在王舍城迦蘭陀竹園
 時目連從禪定起遊恒水邊見諸
 餓鬼受罪不同時諸餓鬼各起敬
 心來問目連往昔因緣一鬼問言
 我一生來恒抱飢渴欲至廁上取
 糞噉之廁上大力鬼以杖打我初
 不得近何罪所致目連答言汝為
 人時作佛畷主有客比丘來寺乞
 食而汝慳惜不與客食待客去後
 乃行舊住緣汝無道慳惜眾物以
 是因緣故獲斯罪汝今華報果在
 地獄

復有一鬼問目連言我一生來肩
 上有大銅瓶盛滿烱銅以杓取之
 還自灌頭痛苦難忍何罪所致目
 連答言汝為人時作寺維那知大

眾事有一瓶酥藏著屏處不依時
 行待客去後乃行舊住酥是招提
 之物一切有分緣汝無道慳惜眾
 物以是因緣故獲斯罪汝今華報
 果在地獄

復有一鬼問目連言我一生來常
 吞熱鐵丸何罪所致目連答言汝
 為人時作沙弥子取清淨水作石
 蜜漿石蜜堅大汝起盜心打取少
 許大眾未飲汝盜一口以是因緣故
 獲斯罪此是華報果在地獄

今日道場同業大眾如目連所見
 大可怖畏我等亦可經作此罪無
 明所覆不自憶知既有如是無量
 罪業於未來世受苦報者今日至
 心等一痛切五體投地慙愧懺悔
 願乞除滅又復普為十方盡虛空
 界一切餓鬼求哀懺悔又奉為父
 母師長求哀懺悔又為同壇尊證
 上中下座求哀懺悔又為善惡知

識廣及十方無窮無盡四生六道
 一切眾生求哀懺悔若已作之罪
 因今除滅未作之罪不敢復造仰
 願十方一切諸佛

- | | |
|----------|----------|
| 南無彌勒佛 | 南無釋迦牟尼佛 |
| 南無拘樓孫佛 | 南無拘那含牟尼佛 |
| 南無迦葉佛 | 南無師子佛 |
| 南無明皎佛 | 南無牟尼佛 |
| 南無妙華佛 | 南無華氏佛 |
| 南無善宿佛 | 南無導師佛 |
| 南無大髻佛 | 南無大力佛 |
| 南無宿王佛 | 南無修藥佛 |
| 南無名相佛 | 南無大明佛 |
| 南無炎肩佛 | 南無照曜佛 |
| 南無日藏佛 | 南無月氏佛 |
| 南無眾炎佛 | 南無善明佛 |
| 南無無憂佛 | |
| 南無師子遊戲菩薩 | 南無師子奮迅菩薩 |
| 南無無邊身菩薩 | 南無觀世音菩薩 |
| 南無佛。陀 | 南無達摩 |

南無僧伽

大慈大悲救拔十方現受餓鬼道苦一切衆生又願救拔十方地獄道畜生道人道一切衆生無量衆苦今諸衆生即得解脫斷三障業無五怖畏八解洗心四弘被物面奉慈顏諮承妙教不起本處諸漏永盡隨念俯應遍諸佛土願行早圓速成正覺

拜

今日道場同業大衆重復至誠一心諦聽。爾時佛在王舍城東南有一池水屎尿污穢盡入其中臭不可近。有一大虫生此水中身長數丈無有手足宛轉佞昂觀者數千。阿難往見具以啓佛。佛與大衆共詣池所。大衆念言今日如來當爲衆會說。虫本末佛告大衆。維衛佛泥洹後時有塔寺有五百比丘。經過寺中。寺主歡喜請留供養。盡心供饌。無有遺惜。後有五百商人入

海采寶還過塔寺。見五百比丘精勤行道。並各發心欣然共議。福田難遇。當設薄供。人捨一珠得五百摩尼珠。以寄寺主。寺主後時生不善心。畝欲獨取。不爲設供。大衆問言。賈客施珠。應當設供。寺主荅言。是珠施我。若欲奪珠。冀可與汝。若不時去。割汝手足。投之糞坑。衆念其癡。默然各去。緣是罪惡。受此虫身後入地獄。又受衆苦。

佛在王舍城。又見一衆生。其舌長大。鐵釘釘舌。熾然火起。終日竟夜。備受楚痛。目連問佛。此何罪報。今受此苦。佛荅目連。此人昔時經作寺主。呵罵驅遣諸客。比丘不與飲食。不同供養。以是因緣。故獲斯罪。又有衆生。身體長大。頭上有鑊。熾然火燒。滿中。烱銅從四面出。灌其身上。乘虛而行。無有休息。目連問佛。此何等罪。今受此苦。佛荅目連。

此人昔時作寺知事。擅越送油。不以分與諸客。比丘待客去後。乃分舊住。以是因緣。故獲斯罪。又一衆生。熾然鐵丸。從身上入。從身下出。乘虛而行。苦痛難忍。目連問佛。此何等罪。今受此苦。佛荅目連。此人往昔作沙彌子。盜衆園中果子七枚。死入地獄。受無量苦。餘業未盡。故獲斯罪。

又見大魚。一身百頭。頭頭各異。墮他網中。世尊見已。入慈三昧。乃喚此魚。魚即時應。世尊問言。汝母何在。荅言。母在廁中。作虫佛語。諸比丘。此大魚者。迦葉佛時。作三藏比丘。以惡口。故受多頭。報其母。爾時受其利養。以是因緣。作廁中虫。佛言。得此報者。皆由衆生惡口。魚強宣傳。彼此鬪亂。兩家死入地獄。獄卒燒熱鐵鉤。表裏洞赤。以烙其舌。復燒鐵鉤。鉤有三刃。利如鋒。鉗以

斷其舌復以牛犂耕破其舌復燒
鐵杵刺其咽中數千萬劫罪畢乃
出生鳥獸中佛言若有眾生論說
君主父母師長其罪過是

今日道場同業大眾聞佛此言大
可怖畏今善惡二途皎然可見罪
福果報諦了無疑唯應努力勤行
懺悔相與披經具見此事若不努
力小復懈退我今所作何由得辦
辱如歎乏之人心注百味於其飢
惱終無濟益故知欲求勝妙法欲
度脫眾生者不可止在於心既在
心事宜自努力勤而行之相與至
心等一痛切五體投地為地獄道
餓鬼道畜生道人道一切眾生求
哀禮懺又為父母師長善惡知識
并及自身一切眷屬求哀禮懺若
已作之罪願乞除滅未作之罪不
敢復作仰願世間大慈悲父
南無彌勒佛 南無釋迦牟尼佛

南無提沙佛	南無明曜佛
南無持鬚佛	南無功德明佛
南無示義佛	南無燈曜佛
南無興盛佛	南無藥師佛
南無善濡佛	南無白毫佛
南無堅固佛	南無福威德佛
南無不可壞佛	南無德相佛
南無羅睺佛	南無眾主佛
南無梵聲佛	南無堅際佛
南無不高佛	南無作明佛
南無大山佛	南無金剛佛
南無將眾佛	南無無畏佛
南無珍寶佛	
南無師子幡菩薩	南無師子作菩薩
南無無邊身菩薩	南無觀世音菩薩

以慈悲力大智慧力不思議力無
量自在力度脫六道一切眾生滅
除六道一切眾苦令諸眾生皆得
斷除三途罪業畢竟不復造五逆
十惡更墮三途從今日去捨苦報

生得淨土生捨苦報命得智慧命
捨苦報身得金剛身捨惡趣苦得
涅槃樂念惡趣苦發菩提心四等
六度常得現前四辯六通如意自
在勇猛精進不休不息乃至進修
滿十地行復能度脫一切眾生一拜
出地獄第二向已具述因果報以業不善
墮在惡道故復相續墮地獄門
今日道場同業大眾雖復萬法差
品功用不一至於明闇相形唯善
與惡語善則人天勝果述惡則三
途劇報二事列世皎然非虛而愚
惑之者多起疑異或言人天是妄
造地獄非真說不知推因驗果不
知驗果尋因既因果不分各執世
解非但言空談有乃亦題篇造論
心乖勝善未會云謬設使示誨執
固益堅如是等人自投惡道如射
箭項墮在地獄慈親孝子不能相
救唯得前行入於火鑊身心摧碎
精神痛苦當此之時悔復何及

今日道場同業大眾善惡相資猶如影響罪福異處宿預嚴持幸各明信無措疑心何謂地獄經言三千大千世界鐵圍兩山黑闇之間謂之地獄鐵城縱廣一千六百萬里城中八萬四千高下以鐵爲地上以鐵爲網火燒此城表裏洞赤上火徹下下火徹上其名則有衆合黑闇刀輪劔林鐵機荆林鐵網鐵窟鐵丸尖石炭坑燒林虎狼別喚鑊湯爐炭刀山劔樹火磨火城銅柱鐵牀火車火輪飲銅吐火大熱大寒拔舌釘身犁耕斧斫刀兵屠裂灰河沸屎寒冰淤泥愚癡啼哭聾盲瘡痘鐵鈎鐵嘴復有大小泥犁阿鼻地獄佛告阿難云何名阿鼻地獄阿者言無鼻者言遮阿者言無鼻者言救合言無遮無救又阿者言無聞鼻者言無動阿言極熱鼻言極惱阿言不聞鼻言不

住不聞不住名阿鼻地獄又阿言大發鼻言猛熱猛火入心名阿鼻地獄佛告阿難阿鼻地獄縱廣正等三十二萬里七重鐵城七層鐵網下十八高周而七重皆有刀林七重城內復有劔林下十八高萬八萬四千重於其四角有四大銅狗其身長大萬六千里眼如掣電牙如劔樹齒如刀山舌如鐵刺一切身毛皆出猛火其煙臭惡世間臭物無以爲譬又有十八獄卒頭如羅剎頭口如夜叉口六十四眼眼散迸鐵丸如十里車鈎牙上出高百六十里牙頭火流燒前鐵車令鐵車輪一一輪輞化爲一億火刀鋒刃劔戟皆從火炎中出如是流火燒阿鼻城令阿鼻城赤如融銅獄卒頭上有八牛頭一牛頭有十八角二角頭皆出火聚火聚復化成十八火輞火輞復變作大刀輪如車

輪許輪輪相次在火炎間滿阿鼻獄銅狗張口吐舌在地舌如鐵刺舌出之時化無量舌滿阿鼻城七重城內有七鐵幢幢頭火涌如沸涌泉其鐵流迸滿阿鼻城阿鼻四門於門間上有十八釜沸銅涌出從門漫流滿阿鼻城二高間有八萬四千鐵蟒大地吐毒吐火身滿城內其地哮吼如天震雷雨大鐵丸滿阿鼻城城中苦事八萬億千苦中苦者集在此城又有五百億重垂八萬四千雉頭火流如雨而下滿阿鼻城此垂下時阿鼻猛火其炎大熾赤光火炎照三百三十六萬里從阿鼻地獄上衝大海沃焦山下大海水滲如車軸許成大鐵尖滿阿鼻城佛告阿難若有衆生殺父害母罵辱六親作是罪者命終之時銅狗張口化十八車狀如金車寶蓋在

上一切火炎化為玉女罪人遙見
心生歡喜我欲往中我欲往中風
刀解身寒急失聲寧得好火在車
上坐然火自爆作是念已即便命
殄揮霍之間已坐金車顧瞻玉女
皆捉鐵斧斬截其身身下火起如
旋火輪辟如壯士屈伸辟頃直墮
阿鼻大地獄中從於上萬如旋火
輪至下萬際身遍萬內銅狗大吼
齧骨嗜髓獄卒羅刹捉大鐵叉又
頭令起遍體火炎滿阿鼻城鐵網
兩刀從毛孔入化閻羅王大聲告
勅癡人獄種汝在世時不孝父母
邪慢無道汝今生處名阿鼻地獄
汝不知恩無有慙愧受此苦惱為
樂不耶作是語已即滅不現介時
獄卒復驅罪人從於下萬乃至上
萬經歷八萬四千萬中裨身而過
至鐵網際一日一夜介乃周遍阿鼻
地獄一日一夜此間浮提日月歲數

六十小劫如是壽命盡一大劫五
逆罪人無慙無愧造作五逆五逆
罪故臨命殄時十八風刀如鐵火
車解截其身以熱逼故便作是言
得好色華清涼大樹於下遊戲不
亦樂乎作此念時阿鼻地獄八萬
四千諸惡劍林化作寶樹華果茂
盛行列在前大熱火炎化為蓮華
在彼樹下罪人見已我所願者今
已得果作是語時疾於暴雨坐蓮
華上坐已須臾鐵嘴諸虫從火華
起穿骨入髓徹心穿腦攀樹而上
一切劍枝削肉徹骨無量刀林當
上而下火車爐炭十八苦事一時
來迎此相現時墮地地下從下萬
上身如華敷遍滿下萬從下萬起
火炎猛熾至於上萬至上萬已身
滿其中熱惱急故張眼吐舌此人
罪故萬億鎔銅百千刀輪從空中
下頭入足出一切苦事過於上說

百千萬倍具五逆者其人受罪足
滿五劫復有衆生破佛禁戒虛食
信施誹謗邪見不識因果斷學般
若毀十方佛偷佛法物起諸穢污
不清淨行不知慙愧毀辱所親造
衆惡事此人罪報臨命殄時風刀
解身偃卧不定如被楚撻其心荒
越發狂癡想見已室宅男女大小一
切皆是不淨之物屎尿臭處盈流
于外介時罪人即作是語云何此
處無好城郭及好山林使吾遊戲
乃處如此不淨物間作是語已獄
卒羅刹以大鐵叉擊阿鼻獄及諸
刀林化作寶樹及清涼池火炎化
作金葉蓮華諸鐵嘴虫化為鳧鴈
地獄痛聲如詠歌音罪人間已如
此好處吾當遊中念已尋時坐火
蓮華諸鐵嘴虫從身毛孔嗜食其
軀百千鐵輪從頂上入恒沙鐵叉
挑其眼睛地獄銅狗化作百億鐵

狗競分其身取心而食俄介之間
身如鐵華滿十八萬一華葉八萬
四千二葉頭身手足節在一萬間
地獄不大此身不小遍滿如此大
地獄中此等罪人墮此地獄經歷
八萬四千大劫此泥犁滅復入東
方十八萬中如前受苦此阿鼻獄
南亦十八萬西亦十八萬北亦十八
萬謗方等經具五逆罪破壞賢聖
斷諸善根如此罪人具衆罪者身
滿阿鼻獄四支復滿十八萬中此
阿鼻獄但燒如此獄種衆生劫欲
盡時東門即開見東門外清泉流
水華果林樹一切俱現是諸罪人
從下萬見眼火暫歇從下萬起宛
轉腹行肆身上走到上萬中手攀
刀輪時虛空中雨熱鐵丸走趣東
門既至門闔獄卒羅刹手捉鐵叉
逆刺其眼銅狗齧心悶絕而死死
已復生見南門開如前不異如是

西門北門亦皆如此如此時間經
歷半劫阿鼻獄死復生寒冰獄中
寒冰獄死生黑闇處八千萬歲目
無所見受大虫身宛轉腹行諸情
闇塞無所解知百千狐狼牽掣食
之命殄之後生畜生中五十萬身
受鳥獸形如是罪畢還生人中鬻
盲瘡痲疥癩癰疽貧窮下賤一切
諸衰以自莊嚴受此賤形經五百
身後復還生餓鬼道中餓鬼道中
遇善知識諸大菩薩呵責其言汝
於前身無量世時作無限罪誹謗
不信墮阿鼻獄受諸苦惱不可具
說汝今應當發慈悲心時諸餓鬼
聞是語已稱南無佛稱佛恩力尋
即命殄生四天處生彼天已悔過
自責發菩提心諸佛心光不捨是
等攝受是輩慈哀是等如羅睺羅
救避地獄如愛眼目佛告大王欲
知佛心光明所照常照如此無間

無救諸苦衆生佛心所緣常緣此
等極惡衆生以佛心力自莊嚴故
過算數劫令彼惡人發菩提心
今日道場同業大衆聞佛世尊說
上諸苦宜加攝心莫生放逸相與
若復不勤方便行菩薩道則於二
地獄皆有罪分今日同為現受阿
鼻地獄等苦一切衆生當受阿鼻
地獄等苦一切衆生廣及十方一切
地獄現受當受無窮無盡一切衆
生等一痛切五體投地歸依世間
大慈悲父

南無 彌勒佛	南無 七 佛
南無 十方十佛	南無 三十五佛
南無 五十三佛	南無 百七十佛
南無 莊嚴劫千佛	南無 賢劫千佛
南無 星宿劫千佛	
南無 十方菩薩摩訶薩	南無 十二菩薩
南無 无边身菩薩	南無 觀世音菩薩
又復歸依十方盡虛空界無量形	

像優填王金像旃檀像阿育王銅像吳中石像師子國王像諸國土中金像銀像瑠璃像珊瑚像琥珀像碑礫像瑪瑙像真珠像摩尼寶像紫磨上色閻浮檀金像
又復歸命十方如來一切髮塔一切齒塔一切牙塔一切爪塔一切頂上骨塔一切身中諸舍利塔袈裟塔匙鉢塔澡瓶塔錫杖塔如是等爲佛事者
又復歸命諸佛生處塔得道塔轉法輪塔般涅槃塔多寶佛塔阿育王所造八萬四千塔天上塔人間塔龍王宮中一切寶塔又復歸依十方盡虛空界一切諸佛歸依十方盡虛空界一切尊法歸依十方盡虛空界一切賢聖仰願同以慈悲力安慰衆生力無量自在力無量大神通力攝受今日道場同爲阿鼻大地獄受苦一

切衆生懺悔乃至十方不可說一切地獄衆生懺悔及父母師長一切眷屬今日懺悔以大悲水洗除今日現受阿鼻地獄等及餘地獄等苦一切衆生罪垢令得清淨洗除今日道場同懺悔者及其父母師長一切眷屬罪垢令得清淨又洗除六道一切衆生罪垢令至道場畢竟清淨從今日去至于道場皆得斷除阿鼻地獄苦及十方盡虛空界不可說不可說諸地獄苦畢竟不復入於三途畢竟不復墮於地獄畢竟不復爲十惡業造五逆罪受諸苦惱一切衆罪願盡消滅捨地獄生得淨上生捨地獄命得智慧命捨地獄身得金剛身捨地獄苦得涅槃樂念地獄苦發菩提心四等六度常得現前四辯六通如意自在具足智慧行菩薩道勇猛精進不休不息乃至進修滿十

地行入金剛心成等正覺還度十方一切衆生
今日道場同業大眾諸餘地獄雜受苦報不復可記如是名号楚毒無量相與披覽具見其事經云閻羅王一念之惡便摠獄事自身受苦亦不可論閻羅大王昔爲毗沙國王與維陀始王共戰兵力不如因立誓願願我後生爲地獄主治此罪人十八大臣及百萬衆皆悉同願毗沙王者今閻羅王是十八大臣今十八獄王是百萬之衆今牛頭阿旁等是而此官屬悉隸北於毗沙門天王長阿舍經云閻羅大王所住之處在閻浮提南金剛山內王宮縱廣六千由旬地獄經云住地獄間宮城縱廣三萬里銅鐵所成晝夜三時有大銅鑊滿中烱銅自然在前有大獄卒卧王熱鐵牀上鐵鈎擘口烱銅灌之從咽

徹下無不焦爛彼諸大臣亦復如是十八獄王一日迦延典泥犁獄二號屈尊典刀山獄三名沸壽典沸沙獄四名沸曲典沸屎獄五名迦世典黑耳獄六名嗔嗟典火車獄七名湯謂典鑊湯獄八名鐵迦然典鐵牀獄九名惡生典嗔山獄十名呻吟典寒冰獄十一毗迦典剥皮獄十二遙頭典畜生獄十三提薄典刀兵獄十四夷大典鐵磨獄十五悅頭典寒冰獄十六穿骨典鐵算獄十七名身典蛆虫獄十八觀身典烱銅獄如是各有無量地獄以為眷屬獄有一主牛頭阿旁其性兇虐無一慈忍見諸眾生受此惡報唯憂不苦唯恐不毒或問獄卒眾生受苦甚可悲念而汝常懷酷毒無慈愍心獄卒答言如此罪惡諸受苦者不孝父母謗佛謗法謗諸賢聖罵辱六親輕慢師長毀

陷一切惡口兩舌詭曲嫉妬離他骨肉瞋恚殺害貪欲欺詐邪命邪求及以邪見懈怠放逸造諸怨結如是等人來此受苦每至免脫之日恒加勸諭此中劇苦非可忍耐汝今得出勿復更造而此罪人初無改悔今日得出俄頃復還展轉輪迴不知痛苦令我筋力疲此眾生從劫至劫與其相對以是事故我於罪人無片慈心故加楚毒望其知苦知慙知耻不復更還觀此眾生乃可至苦終不肯避決不修善往趣泥洹既是無知之物不知避苦求樂所以痛劇倍於人間何容於此而生慈忍今日道場同業大眾今以世間牢獄比校便可立知信非虛唱若使有人三淪獄戶雖是親族周旋已無惻愴况牛頭阿旁身此眾生得出復入嬰苦事長得免暫有唯應修心變其所習

若不改悔永沉苦處墮在其中次第經歷從苦入苦無有休息故三世怨對因果相生善惡二環未曾暫輟報應之徵皎然可見為惡得苦還以報之在地獄中窮年極劫具受劇苦地獄罪畢復墮畜生畜生罪畢復生餓鬼如是經歷無量生死無量苦痛豈不人人及時行道相與今日等一痛切五體投地普為十方地獄道獄王大臣牛頭阿旁各及眷屬餓鬼道餓鬼神等各及眷屬畜生道畜生神等各及眷屬廣及十方無窮無盡一切眾生求哀懺悔改往修來不復為惡已作之罪願乞除滅未作之罪不敢復造唯願十方一切諸佛以不思議自在神力同加救護哀愍攝受今諸眾生應時解脫又願世間大慈悲父

南無彌勒佛 南無釋迦牟尼佛

南無華日佛	南無軍力佛
南無華光佛	南無仁愛佛
南無大威德佛	南無梵王佛
南無量明佛	南無龍德佛
南無堅步佛	南無不虛見佛
南無精進德佛	南無善守佛
南無歡喜佛	南無不退佛
南無師子相佛	南無勝知佛
南無法氏佛	南無喜王佛
南無妙御佛	南無愛作佛
南無德辭佛	南無香象佛
南無觀視佛	南無雲音佛
南無善思佛	
南無師子幡菩薩	南無師子作菩薩
南無無邊身菩薩	南無觀世音菩薩

以自在神力救拔地獄道獄王大
臣及諸地獄眷屬十八萬子地獄
如是十八萬子地獄各有眷屬等
獄盡地獄道一切地獄牛頭阿旁
及受苦一切衆生今此衆生今日

俱得解脫罪因苦果同得消滅從
今日去畢竟永斷地獄道業畢竟
不復墮於三途捨地獄生得淨土
生捨地獄命得智慧命捨地獄身
得金剛身捨地獄苦得涅槃樂捨
地獄苦發菩提心四等六度常得
現前四辯六通如意自在勇猛精
進不休不息乃至進修滿十地行
還度無邊一切衆生入金剛心成
等正覺一拜

慈悲道場懺法卷第四 三六

慈悲道場懺法卷第四

校勘記

- 一 底本，麗藏本。
- 一 五六八頁上二行「之餘」，南、經、

- 一 清作「第七之餘」。
- 一 五六八頁上八行「廁上」，南、經、
清作「廁中」。
- 一 五六八頁上九行「大力鬼」，南、經、
清作「有大力鬼」。
- 一 五六八頁上一八行第四字「頭」，
南、經、清作「頂」。
- 一 五六八頁中一四行第八字「既」，
南、經、清作「脫」。
- 一 五六八頁下四行「諸佛」下，南有
夾註「此係賢劫千佛起」。
- 一 五六九頁上一行與二行間，南、經、
清有「又復歸依如是十方盡虛空
界一切三寶」。
- 一 五六九頁上二行「救拔」，南、經、
清作「唯願救拔」。
- 一 五六九頁上九行小字「拜」，南、經、
清無。
- 一 五六九頁上一一行「城城」，南、經、
清作「城」。
- 一 五六九頁中一五行「諸客」，南、經、
清作「客舊」。

一五六九頁下一行第九字「慈」，
 [南、徑、清作「慈心」]。
 一五七〇頁中一五行與一六行之間，
 [南、徑、清有「又復歸依如是十方
 盡虛空界一切三寶願」]。
 一五七〇頁下六行小字「一拜」，[南、
 徑、清無]。
 一五七〇頁下七行「第二」，[南、徑、
 清作「第八」]。又夾註「向……門」
 共二十四字，[南、徑、清無]。
 一五七一頁上一二行第一一字「持」，
 [南、徑、清作「待」]。
 一五七一頁上一三行第一〇字「芥」，
 [南、徑、清作「斬」]。
 一五七二頁中一五行第六字「時」，
 [南、徑、清作「前」]。
 一五七三頁上一二行第一二字「葉」，
 [南、徑、清無]。
 一五七三頁中六行末字「身」，[南、徑、
 清作「歲」]。
 一五七三頁中一三行「苦惱」，[徑、清
 作「苦報」]。

一五七三頁下一三行「南無七佛」，
 [南、徑、清作「南無釋迦牟尼佛 南
 無過去七佛」]。
 一五七三頁下一八行「南無十二菩
 薩」下，[南、徑、清有「南無地藏菩
 薩」]。
 一五七四頁上五行末字「像」下，[南
 有小字「一拜」]，一〇行末字「者」
 下同。
 一五七四頁上一四行「寶塔」下，[南
 有小字「一拜及三寶洪名每位拜」]。
 一五七四頁上一五行「十方」，[南、徑、
 清作「如是十方」]。
 一五七四頁中一五行第七字「上」，
 [南、徑、清作「土」]。
 一五七四頁下一二行第七字「王」，
 [南、徑、清作「主」]。
 一五七四頁下一四行首字「於」，[南、
 徑、清作「方」]。
 一五七五頁上一一行「寒冰」，[南、徑、
 清作「灰河」]。
 一五七五頁中末行「得免暫有」，[南、

[徑、清作「既得免離」]。
 一五七五頁下七行一二字「無」，[南、
 徑、清作「有無」]。
 一五七五頁下八行第七字「豈」，[南、
 徑、清作「豈可」]。
 一五七五頁下九行首字「道」，[南、徑、
 清作「菩薩道」]。
 一五七六頁上一四行與一五行間，
 [南、徑、清有「南無地藏菩薩」]。
 一五七六頁上一五行與一六行間，
 盡虛空界一切三寶願」。
 一五七六頁中五行末字「捨」，[南、徑、
 清作「念」]。
 一五七六頁中一〇行小字「一拜」，
 [南作「禮佛四進計一百一十六拜」；
 徑、清無]。

慈悲道場懺法卷第五

解怨釋結第三

今日道場同業大眾一切眾生皆有怨對何以知之若無怨對則無惡道今惡道不休三途長沸是知怨對無有窮已經言一切眾生悉皆有心有心者皆得作佛而諸眾生心想顛倒長寢生死不能覺悟貪著世間不知出要建立苦本長養怨根所以輪迴三有往來六道捨身受身無暫停息何以故一切眾生無始已來闇識相傳無明所覆覆水所溺起三毒根起四顛倒從三毒根起十煩惱依於身見起於五見依於五見起六十二見依身口意起十惡行身故盜淫口妄言綺語兩舌惡罵意貪瞋癡自行十惡教他行十惡讚歎十惡法讚歎行十惡法者如是依身口意

起四十種惡復依六情貪著六塵乃至廣開八萬四千塵勞之門一念之間起六十二見一念之頃行四十種惡一念之間開八萬四千塵勞之門況復一日所起眾罪一月一年終身歷劫所起眾罪如是罪惡無量無邊怨對相尋無有窮已而諸眾生與愚癡俱無明覆慧煩惱覆心不自覺知心想顛倒不信經說不依佛語不知解怨不望解脫怨怨相報何時解脫自投惡道如蛾赴火歷劫長夜受無量苦假使業極有終得還人道如是惡人終不改革是以眾聖起大慈悲正為如是怨對眾生我等相與發菩提心行菩薩道菩薩摩訶薩救苦為資糧解怨為要行不捨眾生為本我等今日亦復如是起勇猛心起慈悲心等如來心承諸佛力建道場幡擊甘露鼓秉智慧弓執

堅固箭普為四生六道三世眾怨父母師長六親眷屬解怨釋結已作之罪一切捨施未起之怨畢竟不造仰願諸佛諸大菩薩以慈悲力以本願力以神通力同加覆護折伏攝受令三世無量眾怨從今日去乃至菩提解怨釋結無復怨對一切眾苦畢竟斷除相與至心等一痛切五體投地奉為天人六道三世眾怨父母師長一切眷屬歸依世間大慈悲父

南無彌勒佛 南無釋迦牟尼佛
 南無善意佛 南無離垢佛
 南無月相佛 南無大名佛
 南無珠髻佛 南無威猛佛
 南無師子步佛 南無德樹佛
 南無觀釋佛 南無慧聚佛
 南無安住佛 南無有意佛
 南無耆伽陀佛 南無無量意佛
 南無妙色佛 南無多智佛

南無光明佛 南無堅戒佛
 南無吉祥佛 南無寶相佛
 南無蓮華佛 南無那羅延佛
 南無安樂佛 南無智積佛
 南無德敬佛
 南無勇精進菩薩 南無金剛慧菩薩
 南無無邊身菩薩 南無觀世音菩薩
 又復歸依如是十方盡虛空界一切三寶如是三世一切衆怨今日在六道中已受怨對者願以佛力法力賢聖力令此衆生悉得解脫若於六道中應受對未受對者畢竟不復入於惡趣畢竟不復惡心相向畢竟不復楚毒相加一切捨施無怨親想一切罪咎各得消除一切怨對皆得解脫同心和合猶如水乳一切歡喜猶如初地壽命無窮身心永樂天宮淨土隨意往生念衣衣來想食食至無復怨對哭泣之聲四體不為變動所侵五

情不為塵惑所染衆善競會萬惡爭消發起大乘修菩薩行四等六度一切具足捨生死報同成正覺今日道場同業大衆何者怨根苦本眼貪色耳貪聲鼻貪香舌貪味身貪細滑常為五塵之所繫縛所以歷劫長夜不得解脫又復六親一切眷屬皆是我等三世怨根一切怨對皆從親起若無有親亦無有怨若能離親即是離怨何以故尔若各異處遠隔他鄉如是二人終不得起怨恨之心得起怨恨皆由親近以三毒根自相觸惱以觸惱故多起恨心所以親戚眷屬亟生責望或父母責望於子或子責望父母兄弟姊妹一切皆然更相責望更相嫌恨小不適意便生瞋怒若有財寶親戚競求貧窮之日初無憂念又得者愈以為少愈得愈為不足百求百得不以為恩一

不稱心便增忿憾是則人懷惡念遂起異心故結讎連禍世世無窮推此而言三世怨對實非他人皆是我等親緣眷屬當知眷屬即是怨聚豈不人人慙懃悔過宜各至心五體投地奉為有識神已來至于今日經生父母歷劫親緣於六道中結怨對者若對非對若輕若重今日若在地獄道者若在畜生道者若在餓鬼道者若在阿脩羅道者若在人道者若在天道者若在仙道者今日現前在眷屬中者如是三世一切衆怨各及眷屬等今日以慈悲心無怨親想等諸佛心同諸佛願普皆奉為歸依世間大慈悲父
 南無彌勒佛 南無釋迦牟尼佛
 南無梵德佛 南無寶積佛
 南無華天佛 南無善思議佛
 南無法自在佛 南無名聞意佛

南無樂說聚佛 南無金剛相佛
 南無求利益佛 南無遊戲神通佛
 南無離闇佛 南無名天佛
 南無彌樓相佛 南無衆明佛
 南無寶藏佛 南無極高行佛
 南無提沙佛 南無珠角佛
 南無德讚佛 南無日月明佛
 南無星宿佛 南無日月佛
 南無師子相佛 南無遠藍王佛
 南無福藏佛
 南無業陰蓋菩薩 南無寂根菩薩
 南無無邊身菩薩 南無觀世音菩薩
 又復歸依如是十方盡虛空界一切三寶
 願以佛力法力大地菩薩力一切賢聖力令某甲等父母親緣於六道中有怨對者各及眷屬皆悉同時集此道場共懺先罪解諸怨結若有身形拘礙不得到者願承三寶力攝其精神皆悉同到受某甲等今

日懺悔一切怨對願蒙解脫道場大衆宜各人人心念口言某甲等從無始有識神已來至于今日於經生父母歷劫親緣姑姨伯叔內外眷屬以三毒根起十惡業或以不知或以不信以無明故起諸怨結於父母眷屬乃至六道亦有怨對如是等罪無量無邊今日懺悔願乞除滅又復無始已來至于今日或以瞋恚或以貪愛或以愚癡從三毒根造種種罪如是罪惡無量無邊慙愧懺悔願乞捨施又復無始已來至于今日或為田業或為舍宅或為錢財起怨對業於眷屬中備加殺害如是種種不可具說所起怨對無有罷期今日慙愧發露懺悔願父母六親一切眷屬以慈悲心受我懺悔一切捨施無復恨想乃至盜竊邪淫妄語五逆十惡無不備作妄想顛倒攀緣諸境

造一切罪如是等罪無量無邊或於父母或於兄弟姊妹或於姑姨伯叔眷屬乃至有識神已來至于今日於六親遠起如是等罪困苦果受對劫數怨結多少唯有十方一切諸佛大地菩薩盡知盡見如諸佛菩薩所知所見罪量多少怨對劫數於未來世方受對者某甲等今日慙顏哽慟銜悲自責改往修來不敢復作唯願父母親緣眷屬以柔軟心調和心樂善心歡喜心守護心等如來心受某甲等今日懺悔一切捨施無怨親想又願父母親緣一切眷屬若有怨對在六道中者亦願六道一切衆生同共捨施三世怨結一時俱盡從今已去至于道場永離三途絕四趣苦一切和合猶如水乳一切無礙等如虛空永為法親慈悲眷屬各各修習無量智慧具足成就一切功德

勇猛精進不休不息行菩薩道無有疲倦等諸佛心同諸佛願得佛三密具五分身究竟無上菩提成等正覺

今日道場同業大眾相與已解父母怨竟次復應解師長怨結自大聖已還體未圓極至於無生法忍猶爲三相遷滅在乎如來尚假苦言令惡衆生因茲悟道而德明化物猶現此辭況復凡愚理絕淨境今善惡雜糅明白未分豈能頓離三業之失若聞所說正當慙愧師長恩德深自悔責不得驚疑人懷惡念經言雖復出家未盡煩惱未得解脫不得便言無復諸惡在俗之人不得便言都無其善且置是事如經所說佛告大眾汝當緣念師長之恩父母雖復生育訓誨而不能使離於三途師長大慈誘進童蒙使得出家稟受具戒是即懷

羅漢胎生羅漢果離生死苦得涅槃樂師長既有如是出世恩德誰能上報若能終身行道正可自利非報師恩佛言天下善友莫過師長今日道場同業大眾如佛所說師長有如此恩德而未曾發念報師長恩或復教誨亦不信受乃至麁言起於誹謗橫生是非使佛法衰落如是等罪何當免離三途苦報無人代者及其捨命樂去苦歸神情慘惻意用昏迷六識不聰五根喪敗欲行足不能動欲坐身不自立假使欲聽法言則耳無所復聞欲視勝境則眼無復所見當如此時共思今日禮懺豈可復得但有地獄無量衆苦如是苦報自作自受故經言愚癡自恃不信殃禍誘師毀師憎師嫉師如是等人法中大魔地獄種子自結怨對受報無窮如華光比丘善說法要有一

弟子恒懷驕慢和上爲說都不信受即作是言我大和上空無智慧但能讚歎虛空之事願我後生不復樂見於是弟子法說非法非法說法雖持禁戒無有毀犯以謬解故命終之後如射箭墮阿鼻獄八十億劫恒受大苦今日道場同業大眾如經所說豈得不人人起大怖畏止於和尚發一惡言墮阿鼻獄八十億劫何況出家已來至于今日於和尚邊所起惡業其罪無量判捨身形同彼無疑何以故余和上闍梨恒加訓誨而未會如法修行於諸師長多生違逆或復給與而無厭足或師瞋弟子或弟子恨師於三世中喜怒無量如是等罪不可稱計經言起一瞋心怨對無量如是怨對非但六親師徒弟子嫌恨亦甚又復同房共住上中下座不能深信出家是遠離法

不知忍辱是安樂行不知平等是
 菩提道不知離相是出世心師及
 弟子同房同住結業未盡互相違
 悞忿諍之心紛然亂起所以世世
 不得和合又出家人或同學業或
 復共師見解不等昇進之日便含
 毒懷瞋而不自言宿習智慧彼有
 福德我無善根聞見他榮不安隱
 性有漏之心亟生高下多起鬪諍
 少能和合不能推厚居薄更相嫌
 恨不省己非唯談他短或以三毒
 更相譏誘無忠信心無恭敬意何
 處復念我違佛戒乃至高聲大語
 惡罵醜言師長教誨都無信受上
 中下座人各懷恨以懷恨故更相
 是非於惡道中多有怨對皆是我
 等師徒弟子同學共住上中下座
 起一恨心怨對無量所以經言今
 世恨意微相憎嫉後世轉劇至成
 大怨何況終身所起惡業今日道

場同業大眾各不自知在何道中
 於諸師長上中下座起諸怨結如
 是怨對無有窮盡無有年期亦無
 劫數當受苦時不可堪忍所以菩
 薩摩訶薩捨怨親心離怨親想以
 慈悲心平等攝受相與今日已得
 發菩提心發菩提願宜應習行菩
 薩所行四無量心六波羅蜜四攝
 法四弘誓如諸佛菩薩所行之行
 我等今日亦應習行怨親平等一
 切無礙從今已去至于菩提誓當
 救護一切眾生今諸眾生究竟一
 乘相與至心五體投地奉為有識
 神已來經生出家和上闍梨有怨
 對者同壇尊證有怨對者同學眷
 屬上中下座有怨對者三世眾怨
 若對非對若輕若重各及眷屬_{某甲}
 等若於六道一切眾生有怨對者
 於未來現在應受對者今日懺悔
 願乞除滅若六道中一切眾生各

各有怨對者_{某甲}等今日以慈悲心
 無怨親想普為三世一切眾怨求
 哀懺悔願悉捨施無復惡念相加
 懷毒相向同共捨施一切歡喜從
 今解結無復瞋恨各自恭敬念報
 恩心等諸佛心同諸佛願各各至
 心歸依世間大慈悲父
 南無彌勒佛 南無釋迦牟尼佛
 南無見有邊佛 南無電明佛
 南無金山佛 南無師子德佛
 南無勝相佛 南無明讚佛
 南無堅精進佛 南無具足讚佛
 南無離畏佛 南無應天佛
 南無大燈佛 南無世明佛
 南無妙香佛 南無持上功德佛
 南無離暗佛 南無寶讚佛
 南無師子頰佛 南無滅過佛
 南無持甘露佛 南無人月佛
 南無喜見佛 南無莊嚴佛
 南無珠明佛 南無山頂佛

南無名相佛 南無法稱佛

南無慧上菩薩 南無常不離世菩薩

南無無邊身菩薩 南無觀世音菩薩

又復歸依如是十方盡虛空界一切三寶

願以佛力法力大地菩薩力一切賢聖力令彼三世無量眾怨若對非對盡空法界一切眾生皆同懺悔解怨釋結一切捨施無怨親想一切和合猶如水乳一切歡喜猶如初地一切無礙猶如虛空從今已去至于菩提永為法親無別異想常為菩薩慈悲眷屬又以今禮拜懺悔解怨釋結功德因緣願和上闍梨同壇尊證同學弟子上下座一切眷屬有怨對者乃至四生六道各有三世眾怨未解脫者今日若有在天道者在仙道者在阿脩羅道者在地獄道者在餓鬼道者在畜生道者在人道者今日

現在眷屬中者如是十方三世眾怨若對非對各及眷屬從今已去至于菩提一切罪障皆得除滅一切怨對畢竟解脫結習煩惱永得清淨長辭四趣自在受生念念法流心心自在六波羅蜜具足莊嚴十地行願無不究竟得佛十力神通無礙早具阿耨多羅三藐三菩提成等正覺

今日道場同業大眾前是摠相為他三世眾怨解諸怨結此下自淨宜督其心相與今日何故受生死身不得解脫進不覩面前授記退不聞一音演說良由罪業深厚怨結牢固非唯不見前佛後佛菩薩賢聖而亦將恐十二分教聞聲傳響永隔心路惡道怨對無從得免捨此形命方沉沸海輪轉三途備歷惡趣何當復得見此人身發如是意實有切情之悲運如是想不

覺痛心之苦相與已得仰養風化割愛辭親捨榮弃俗更無異緣豈得不與時競各求所安若不堅強其志捍勞忍苦銜悲惻愴者忽使身被篤疾中陰相現獄卒羅剎牛頭阿旁殊形異狀一朝而至風刀解身心懷怖亂眷屬號泣無所覺知當此之時欲求今日起一善心五體投地禮佛懺悔豈可復得但有三途無量眾苦今日大眾各自努力與時馳競若任情適意則進趣理遲捍勞忍苦則趣向心疾故經言悲是道場忍疲苦故發行是道場能辦事故故知萬善莊嚴不勤無託欲度巨海非舟何寄若有願樂之心而不行願樂之事其願必虛未見其果如絕糧之人心存百味於其飢惱終無濟益當知欲求勝妙果報必須心事俱行相與及時生增上心懷慙愧意懺悔滅

罪解諸怨結脫更處閻開了未期
 人皆解脫莫追後悔各各至心等一
 痛切五體投地歸依世間大慈悲父
 南無彌勒佛 南無釋迦牟尼佛
 南無定義佛 南無施願佛
 南無寶衆佛 南無衆王佛
 南無遊步佛 南無安隱佛
 南無法差別佛 南無上尊佛
 南無極高德佛 南無上師子音佛
 南無樂戲佛 南無龍明佛
 南無華山佛 南無龍喜佛
 南無香自在佛 南無大名佛
 南無天力佛 南無德鬚佛
 南無龍手佛 南無善行意佛
 南無因莊嚴佛 南無智勝佛
 南無量月佛 南無寶語佛
 南無日明佛
 南無藥王菩薩 南無藥上菩薩
 南無無邊身菩薩 南無觀世音菩薩
 又復歸依如是十方盡虛空界一

切三寶
 甲等積集罪障深於大地無明覆
 蔽長夜不曉常隨三毒造怨對因
 致使迷淪三有永無出期今日以
 諸佛菩薩大慈悲力始蒙覺悟心
 生慙愧至誠求哀發露懺悔願諸
 佛菩薩慈悲攝受以大智慧力不
 可思議力無量自在力降伏四魔
 力滅諸煩惱力滅諸怨結力度脫
 衆生力安隱衆生力解脫地獄力
 濟度餓鬼力救拔畜生力攝化阿
 脩羅力攝受人道力盡諸天諸仙
 漏力無量無邊功德力無量無盡
 智慧力令四生六道一切衆怨同
 到道場受某甲等今日懺悔一切捨
 施無怨親想所結怨業同得解脫
 永離八難無四趣苦常值諸佛聞
 法悟道發菩提心行出世業四等
 六度深心修習一切行願等階十
 地入金剛心俱成正覺

今日道場同業大眾夫怨對相尋
 皆由三業莊嚴行人嬰諸苦報相
 與既知是衆苦之本且應勇猛挫
 而滅之滅苦之要唯有懺悔故經
 稱歎世二健兒一不作罪二能懺
 悔大眾今日將欲懺悔當潔其心
 整肅其容內懷懺愧悲暢於外起
 二種心則無罪不滅何者二種心
 一慙二愧慙者慙天愧者愧人慙
 者自能懺悔滅諸怨對愧者能教
 他人解諸結縛慙者能作衆善愧
 者能見隨喜慙者內自羞耻愧者
 發露向人以是二法能令行人得
 無礙樂相與今日起大懺愧作大
 懺悔至心求哀四生六道何以故
 介經言一切衆生皆是親緣或經
 為父母或經為師長乃至兄弟姊
 妹一切皆然良由墮無明網不復
 相知既不相知多起觸惱以觸惱
 故怨對無窮大眾今日覺悟此意

至誠懇惻苦切用心必令一念感十方佛一拜斷除無量怨對等一痛切五體投地重復歸依世間大慈悲父南無彌勒佛 南無釋迦牟尼佛南無定意佛 南無量形佛南無照明佛 南無寶相佛南無斷疑佛 南無善明佛南無不虛步佛 南無覺悟佛南無華相佛 南無山主王佛南無大威德佛 南無徧見佛南無量名佛 南無寶天佛南無住義佛 南無滿意佛南無上讚佛 南無無憂佛南無無垢佛 南無梵天佛南無華明佛 南無身差別佛南無法明佛 南無盡見佛南無德淨佛 南無普賢菩薩南無文殊師利菩薩 南無觀世音菩薩南無無邊身菩薩 南無觀世音菩薩又復歸依如是十方盡虛空界一

切三寶

仰願三寶同加攝受今^某等所懺除滅所悔清淨又願今日同懺悔者從今已去乃至菩提一切怨對皆得消滅一切眾苦畢竟解脫結習煩惱永得清淨長辭四趣自在受生親侍諸佛面奉尊記六度四等無不備行具四辯才得佛十力相好嚴身神通無礙入金剛心成等正覺

慈悲道場懺法卷第五

慈悲道場懺法卷第五

校勘記

- 一 底本，麗藏本。
- 一 五七八頁上二行「第三」，南、經、清作「第九」。
- 一 五七八頁上八行「長寢生死不能覺悟」，南、經、清無。
- 一 五七八頁中二行第一一字及五行第三字「之」，南、經、清無。
- 一 五七八頁中五行至六行「一月一年」，南、經、清作「況復一月所起眾罪況復一年所起眾罪況復」。
- 一 五七八頁中一行「怨怨相報何時解脫」，南、經、清無。
- 一 五七八頁中一三行第四字「極」，南、經、清作「報」。
- 一 五七八頁中一七行「眾生」，南、經、清作「眾生忍苦」。
- 一 五七八頁中末行首字「建」，南、經、清作「樹」。
- 一 五七八頁下二行至三行「已作之

- 罪」，南、徑、清作「已結之怨」。
- 一 五七八頁下三行第九字「起」，南、徑、清作「結」。
- 一 五七八頁下四行第二字「造」，南、徑、清作「結」。
- 一 五七八頁下七行末字「怨」，南作「讎」。
- 一 五七八頁下九行「天人」，南、徑、清作「四生」。
- 一 五七九頁上一二行「應受對未受對者」，南、徑、清作「應受對者未受對者願以佛力法力賢聖力令此衆生」。
- 一 五七九頁上二〇行「哭泣」，南、徑、清作「鬪諍」。
- 一 五七九頁下一行第一〇字「人」，南、徑、清作「纒」。
- 一 五七九頁下五行第三字「豈」，南、徑、清作「豈得」。
- 一 五七九頁下一二行第八字「前」，南、徑、清無。
- 一 五八〇頁上三行「名天佛」，南、徑、清作「多天佛」。
- 一 五八〇頁上八行「日月佛」，南、徑、清作「日明佛」。
- 一 五八〇頁上末行首字「力」，南、徑、清作「之力」。又第一〇字「受」，南、徑、清作「以慈悲心受」。
- 一 五八〇頁中六行「或以不信」，南、徑、清作「或以不信或以不修」。
- 一 五八〇頁中七行「六道」，南、徑、清作「六道中」。
- 一 五八〇頁中一五行「種種」，南、徑、清作「種種殺罪」。
- 一 五八〇頁中一九行至末行「五逆十惡」，南、徑、清作「十惡五逆」。
- 一 五八〇頁下二行「父母」，南、徑、清作「父母邊起」。又「姊妹」，南、徑、清作「姊妹邊起」。
- 一 五八〇頁下三行「眷屬」，南、徑、清作「邊起」。
- 一 五八〇頁下四行「六親邊起如是等罪」，南、徑、清作「六親眷屬邊起如是等罪如是罪」。
- 一 五八〇頁下一八行末字「如」，南、徑、清作「於」。
- 一 五八一頁上八行「在乎」，南、徑、清作「在千」。
- 一 五八一頁上一二行「正當」，南、徑、清作「應當」。
- 一 五八一頁上一三行第一二字「人」，南、徑、清作「而」。
- 一 五八一頁上一四行至一五行「未盡煩惱未得解脫」，南、徑、清作「猶未解脫今雖出家」。
- 一 五八一頁中二行「既有如是」，南、徑、清作「有此」。
- 一 五八一頁中三行第一〇字「正」，南、徑、清作「止」。
- 一 五八一頁中九行至一〇行「苦報」，南、徑、清作「此之苦報」。
- 一 五八一頁中一三至一四行「無所復聞」，南、徑、清作「無復所聞」。
- 一 五八一頁中一七行第三字「故」，南、徑、清作「所以」。
- 一 五八二頁上二行「忘相」，南、徑、

- 一 清作「妄想」。
- 一 五八二頁上六行「見解不等」，南、經、清無。
- 一 五八二頁上八行至九行「聞見他榮不安隱性」，南、經、清無。
- 一 五八二頁上一六行「多有怨對」，南、經、清作「多有怨對是非怨對」。
- 一 五八二頁中三行「無有窮盡」，南、經、清作「無有窮盡無形之對」。
- 一 五八二頁中六行末字「得」，南、經、清無。
- 一 五八二頁中七行第五字「發」，南、經、清作「已發」。
- 一 五八二頁中八行「所行」，南、經、清作「之行」。
- 一 五八二頁中九行「之行」，南、經、清作「本行」。
- 一 五八二頁中一六行「有怨對者」，南、經、清作「有怨對者有緣無緣廣及十方四生六道」。
- 一 五八二頁中一八行「衆生」，南、經、清作「衆生中」。

- 一 五八二頁中末行第八字「中」，南、經、清無。
- 一 五八二頁下二行「一切」，南、經、清無。
- 一 五八二頁下三行第五字「悉」，南、經、清作「皆」。
- 一 五八二頁下四行「同共」，南、經、清作「願六道一切衆生亦同」。
- 一 五八二頁下一三行「離畏佛」，南、經、清作「離畏師佛」。
- 一 五八二頁下一五行「妙香佛」，南、經、清作「妙音佛」。
- 一 五八三頁上一行「法稱佛」，南、經、清作「法積佛」。
- 一 五八三頁上七行第五字「彼」，南、經、清無。
- 一 五八三頁上八行「空法」，南、經、清作「虛空」。
- 一 五八三頁上一三行第一二字「今」，南、經、清作「今日」。
- 一 五八三頁中一一行首字「他」，南、經、清無。

- 一 五八三頁中一二行至一三行「受生死身」，南、經、清無。
- 一 五八三頁中一六行「而亦將恐」，南、經、清作「亦恐」。
- 一 五八三頁中一九行「何當復得見」，南、經、清作「何時當得復」。
- 一 五八三頁下三行至四行「堅強其志」，南、經、清作「志意堅強」。
- 一 五八三頁下四行末字「使」，南、經、清作「爾」。
- 一 五八三頁下八行第八字「今」，南、經、清作「今日禮懺」。
- 一 五八三頁下九行「五體……懺悔」，南、經、清無。
- 一 五八三頁下一二行「趣向心疾故」，南、經、清作「勇猛心疾所以」。
- 一 五八三頁下一四行「故知」，南、經、清作「是知」。
- 一 五八三頁下一六行第五字「而」，南、經、清無。
- 一 五八三頁下一六行至一七行「其願必虛未見其果」，南、經、清作

「心事不即直未見果」。

一 五八四頁上一四行「龍手佛」，南、

徑、清作「龍首佛」。

一 五八四頁下一七行「乃至」，南、徑、

清作「乃至經爲」。

一 五八五頁上六行「照明佛」，南、徑、

清作「明照佛」。

一 五八五頁中五行「消滅……解脫」，

南、徑、清作「解脫一切衆苦畢竟

消滅」。

慈悲道場懺法卷第六

解怨結之餘

今日道場同業大眾先向四生六道懺身惡業經言有身則苦生無身則苦滅而此身者眾苦之本三途劇報皆由身得未見他作我受我作他受自作其因自受其果若一業成罪無邊際何況終身所起惡業今唯知有我身不知有他身唯知有我苦不知有他苦唯知我求安樂不知他亦求安樂以愚癡故起吾我心生怨親想所以怨對遍於六道若不解結於六道中何時免離從劫至劫豈不痛哉相與今日起勇猛心起大慙愧作大懺悔必使一念感十方佛一拜斷除無量怨結等一痛切五體投地歸依世間大慈悲父
南無彌勒佛 南無釋迦牟尼佛

南無月面佛 南無寶燈佛

南無寶相佛 南無上名佛

南無作名佛 南無無量音佛

南無違藍佛 南無師子身佛

南無明意佛 南無無能勝佛

南無功德品佛 南無月相佛

南無得勢佛 南無無邊行佛

南無開華佛 南無淨垢佛

南無見一切義佛 南無勇行佛

南無富足佛 南無福德佛

南無隨時佛 南無廣意佛

南無功德敬佛 南無善寂滅佛

南無財天佛 南無常精進菩薩

南無大勢至菩薩 南無觀世音菩薩

南無無邊身菩薩 南無觀世音菩薩

又復歸依如是十方盡虛空界一切三寶

願以佛力法力諸菩薩力一切賢

聖力令四生六道一切眾怨同到

道場各各懺謝心念口言作如是

說^{某甲}等從無始無明住地已來至

于今日以身惡業因緣或於天道

人道起諸怨結或於阿脩羅道地

獄道起諸怨結或於餓鬼道畜生

道起諸怨結願以佛力法力諸菩

薩力一切賢聖力令四生六道三

世眾怨若對非對若輕若重以今

懺法所懺除滅所悔清淨三界苦

果永不復受在所生處常值諸佛

又復今日同懺悔者從無始生死

已來至于今日以身惡業因緣於

惡道中備起怨結或以瞋恚或以

貪愛或以愚癡從三毒根造十惡

行好殺禽獸斷牛羊等或為田業

或為舍宅或為錢財更相殺害又

無始已來至于今日或為利養謬

刺眾生或欺妄作醫針灸百姓如

是等罪怨對無量今日懺悔願乞

除滅又無始已來至于今日或飢

餓眾生或奪人糧食或逼眾生鹹

苦或斷人水漿如是種種惡業怨對今日懺悔願乞除滅又無始已來至于今日或殺害眾生噉食其肉或縱三毒鞭打眾生或以毒食飼殺眾生如是怨對無量無邊今日懺悔願乞除滅又無始已來至于今日遠離明師親近惡友從身三業起種種罪肆情殺害狂天無辜或發撒湖池壅塞溝渠惱害水性諸餘細蟲或焚燒山野或設網張羅水陸眾生備加殺害如是怨對無量無邊今日懺悔願乞除滅又無始已來至于今日無慈悲心乖平等行斗秤欺誑侵凌下劣或破他城邑抄掠劫奪或偷盜他財以自供給無有誠信更相殺害如是怨對無量無邊今日懺悔願乞除滅又無始已來至于今日無慈悲行在六道中於一切眾生備加楚毒或鞭打眷屬不以其道或繫

或縛鎖械幽閉或考掠側立刺射傷毀或斬截殘害剥炙燒煮如是怨對無量無邊今日懺悔願乞除滅又無始已來至于今日身三惡業口四惡業意三惡業四重五逆諸餘不善無不備作自恃年命不畏鬼神唯恐我不勝人人莫及我或以華門望族傲物凌人作如是怨或以識達凌人傲物作如是怨或以篇章技藝凌人傲物作如是怨或以誇豪奢侈凌人傲物作如是怨或以辯口利辭凌人傲物作如是怨如是怨如是眾怨或於尊像福田邊起或於和尚閣梨邊起或於同住上中下座邊起或於同學眷屬邊起或於父母親戚邊起如是怨對無量無邊今日懺悔願乞除滅又無始已來至于今日或經於天道人道起諸怨結或於阿脩羅道地獄道起是怨結或於畜生道餓

鬼道乃至十方一切眾生邊起諸怨結如是罪惡無量無邊今日懺悔願乞除滅某甲等又復無始已來至于今日或為嫉妬或為諂曲自求升進或為名譽或為利養隨逐邪見無有慙愧如是怨結若輕若重罪因苦果數量多少唯有諸佛菩薩盡知盡見諸佛世尊當慈念我若我前生從無始生死已來所作眾罪若教他作見作隨喜若三寶物自取教他取見取隨喜或有覆藏或不覆藏如諸佛菩薩所知所見罪量多少應墮地獄餓鬼畜生及諸惡趣邊地下賤受怨對者今皆懺悔願乞除滅諸佛神力不可思議願以慈悲心救護一切受某甲等今日向四生六道父母師長一切眷屬懺悔往罪解怨釋結願今六道怨對各各歡喜一切捨施無怨親想一切無礙猶如虛空從

今日去至于菩提結習煩惱畢竟
斷除三業清淨眾怨永盡天宮寶
殿隨意往生四無量心六波羅蜜
常能修行百福嚴身萬善具足住
首楞嚴三昧得金剛身以一念頃
遍應六道更相濟度使無遺餘同
坐道場成等正覺

今日道場同業大眾相與已得懺
悔身罪身業雖淨所餘口過復是
一切怨禍之門故諸佛誠不得兩
舌惡口妄言綺語當知諂曲華辭
搆扇是非故言之為患招報實重
夫人處世心懷毒念口施毒言身
行毒業以此三事加害眾生眾生
被毒即結怨恨誓心欲報或現世
獲願或歿後從心如是怨結備居
六道更相報復無有窮盡皆由宿
命非空所得當知身口實眾惡之
源處俗者恣之不孝死入泰山便
有湯火之酷出家者不樂佛法所

生之處常與惡會如此惡對皆資
二業三業之中口業實重乃至獲
報備諸楚毒難曉之夜不覺不知
今日道場同業大眾我等所以輪
迴六道者皆由口業或復輕言肆
語脆口利辭浮虛假飾言行相乖
自招其報歷劫無免豈不人人悚
然增到懺洗此過相與從有識神
已來至于今日口業不善於四生
六道父母師長一切眷屬邊塵惡
不宣出言瘋癲發語毀暴朋遊聚
話無義而說指空為有指有言空
見言不見不見言見聞言不聞不
聞言聞作言不作不作言作如是
顛倒反天易地自利傷物更相護
謗言已則靡德不歸說他則何惡
不往乃至品詳聖賢裁量君父譏
說師長背善知識無道無義無所
顧難世有幽厄傷形喪命未來楚
痛永劫嬰報直戲笑之頃便能具

足無量重罪何況苦言以加一切
眾等相與無始已來至于今日以
惡口業於天道人道有怨對者於
阿脩羅道地獄道有怨對者於餓
鬼道畜生道有怨對者若於父母
師長一切眷屬有怨對者某甲等以
慈悲心同菩薩行同菩薩願普皆
奉為歸命敬礼大慈悲父

南無彌勒佛 南無釋迦牟尼佛
南無淨斷疑佛 南無無量持佛
南無妙樂佛 南無不負佛
南無無住佛 南無得叉迦佛
南無眾首佛 南無世光佛
南無多德佛 南無弗沙佛
南無無邊威德佛 南無義意佛
南無藥王佛 南無斷惡佛
南無無熱佛 南無善調佛
南無名德佛 南無華德佛
南無勇德佛 南無金剛軍佛
南無大德佛 南無寂滅意佛

南無香象佛 南無那羅延佛

南無善住佛

南無不休息菩薩

南無妙音菩薩

南無無邊身菩薩

南無觀世音菩薩

又復歸命如是十方盡虛空界一

切三寶

願以佛力法力菩薩力賢聖力令

四生六道一切衆生重使覺悟同

到道場若有身形拘礙有心不得

到者願以佛力法力賢聖力攝其

精神一切同到受_{某甲}等懺口業罪

從無始無明住地已來至于今日

以口惡業因緣於六道中備起怨

結願以三寶神力令四生六道三

世怨對所懺除斷所悔永滅_{某甲}等

從無始已來至于今日或以瞋恚

或以貪愛或以愚癡從三毒根造

十惡行以口四惡起無量罪或以

惡口惱亂父母及一切眷屬或於

父母起_{某甲}語業或於親戚眷屬起

妄語業或於師長起妄語業於諸

衆生起妄語業或復見言不見不

見言見或聞言不聞不聞言聞或

知言不知不知言知或為驕慢或

為嫉妬起妄語業如是罪惡無量

無邊今日懺悔願乞除滅又無始

已來至于今日起兩舌業受他惡

言不能覆藏向彼說此向此說彼

使人離散令他嬰苦或口戲笑鬪

諍兩家譏亂君臣忿擾一切離人

骨肉破他眷屬如是等罪無量無

邊今日懺悔願乞除滅又無始已

來至于今日造綺語罪說無義語

無利益語或惱父母或惱師長或

惱同學乃至六道一切衆生皆起

惱害如是口業所起怨對無量無

邊今日懺悔願乞除滅願以佛力

法力諸菩薩力一切賢聖力受_{某甲}

等今日懺悔令四生六道三世衆

怨一切怨結畢竟解脫一切罪業

皆悉斷除畢竟不復起諸怨結更

入三途畢竟不復於六道中楚毒

相加從今日去一切捨施無怨親

想一切和合猶如水乳一切歡喜

猶如初地永為法親慈悲眷屬從

今已去乃至菩提三界果報永不

復受斷三障業無五怖畏四無量

心六波羅蜜各自深修行大乘道

入佛智慧一切願海皆能滿足六

通三達無不明了得佛三密具五

分身登金剛慧成種智果

今日道場同業大眾相與已得懺

身口罪竟次復應須清淨意業一

切衆生輪轉生死不得解脫者皆

由意業結集牢固十惡五逆必由

意造故佛誠言不得貪欲瞋恚愚

癡邪見後墮地獄受苦無窮今日

相與共見心之驅役諸識亦猶君

之摠策其臣口發惡言身行重逆

於六道中能招劇報當知滅身事

由心造今欲改悔先挫其心次折其意何以故介經言制之一處無事不辦當知潔心是解脫之本清淨意業則進趣有期三途劇報不來惡道苦受不往然身口業廣易遺意地微細難除如來大聖一切智人於身口意始得不護況凡惑愚夫而不守慎若不折挫未見其善經云防意如城守口如瓶相與無始世界已來及此一形無明起愛增長生死亦能具足十二苦事八邪八難三途六道輪迴流轉無不經歷如是諸處受無量苦皆由意業構起怨對念念攀緣未會暫捨扇動六情馳役五體輕重惡業無不備造或身口不遂心增忿毒更相殺害無憐愍心若微有痛癢不可抑忍比至在他唯恐楚毒不深見人之過意願宣說自有愆失不喜他聞有如是心實可慙愧又

意地起瞋大道怨賊所以經言劫功德賊無過瞋恚又華嚴經云佛子若起一瞋恚心一切惡中無過此惡何以故介一瞋恚心則受百千障礙所謂不見菩提障不聞法障生惡道障多疾病障被誘毀障生間鈍障失正念障少智慧障近惡知識障不樂賢善障遠正見障離佛正教入魔境界不見善知識諸根不具乃至生惡業家生於邊地如是等障不可具說我等無始已來至于今日已有無量無邊瞋恚惡心乃至起瞋不避親族何況六道諸眾生等及其煩惱猛毒不復自知但事不得為心想何所不念若使得遂心意則誰不被困故天子一怒伏屍萬里降斯已還自空紛擾鞭楚捶縛有諸罪苦當此之時何處應言我違善戒唯恐苦酷不深不重是意地惡通於有識

智愚不免豪賤共有未嘗一日慙愧改悔今日道場同業大眾瞋恚苦惱意慮情深雖復欲捨對境以發動與惡俱念念相觸何時當得免離斯苦大眾相與既知其罪豈得晏然而不改悔相與今日懇到披誠懺滅此罪宜各人人等一痛切五體投地歸依世間大慈悲父南無彌勒佛 南無釋迦牟尼佛南無無所負佛 南無月相佛南無電相佛 南無恭敬佛南無威德守佛 南無智日佛南無上剎佛 南無須彌頂佛南無治怨賊佛 南無蓮華佛南無應讚佛 南無知次佛南無離憍佛 南無那羅延佛南無常樂佛 南無不少國佛南無天名佛 南無見有邊佛南無甚良佛 南無多功德佛南無寶月佛 南無師子相佛

南無樂禪佛 南無無所少佛

南無遊戲佛

南無師子遊戲菩薩

南無無邊身菩薩

又復歸依如是十方盡虛空界一

切三寶

願以慈悲力無量無邊自在力受

甲等今日向四生六道父母師長

一切眷屬懺意所起一切怨對若

對非對若輕若重已起之怨願懺

除滅未起之怨不敢復作仰願以

三寶力同加攝受哀憐覆護令得

解脫甲等從無始已來至于今日

以意惡業因緣於四生六道父母

師長一切眷屬起諸怨對若輕若

重今日慙愧發露懺悔一切怨對

願乞除滅又無始已來至于今日

依三毒根起於貪心因於貪使起

於貪業若幽若顯盡空法界他所

有物起於惡念我當取之乃至父

母師長物一切眷屬物一切眾生

物諸天諸仙物如是一切皆念屬

已如是罪惡無量無邊今日懺悔

願乞除滅又無始已來至于今日

起於瞋業晝夜燒然一時一刻無

暫休息小不適意便大瞋怒取諸

眾生種種惱害或加鞭杖或復沉

溺乃至飢餓懸縛幽繫如是瞋罪

無量怨對今日懺悔願乞除滅又

無始已來至于今日隨逐無明起

於癡業無惡不造無有正慧信於

邪言受於邪法如是癡業造諸怨

對無量無邊今日懺悔願乞除滅

又無始已來至于今日行十邪道

無怨不結無業不造念念攀緣未

曾暫捨扇動六情起諸結業或身

口不遂其事而心增毒厲乃至戲

笑搆起是非不以直心與人從事

恒懷諂曲無有慙愧如是等罪無

量無邊於六道中受大苦惱今日

懺悔願乞除滅甲等從無始已來

至于今日以身業不善口業不善

意業不善如是惡業於佛邊起一

切罪障於法邊起一切罪障於一

切菩薩賢聖邊起一切罪障如是

罪障無量無邊今日至誠求哀懺

悔願乞除滅又無始已來至于今

日身三口四意三惡業五逆四重

無罪不作今日懺悔願乞除滅又

無始已來至于今日六根六塵六

識妄想顛倒攀緣諸境造一切罪

今日懺悔願乞除滅又無始已來

至于今日於攝大威儀戒攝善法

戒攝眾生戒多有毀犯身壞命終

墮三惡道在地獄中受無量無邊

恒沙等苦又墮餓鬼無所識知恒

抱飢渴受寒熱惱又墮畜生受無

量苦飲食不淨飢寒困苦又出生

人中墮邪見家心常諂曲信於邪

言失於正道沒生死海永無出期

三世一切眾惡怨對不可稱計唯
有諸佛盡知盡見劑如諸佛所知
所見罪報多少今日懺悔願乞除
滅願以諸佛大慈悲力大神通力
如法調伏諸眾生力令某甲等今日
懺悔一切怨對即得除滅六道四
生今日已受對者未受對者願以
諸佛大地菩薩一切賢聖大慈悲
力令此眾怨畢竟解脫從今日去
至于菩提一切罪障畢竟清淨捨
惡道生得淨土生捨怨對命得智
慧命捨怨對身得金剛身捨惡道
苦得涅槃樂念惡道苦發菩提心
四等六度常得現前四辯六通如
意自在勇猛精進不休不息乃至
進修滿十地行還度無邊一切眾生
發願第四

智慧神力自在願諸眾生從今日
去至于菩提常見十方盡虛空界
諸佛法身常見諸佛三十二相紫
磨之身常見諸佛八十種好分形
散體遍滿十方救眾生身常見諸
佛眉間白毫大光普照濟地獄苦
又願今日道場同業大眾以今懺
悔清淨功德因緣從今日去捨身
受身不經地獄道鑊湯鑊炭割炙
之苦不經餓鬼道烱銅灌口焦爛
之苦不經畜生道剝裂焚毒之苦
若在人道不經四百四病觸身之
苦不經大熱大寒難耐之苦不經
刀杖毒藥加害之苦不經飢渴困
乏之苦又願大眾從今日去奉戒
清淨無點污心常修仁義念報恩
心供養父母如視世尊奉敬師長
如對諸佛敬重國王如真法身於
餘一切皆如已想又願大眾從今
日去乃至菩提達深法義智無所

畏明解大乘了見正法即自開解
不由他悟一向堅固志求佛道還
度無邊一切眾生等與如來俱成
正覺
今日道場幽顯大眾賜為證明今
日微願某甲等正願願生聖人所居
之處常能建立道場興顯供養為
一切眾生作大利益常蒙三寶慈
悲攝受常有勢力化導得行常修
精進不著世樂知一切法空於非
怨親同以善化乃至菩提心無退
轉從今日去一毫之善悉資願力
某甲等又願若生人中生修善家更
立道場供養三寶一毫之善悉施
一切願與和上闍梨不相捨離自
然蔬食絕愛染心不須妻子忠信
清直仁恕和平損已濟物不求名
利某甲等又願若捨此身不蒙解脫
生鬼神中願為大力護法善神濟
苦善神不須衣食自然溫飽某甲等

又願捨此身命不蒙解脫墮畜生
 中常處深山食草飲水無諸苦事
 出則為瑞不被籠繫某甲等又願捨
 此身命不蒙解脫墮餓鬼中願身
 心安樂無諸熱惱化諸同苦皆令
 悔過發菩提心某甲等又願捨此身
 命不蒙解脫墮在地獄自識宿命
 化諸同苦皆令悔過發菩提心某甲
 等亦自憶菩提心令菩提心相續
 不斷仰願十方一切諸佛大地菩
 薩一切聖人以慈悲心現為我證
 又願諸天諸仙護世四王主善罰
 惡守護持呪五方龍王龍神八部
 同為證明重復至誠歸依三寶
 讚佛呪願

大聖世尊 巍巍堂堂 三達洞照
 眾聖中王 分身濟物 現坐道場
 天人歸仰 養稟未央 八音遠被
 群魔驚遑 威震大千 慈化流芳
 以慈悲力 普攝十方十二 長辭八苦

到菩提鄉

故号如來應供正遍知明行足善
 逝世間解無上士調御丈夫天人
 師佛世尊度人無量拔生死苦以
 今懺悔清淨讚佛功德因緣願四
 生六道一切眾生從今日去至于
 菩提以佛神力隨心自在

慈悲道場懺法卷第六

慈悲道場懺法卷第六

校勘記

- 一 底本，麗藏本。
- 一 五八九頁上二行「解怨結之餘」，
南、經、清作「解怨釋結第九之餘」。
- 一 五八九頁上一二行第三字「吾」，
南、經、清作「彼」。
- 一 五八九頁上一五行第七字「起」，
南、經、清作「生」。
- 一 五八九頁中九行「勇行佛」，南、經、
清作「勇力佛」。
- 一 五八九頁中一三行「南無財天佛」
下，南、經、清有「南無慶音佛」。
- 一 五八九頁下八行第二字「法」，南、
經、清作「悔」。
- 一 五九〇頁上八行第三字「起」，南、
經、清作「造」。
- 一 五九〇頁上九行第五字「湖」，南、
經、清作「陂」。
- 一 五九〇頁上一八行「今日」，南、經、
清作「今日無慈悲心」。

- 一 五九〇頁上一九行「一切」，南、徑、清作「諸」。
- 一 五九〇頁中一行「幽閉」，清作「幽閉」。
- 一 五九〇頁中七行「人莫及我」，南、徑、清作「人能勝我」。
- 一 五九〇頁中八行「傲物凌人」，南、徑、清作「凌人傲物」。
- 一 五九〇頁中九行「識達」，南、徑、清作「多聞識達」。
- 一 五九〇頁中一八行第一一字「經」，南、徑、清無。
- 一 五九〇頁下三行第八字「復」，南、徑、清無。
- 一 五九〇頁下八行「菩薩」，南、徑、清作「諸大菩薩」。同行「世尊」，南、徑、清作「菩薩」。
- 一 五九〇頁下九行「前生」，南、徑、清作「自」。
- 一 五九〇頁下一〇行第四字「若」，南、徑、清作「若自作」。
- 一 五九一頁上九行第六字「雖」，南、

- 一 五九一頁上一二行「故言之為患」，南、徑、清作「清」。
- 一 五九一頁上一四行第三字「業」，南、徑、清作「為患不輕」。
- 一 五九一頁上一八行「身口」，南、徑、清作「行」。
- 一 五九一頁上一八行「身口」，南、徑、清作「身三口四」。
- 一 五九一頁上一九行「恣之不孝」，南、徑、清作「不行忠孝」。
- 一 五九一頁上一九行末字「便」，南、徑、清作「乃」。
- 一 五九一頁中一行「惡會如此惡」，南、徑、清作「惡俱如此怨」。
- 一 五九一頁中二行首字「二」，南、徑、清作「三」。
- 一 五九一頁中六行「脆口」，南、徑、清作「辯口」。又「相乖」，南、徑、清作「相乖惡報」。
- 一 五九一頁中七行「其報」，南、徑、清無。又第九字「豈」，南、徑、清作「豈得」。
- 一 五九一頁中一二行「言空」，南、徑、

- 一 五九一頁中一七行第六字「詳」，南、徑、清作「為空」。
- 一 五九一頁中一八行第四字「背」，南、徑、清作「訴」。
- 一 五九一頁中末行第六字「直」，南、徑、清作「誘」。
- 一 五九一頁下五行第一〇字「若」，南、徑、清作「且」。
- 一 五九二頁上一五行第六字「除」，南、徑、清無。
- 一 五九二頁上一九行「及一切眷屬」，南、徑、清作「永」。
- 一 五九二頁上末行「親戚眷屬」，南、徑、清作「師長」。
- 一 五九二頁中一行「師長」，南、徑、清作「眷屬」。
- 一 五九二頁中一至二行「於諸衆生」，南、徑、清作「或於一切衆生」。
- 一 五九二頁中九行「離散」，南、徑、清作「分散」。又「或口」，南、徑、清作「或因」。

一 五九二頁中一〇至一一行「讒亂君臣忿擾一切」與「離人骨肉破他眷屬」，**南、徑、清**互置。

一 五九二頁下一行「斷除」，**南、徑、清**作「除斷」。

一 五九二頁下七行第七字「無」，**南、徑、清**作「除」。

一 五九二頁下八行「各自」，**南**作「增進」。

一 五九二頁下一九行「重逆」，**南、徑、清**作「惡行」。

一 五九三頁上三至四行「清淨意業則進趣有期」，**南、徑、清**作「淨意是進趣之基」。

一 五九三頁上五行「苦受」，**南、徑、清**作「衆苦」。

一 五九三頁上七至八行「況凡惑愚夫」，**南、徑、清**作「況乎愚惑凡夫」。

一 五九三頁上九行「守口如瓶」，**南、徑、清**作「守口如瓶豈得不護」。

一 五九三頁上一七行第九字「若」，**南、徑、清**作「若自」。

一 五九三頁中四行「一瞋恚心」，**南、徑、清**作「起一慎心」。

一 五九三頁中九行「離佛」，**南、徑、清**作「乃至離佛」。又「不見」，**南、徑、清**作「背」。

一 五九三頁中一〇行「乃至」，**南、徑、清**無。又第一一字「生」，**南**作「處」。

一 五九三頁中一二行「已有」，**南、徑、清**作「應有」。

一 五九三頁中一五行「何所」，**南、徑、清**作「則何所」。

一 五九三頁中一八行「鞭楚」，**南、徑、清**作「鞭撻」。又「罪苦」，**南、徑、清**作「罪過」。

一 五九三頁中一九行第八字「違」，**南**作「依」；**徑、清**作「為」。

一 五九三頁下三行「苦惱」，**南、徑、清**作「煩惱」。又「情深」，**南**作「幽深」。

一 五九三頁下五行「相與」，**南、徑、清**無。

一 五九三頁下一三行「上刹佛」，**南、徑、清**無。

南、徑、清作「上刹佛」。

一 五九四頁上九行「所起」，**南、徑、清**作「所結」。

一 五九四頁上一〇行第九字「起」，**南**作「結」。一一行第四字及一五行第七字同。

一 五九四頁上一一行第一〇字「作」，**南**作「結」。

一 五九四頁上末行末字至頁中一行首字「父母」，**南、徑、清**作「父母物」。

一 五九四頁中二行「一切」，**南、徑、清**作「等物」。

一 五九四頁中六行第一〇字「瞋」，**南、徑、清**作「恚」。

一 五九四頁中八行「飢餓」，**南、徑、清**作「驅迫飢餓」。

一 五九四頁中一二行第一一字「造」，**南、徑、清**作「結」。

一 五九四頁中一七行第六字「而」，**南、徑、清**無。

一 五九四頁下二行第五字「以」，**南、徑、清**無。

一 五九四頁下二行第五字「以」，**南、徑、清**無。

- 一 五九四頁下四至五行「一切」，南、經、清作「諸」。
- 一 五九四頁下五行第七字「起」，南、經、清作「起於」。
- 一 五九四頁下一三行第七字「大」，南、經、清無。
- 一 五九四頁下一七行第五字「寒」，南、經、清作「諸」。
- 一 五九五頁上一七行「發願第四」，南、經、清無。
- 一 五九五頁上末行「懺法」，南、經、清作「懺悔」。
- 一 五九五頁中五至六行「諸佛眉間白毫大光普照」，南、經、清作「諸佛放眉間白毫相光」。
- 一 五九五頁中九至一〇行「割炙之苦」，南、經、清作「焦形爛體之苦」。
- 一 五九五頁中一〇至一一行「烱銅灌口焦爛之苦不經畜生道剝裂楚毒之苦」，南、經、清作「懷餓抱渴針喉鼓腹之苦不經畜生道償債酬」。

- 命驅馳宰割之苦。
- 一 五九五頁下五至六行「今日」，南、經、清作「所發」。
- 一 五九五頁下八行「一切」，南、經、清作「諸」。
- 一 五九五頁下一〇行末字「非」，南、經、清作「諸」。
- 一 五九五頁下一四行「道場」，南、經、清作「慈悲道場」。
- 一 五九六頁上九行第二字「亦」，南、經、清作「恒」。

慈悲道場懺法卷第七

今日道場同業大眾夫至德渺漠本無言無說然言者德之詮道之逕說者理之階聖之導所以藉言而理顯理故非言理由言彰言不越理雖言理兩乖善惡殊絕然影響相符未曾差濫在於初學要言以會道至於無學乃合理而忘言自惟凡愚惛惑障重於諸法門未能捨言今識慮故不盡其妙見淺故不臻其極然言之自易行之實難唯聖與聖乃得備舉今有難言自不能正云何正他汝自三業穢濁云何勸人清淨自不清淨欲使他清淨無有是處既不堅固何以勸人今言行空說便成惱他他既生惱何不且止反覆尋省寧不自愧余是善知識故發此言於是整理衣服容無對今聞善知識此

辭心情慙慙自知深過不敢欺誦聖人隱覆其失今欲毀除恐脫有人因此增福通欲存之復恐有人生誘進退迴違不知所措且立懺法心既是善善法無礙但應努力不得計此今唯憑世間大慈悲父覆護攝受既已有其言不容毀滅正當慙愧大眾願無觸惱若謬與理合相與因此懺法改往修來為善知識如其不會眾心願布施歡喜不成惡知識猶為菩提者屬

自慶第一 為六道禮佛第二

迴向第三 發願第四

囑累第五

自慶第一 此略申自慶大意其
中慶事隨自莊嚴

今日道場同業大眾從歸依已來知至德可憑斷疑懺悔則罪惑俱遣續以發心勸獎兼行怨結已解逍遙無礙豈得不人人踊躍歡喜所應自慶今宣其意經云八難二者

地獄二者餓鬼三者畜生四者邊地五者長壽天六者雖得人身癯殘百疾七者生邪見家八者生佛前或生佛後有此八難所以眾生輪迴生死不得出離我等相與生在如來像法之中雖不值佛而慶事尤多凡難之為語罪在於心若心生疑非難成難心若無疑是難非難何以知之第八難云生在佛前或在佛後是名為難而城東老母與佛同生一世共佛俱在一處而不見佛故知心疑是難未必異世皆云是難波旬懷惡生陷地獄龍聞說法便得悟道當知人天未必非難心苟不善稟報不殊六天之主墜在地獄畜生之賤超登道場是則心邪故輕難成重心正故重難無礙今日道場同業大眾以心疑故觸向成難心能正者則難非難舉此一條在處可從故知佛

前佛後無非正法邊地畜生莫非
道處今若正心則無復八難如其
疑惑則難成無量如是自慶事實
不少大衆日用不知其功今略陳
管見示自慶之端大衆若能知自
慶者則復應須修出世心何者自
慶佛言地獄難免相與已得免離
此苦是一自慶餓鬼難脫相與已
得遠離痛切是二自慶畜生難捨
相與已得不受其報是三自慶生
在邊地不知仁義相與已得共住
中國道法流行親承妙典是四自
慶生長壽夭不知植福相與已得
更復樹因是五自慶人身難得一
失不返相與已得各獲人身是六
自慶六根不具不預善根相與清
淨得深法門是七自慶世智辯聰
反成爲難相與一心歸憑正法是
八自慶佛前佛後復謂爲難或云
面不覩佛又爲大難相與已能發

大善願於未來世捨拔衆生不以
不覩如來爲難但一見色像一聞
正法自同在昔鹿苑初唱事貴滅
罪生人福業不以不見佛故稱之
爲難佛言見佛爲難相與已得瞻
對尊像是九自慶佛言聞法復難
相與已得食服甘露是十自慶佛
言出家爲難相與已得辭親割愛
歸向入道是十一自慶佛言自利
者易利他爲難相與今日一拜一禮
普爲十方是十二自慶佛言捍勞
忍苦爲難相與今日各自翹勤有
所爲作不爲自身是十三自慶佛
言讀誦爲難我今大衆同得讀誦
是十四自慶坐禪爲難而今見有
息心定意者是十五自慶今日道
場同業大衆如是自慶事多無量
非復弱辭所能宣盡凡人處世苦
多樂少一欣一喜尚不可諧況今
相與有多無礙得此無礙皆是十

方三寶威力宜各至心懷憶此恩
等一痛切五體投地奉爲
國王帝主土境人民父母師長上
中下座信施檀越善惡知識諸天
諸仙護世四王聰明正直天地虛
空主善罰惡守護持呪五方龍王
龍神八部諸大魔王五帝大魔一
切魔王閻羅王泰山府君五道大
神十八獄王并諸官屬廣及三界
六道無窮無盡含情抱識有佛性
者至誠歸依十方盡虛空界一切
三寶願以慈悲心同加攝受以不
可思議神力覆護拯接令諸天諸
仙一切神王及三界六道一切衆
生從今日去越生死海到涅槃岸
行願早圓俱登十地入金剛心成
等正覺一拜
警緣三寶第二
今日道場同業大衆宜復人人緣
念三寶何以故余若使不知三寶

云何得起慈心慈念眾生若使不知三寶云何得起悲心救攝一切若使不知三寶云何得起平等怨親同觀若使不知三寶云何能得妙智證無上道若使不知三寶云何明了二空真實無相佛言人身難得今已得信心難生今已生我等今者各各有心歸憑三寶而眼不見貪欲瞋恚愚癡之色耳不聞地獄餓鬼苦楚熱惱之聲鼻不聞地獄餓鬼剝裂膿血之氣舌不嘗天下臭惡不淨之味身不觸鑊湯爐炭寒冰之苦意常得知佛為無上慈悲之父知一切法為眾生良藥知諸賢聖為看病母意常警緣三寶護世有識念處我常得知我等今日雖不值佛生在像末具有信心六根清淨無諸衰惱優遊適性往來無礙此之勝報莫非宿緣三寶恩力又令今世發菩提心諸

如此益非可具說

今日道場同業大眾豈得不人人報恩供養一切功德供食中最故經說言惟念過去世供養為輕微蒙報歷劫劫餘福值天師經言設欲報者起塔精舍燈燭幡蓋華香茵褥種種供養將來之世自受其福雖是供養非報佛恩欲報佛恩唯發菩提心立四弘誓造無量緣莊嚴身相修淨土行是為智者知恩報恩

今日道場同業大眾諸佛慈恩不可報菩薩摩訶薩碎身猶不能報萬分之一況我凡夫而能報者眾等唯當依經所說利人為上各各志心五體投地普為十方無窮無盡四生眾生歸依世間大慈悲父
南無彌勒佛 南無釋迦牟尼佛
南無德寶佛 南無應名稱佛
南無華身佛 南無大音聲佛

南無辯才讚佛 南無金剛珠佛
南無無量壽佛 南無珠莊嚴佛
南無大王佛 南無德高佛
南無高名佛 南無百光佛
南無喜悅佛 南無龍步佛
南無意願佛 南無寶月佛
南無滅已佛 南無喜王佛
南無調御佛 南無喜自在佛
南無寶髻佛 南無離山佛
南無寶藏佛 南無月面佛
南無淨名佛
南無無邊身菩薩 南無觀世音菩薩
又復歸依十方盡虛空界一切三寶
懺主謝大眾第三
今日道場同業大眾相與已能生堅固信發菩提心誓不退還此是不可思議志力此心此志諸佛稱歎某甲等今日唯深隨喜願未來世復得遭遇捨身受身願不相離至于菩提永為法親慈悲眷屬某甲今

段建此法集便成叨覲智無其解
身乖其行輕發此意實足驚於視
聽然人微事重冰炭交心若不資
藉強因而無以獲勝妙之果誠知
謬造心不忘善異蒙念力同為慈
親仰屈大衆降德道場時運不留
忽介垂邁緣行所牽勝會難期當
自課勵兼以利人卓然排羣莫追
後悔法音經耳功報彌劫一念之
善永得資身一向一志無願不獲
相與人人各各至心五體投地歸
依世間大慈悲父

南無彌勒佛 南無釋迦牟尼佛
南無威德寂滅佛 南無受相佛
南無多天佛 南無須炎摩佛
南無天威佛 南無寶衆佛
南無寶步佛 南無師子分佛
南無極高行佛 南無人王佛
南無善意佛 南無世明佛
南無寶威德佛 南無德乘佛

南無覺想佛 南無喜莊嚴佛
南無香濟佛 南無香象佛
南無衆炎佛 南無慈相佛
南無妙香佛 南無堅鎧佛
南無威德猛佛 南無珠鎧佛
南無仁賢佛
南無無邊身菩薩 南無觀世音菩薩
又復歸依如是十方盡虛空界一
切三寶

摠發大願第四

今日道場同業大衆以今懺悔發
心功德普願十方盡虛空界一切
天主一切諸天各及眷屬又願仙
主一切真仙各及眷屬又願梵王
帝釋護世四王神王神將各及眷
屬又願聰明正直天地虛空主善
罰惡守護持呪一切神王一切神將
各及眷屬又願妙化龍王頭化提
龍王五方龍王龍神八部神王神
將各及眷屬又願阿脩羅王一切

神王一切神將各及眷屬又願人
道一切人王臣民將帥各及眷屬
又願十方比丘比丘尼式叉摩那
沙彌沙彌尼各及眷屬又願閻羅
王泰山府君五道大神十八獄王
一切神王一切神將各及眷屬又
願地獄道一切衆生餓鬼道一切
衆生畜生道一切衆生各及眷屬
又願十方盡虛空界窮未來際若
大若小一切衆生各及眷屬又願
若後流衆生異願境者皆悉令入
大願海中各各具足功德智慧如
是三界內三界外無窮無盡一切
衆生名色所攝有佛性者某甲等今
日仰承十方盡虛空界一切諸佛
大慈悲力諸大菩薩一切賢聖本
誓願力無量無盡智慧力無量無
盡功德力自在神通力覆護衆生
力安慰衆生力盡諸天諸仙漏力
攝化一切善神力救拔地獄衆生

力濟度一切餓鬼力免脫一切畜
生力令諸衆生得如所願^{某甲}等今
日又承慈悲道場力歸依三寶力
斷疑生信力懺悔發心力解諸怨
結自慶力歡喜踊躍至心力發願
迴向善根力令諸衆生得如所願^{某甲}
等今日又承七佛大慈心力十
方諸佛大悲心力三十五佛滅煩
惱力五十三佛降伏魔力百七十
佛度衆生力千佛攝受諸衆生力
十二菩薩覆護衆生力無邊觀世
流通懺力願令十方三界六道窮
未來際一切衆生若大若小若外
若降名色所攝有佛性者從今懺
悔之後在所生處各得諸佛諸大
菩薩廣大智慧不可思議無量自
在神力之身

金剛身物不能壞 淨法身遠離生死
方便身現自在力 菩提身成三菩提
願四生六道一切衆生皆悉具足
如是等身具足成就諸佛無上大
智慧身又願十方一切衆生從今
日去在所生處各得諸佛諸大菩
薩不可思議功德之口柔軟口安
樂一切甘露口清涼一切不虛口
說真實法實轉口乃至夢中無有
虛言尊重口釋梵四王恭敬尊重
甚深口顯示諸法堅固口說不退
法正直口具足辯才莊嚴口隨時
隨業普皆示現一切口隨其所應
度脫一切願四生六道一切衆生
皆悉具足諸佛菩薩清淨口業又
願十方一切衆生從今日去在所
生處各得諸佛諸大菩薩不可思
議大智慧心常有馱離煩惱心猛
利心堅強心金剛心不退心清淨
心明了心求善心莊嚴心廣大心

有大智慧力有所聞法即自開解
慈心向人斷諸怨結住於善耻常
懷慙愧不計吾我同善知識見有
布施持戒忍辱精進禪定智慧見
之歡喜怨親一觀心無驕慢不說
他人善惡長短不傳彼此和合分
離所言柔軟不出惡詞歎佛功德
樂學深經愛護衆生如自己身見
有作福不行誹謗慈心和合猶如
聖衆同諸菩薩成等正覺
爲六道禮佛第二
奉爲天道禮佛第一
今日道場同業大眾諸天諸仙一
切善神於諸衆生有無量不可思
議恩德願諸衆生長保安樂慇懃
守護唯善是從何以知然佛勅
提頭賴吒四天王 慈心擁護受持經
令聞慈悲名号者 猶如天子法臣護
又勅海龍伊鉢羅 慈心擁護受持經
如護眼目愛己子 晝夜六時不遠離

又勅閻婆羅刹子 無數毒龍及龍女
 慈心擁護持經者 如愛頂腦不敢觸
 又勅毗留勒迦王 慈心擁護持經者
 如母愛子心無厭 晝夜擁護行住俱
 又勅難陀跋難陀 婆伽羅王優波陀
 慈心擁護持經者 恭敬供養接足禮
 猶如諸天奉帝釋 亦如孝子敬父母
 慈悲道場施安樂 教諸眾生結法親
 後生佛前入三昧 畢定當得不退轉
 若聞諸佛名号者 又聞無邊觀世音
 消除三障無諸惡 五眼具足成菩提
 諸天神王念一切 恒如勸獎助威神
 今日道場同業大眾諸天神王有
 如此恩德覆護眾生而諸眾生未
 曾發心念報恩德古人尚能感一
 食之惠遂捨命亡身而況諸天善
 神八部神將於諸眾生有此恩德
 此恩此德功無邊際我等今日懺
 悔發心皆是天王密加神力獎助
 行人使心成就若不加助如是等

心早應退沒所以菩薩摩訶薩每
 歎善知識者是大因緣能令我等
 登踐道場若無善知識云何令我
 得見諸佛投身不足報洪慈殞命
 不足報深澤菩薩摩訶薩尚致此
 言況降斯已下而無報答大眾今
 日既未能投骸殞命則應且行勤
 勞精進亦是報恩之漸相與各宜
 增到蓮心知恩報恩不可隨流自
 反無方如前自慶重遇為難難得
 今果復欲何待失此一會知更何
 趣唯當勇猛忘身為物事成有敗
 如春有冬時不待人命焉得久念
 此一別相見末期各自努力等一
 痛切五體投地奉為十方盡虛空
 界一切天主一切諸天各及眷屬
 歸命敬礼世間大慈悲父
 南無弥勒佛 南無釋迦牟尼佛
 南無善逝月佛 南無梵自在王佛
 南無師子月佛 南無福威德佛

南無正生佛 南無無勝佛
 南無日觀佛 南無寶名佛
 南無大精進佛 南無山光佛
 南無施明佛 南無電德佛
 南無德聚佛 南無供養名佛
 南無法讚佛 南無寶語佛
 南無救命佛 南無善戒佛
 南無善眾佛 南無定意佛
 南無喜勝王佛 南無師子光佛
 南無破有闇佛 南無照明佛
 南無上名佛
 南無無邊身菩薩 南無觀世音菩薩
 又復歸命十方盡虛空界一切三寶
 願十方盡空法界一切天主一切
 諸天各及眷屬平等空慧恒得現
 前智力方便開無漏道十地行願
 各得增明六度修心四等廣被行
 菩薩道入佛行處四弘誓願不捨
 眾生辨才不斷樂說無窮善權接
 化利益四生俱登法雲證常住果

奉為諸仙禮佛第二

今日道場同業大眾人各至心等
一痛切五體投地奉為十方盡虛
空界一切仙主一切真仙各及眷
屬歸命敬禮世間大慈悲父

- 南無彌勒佛 南無釋迦牟尼佛
- 南無利慧佛 南無珠月佛
- 南無威光佛 南無不破論佛
- 南無光明佛 南無珠輪佛
- 南無世師佛 南無吉手佛
- 南無善月佛 南無寶炎佛
- 南無羅睺守佛 南無樂菩提佛
- 南無等光佛 南無至寂滅佛
- 南無世最妙佛 南無無憂佛
- 南無十勢力佛 南無喜力佛
- 南無德勢力佛 南無德勢佛
- 南無大勢力佛 南無功德藏佛
- 南無真行佛 南無上安佛
- 南無提沙佛
- 南無無邊身菩薩 南無觀世音菩薩

又復歸命十方盡虛空界一切三寶
願以慈悲力同加覆護願諸仙主
一切真仙各及眷屬解脫客塵清
淨緣障妙色湛然等佛身相四無
量心六波羅蜜常得現前四無礙
智六神通力如意自在出入遊戲
菩薩境界等法雲地入金剛心以
不思議力遷接六道

奉為梵王等禮佛第三

今日道場同業大眾重復至誠五
體投地奉為梵王帝釋護世四王
各及眷屬歸命敬禮世間大慈悲父

- 南無彌勒佛 南無釋迦牟尼佛
- 南無大光佛 南無電明佛
- 南無廣德佛 南無瓊寶佛
- 南無福德明佛 南無造鎧佛
- 南無成手佛 南無善華佛
- 南無集寶佛 南無大海智佛
- 南無持地德佛 南無義意猛佛
- 南無善思惟佛 南無德輪佛

南無寶火佛 南無利益佛
南無世月佛 南無美音佛
南無梵相佛 南無眾師首佛
南無師子行佛 南無難施佛
南無應供佛 南無明威德佛
南無大光王佛
南無無邊身菩薩 南無觀世音菩薩
又復歸命如是十方盡虛空界一
切三寶

願以慈悲力同加攝受願梵王帝
釋護世四王各及眷屬六度四等
日夜增明四無礙辯樂說無盡得
八自在具六神通三昧摠持應念
現前慈悲普覆十方四生百福莊
嚴萬善圓極三達開了五眼具足
為法輪王攝化六道一弄

慈悲道場懺法卷第七

慈悲道場懺法卷第七

校勘記

- 一 底本，麗藏本。
- 一 六〇〇頁上五行「而理」，南、徑、清作「而顯理」。
- 一 六〇〇頁上七行末字「言」，南、徑、清作「因言」。
- 一 六〇〇頁上一行第九字「自」，南、徑、清作「且」。
- 一 六〇〇頁上一三行第九字「汝」，南、徑、清作「爾」。
- 一 六〇〇頁中二行第一〇字「除」，南、徑、清作「之」。
- 一 六〇〇頁中四行「生謗」，南、徑、清作「由斯生謗」。
- 一 六〇〇頁中七行第六字「已」，南、徑、清無。
- 一 六〇〇頁中八行第一二字「謬」，南、徑、清作「微」。
- 一 六〇〇頁中一二至一四行「自慶……第五」，南、徑、清無。

- 一 六〇〇頁中一五行「第一」，南、徑、清作「第十」。又夾註「此略……莊嚴」，南、徑、清無。
- 一 六〇〇頁下三行第一二字「生」，南、徑、清作「生於」。
- 一 六〇〇頁下一〇行第三字「在」，南、徑、清作「生」。
- 一 六〇〇頁下一四至一五行「人天未必非難」，南、徑、清作「不必在於人天便言非難」。
- 一 六〇〇頁下一六行第二字「主」，南、徑、清作「貴」。又第四字「在」，南、徑、清作「落」。
- 一 六〇〇頁下一九行第二字「疑」，南、徑、清作「礙」。
- 一 六〇〇頁上一五行「大眾若能知」，南、徑、清作「若知」。
- 一 六〇〇頁上一六行第二字「者」，南、徑、清無。
- 一 六〇〇頁上一二行第一〇字「典」，南、徑、清作「旨」。
- 一 六〇〇頁上一四行「更復樹因」，

- 一 南、徑、清作「復樹良因」。
- 一 六〇〇頁上一六至一七行「清淨得深法門」，南、徑、清作「已得清淨向深法門」。
- 一 六〇〇頁中一〇至一一行「一拜一禮普為十方」，南、徑、清作「一瞻一禮普為回向十方一切」。
- 一 六〇〇頁中一二至一三行「有所為作不為自身」，南、徑、清作「為善不懈」。
- 一 六〇〇頁中一四行「我今大眾同得讀誦」，南、徑、清作「我今時得披覽經典」。
- 一 六〇〇頁下九行第五字「王」，南、徑、清作「主」。
- 一 六〇〇頁下一四行第六字「及」，南、徑、清作「廣及」。
- 一 六〇〇頁下一五行「到涅槃岸」，南、徑、清作「到於彼岸」。
- 一 六〇〇頁下一七行小字「一拜」，南、徑、清無。
- 一 六〇〇頁下一八行「第二」，南、徑、清無。

一 清作「第十一」。

一 六〇二頁上三行「平等」，南、徑、

清作「平等心」。

一 六〇二頁上八行「各各有心」，南、

徑、清無。

一 六〇二頁上九行「貪欲瞋恚愚癡」，

南、徑、清作「地獄餓鬼拔舌吐火」。

一 六〇二頁上一二行「天下臭惡不

淨之味」，南、徑、清作「臭穢腐敗

之味」。

一 六〇二頁上一四行「知一切法為

衆生」，南、徑、清作「作大醫王知

一切法為諸衆生病之」。

一 六〇二頁上一五行「為看病母」，

南、徑、清作「為一切衆生看病之

母」。

一 六〇二頁上一七行「像末」，南、徑、

清作「末法」。

一 六〇二頁中二至三行「今日……

大衆」與「豈得……供養」，南、徑、

清互置。

一 六〇二頁中三行「供食」，南、徑、

清作「供養」。

一 六〇二頁中五行「天師經言」，南、

徑、清作「世尊又經言」。

一 六〇二頁中一二行「慈恩」，南、徑、

清作「慈悲」。

一 六〇二頁中一六行首字「志」，南、

徑、清作「至」。

一 六〇二頁下三行「德高佛」，南、徑、

清作「德高行佛」。

一 六〇二頁下九行「離山佛」，南、徑、

清作「離畏佛」。

一 六〇二頁下一三行「十方」，南、徑、

清作「如是十方」。

一 六〇二頁下一四行「第三」，南、徑、

清作「第十二」。

一 六〇二頁下末行小字「某甲」，南、

徑、清無。

一 六〇三頁上一行首字「段」，南、徑、

清無。

一 六〇三頁上一六行「天威佛」，南、

徑、清作「天愛佛」。

一 六〇三頁中一〇行「第四」，南、徑、

清作「第十三」。

一 六〇三頁中一行「以今」，南、徑、

清作「相與又以今日」。

一 六〇三頁中一二行第四字「普」，

南、徑、清作「因緣」。

一 六〇三頁中一九至二〇行「八部

神王神將」，南、徑、清作「八部八

部神王八部神將」。

一 六〇三頁下一一行第八字「境」，

南、徑、清作「界」。

一 六〇三頁下一三行「三界內三界

外」，南、徑、清作「三界內外」。

一 六〇四頁上四至五行「解諸怨結

自慶力歡喜」，南、徑、清作「解怨

釋結力自慶歡喜力」。

一 六〇四頁上一〇行第一〇字「諸」，

南、徑、清無。

一 六〇四頁上一一行「無邊觀世」，

南、徑、清作「無邊身觀世音」。

一 六〇四頁上一七行第四字「之」，

南、徑、清無。

一 六〇四頁中二行「成三菩提」，南、

一 六〇四頁中六行及一七行「諸大」，
 南、經、清無。
 一 六〇四頁中九行第五字「實」，南、
 經、清作「如實」。
 一 六〇四頁中一行「諸法」，南、經、
 清作「法性」。
 一 六〇四頁中一三行「一切口」，南、
 經、清作「一切智口」。
 一 六〇四頁下四至五行「見之歡喜」，
 南、經、清作「之人咸生歡喜」。
 一 六〇四頁下八行「如自己身」，南、
 經、清作「如己無異」。
 一 六〇四頁下一一行「爲……第二」，
 南、經、清無。
 一 六〇四頁下一二行「第一」，南、經、
 清作「第十四」。
 一 六〇五頁上三行「持經者」，南、經、
 清作「受持經」。
 一 六〇五頁中八行「精進」，南、經、
 清無。
 一 六〇五頁下五行「德聚佛」，南、經、

一 清作「德聚王佛」。
 一 六〇五頁下一三行「十方」，南、經、
 清作「如是十方」。次頁中一行同。
 一 六〇五頁下一三行「三寶」下，南、
 經、清有「願以慈悲力同加攝受」。
 一 六〇六頁上一行「第二」，南、經、
 清作「第十五」。
 一 六〇六頁上七行「利慧佛」、「珠月
 佛」，南、經、清作「利慧王佛」、「珠
 月光佛」。
 一 六〇六頁上八行「威光佛」，南、經、
 清作「威光王佛」。
 一 六〇六頁上九行「光明佛」，南、經、
 清作「光明王佛」。
 一 六〇六頁上一五行「喜力佛」，南、
 經、清作「喜力王佛」。
 一 六〇六頁中二行「覆護」，南、經、
 清作「攝護」。
 一 六〇六頁中九行「第三」，南、經、
 清作「第十六」。
 一 六〇六頁中一八行「大海智佛」，
 南、經、清作「大海佛」。

一 六〇六頁中一九行「持地德佛」、
 「義意猛佛」，南、經、清作「持地
 佛」、「義意佛」。
 一 六〇六頁下一行「寶火佛」，南、經、
 清作「寶光佛」。
 一 六〇六頁下八行第四字「命」，南、
 經、清作「依」。
 一 六〇六頁下一六行小字「一拜」，
 南、經、清無。

慈悲道場懺法卷第八

奉為阿脩羅道一切善神禮佛第四

今日道場同業大眾重復至誠五

體投地奉為十方盡虛空界一切

阿脩羅王一切阿脩羅各及眷屬

又奉為十方盡虛空界一切聰明

正直天地虛空主善罰惡守護持

呪八部神王八部神將乃至若內

若外若近若遠東西南北四維上

下徧空法界有大神足力有大威

德力如是十方八部神王八部神

將各及眷屬歸命敬礼一切世間

大慈悲父

南無彌勒佛 南無釋迦牟尼佛

南無寶名佛 南無眾清淨佛

南無無邊名佛 南無不虛光佛

南無聖天佛 南無智王佛

南無金剛眾佛 南無善障佛

南無建慈佛 南無華國佛

南無法意佛 南無風行佛

南無善思名佛 南無多明佛

南無蜜眾佛 南無功德守佛

南無利意佛 南無無懼佛

南無堅觀佛 南無住法佛

南無珠足佛 南無解脫德佛

南無妙身佛 南無善高佛

南無普德佛 南無觀世音菩薩

南無無邊身菩薩 南無觀世音菩薩

又復歸命如是十方盡虛空界一

切三寶

願以慈悲力同加覆護願阿脩羅

王一切阿脩羅各及眷屬又願聰

明正直天地虛空主善罰惡守護

持呪八部神王八部神將各及眷

屬解脫客塵清淨緣障發起大乘

修無礙道四無量心六波羅蜜常

得現前四辯六通如意自在恒以

慈悲救護眾生行菩薩道入佛智

慧度金剛心成等正覺

奉為龍王禮佛第五

今日道場同業大眾重復至誠五

體投地奉為十方盡虛空界一切

不可思議龍王妙化龍王頭化提

龍王五方龍王天龍王地龍王山

龍王海龍王日宮龍王月宮龍王

星宮龍王歲時龍王青海龍王護

形命龍王護眾生龍王乃至十方

若內若外若近若遠東西南北四

維上下徧空法界有大神足力有

大威德力如是一切龍王一切龍

神各及眷屬歸命敬礼一切世間

大慈悲父

南無彌勒佛 南無釋迦牟尼佛

南無妙智佛 南無梵財佛

南無寶音佛 南無正智佛

南無力得佛 南無師子意佛

南無華相佛 南無積智佛

南無華齒佛 南無功德藏佛

南無名實佛 南無希有名佛

南無上戒佛 南無無畏佛
 南無日明佛 南無梵壽佛
 南無一切天佛 南無樂智佛
 南無寶天佛 南無珠藏佛
 南無德流布佛 南無智王佛
 南無無縛佛 南無堅法佛
 南無天德佛
 南無無邊身菩薩 南無觀世音菩薩
 又復歸命如是十方盡虛空界一
 切三寶
 願以慈悲力同加攝受願諸龍王
 各及眷屬增輝光明神力自在以
 無相解斷除緣障永離惡趣常生
 淨土四無量心六波羅蜜常得現
 前四無礙辯六神通力隨心自在
 以慈悲力拯接一切妙行莊嚴過
 法雲地入金剛心成等正覺
 奉為魔王禮佛第六
 今日道場同業大眾重復至誠奉
 為大魔王五帝大魔乃至東西南

北四維上下盡虛空界一切魔王
 各及眷屬歸命敬禮一切世間大
 慈悲父
 南無彌勒佛 南無釋迦牟尼佛
 南無梵牟尼佛 南無安詳行佛
 南無勤精進佛 南無炎肩佛
 南無大威德佛 南無蒼荀華佛
 南無歡喜佛 南無善眾佛
 南無帝幢佛 南無大愛佛
 南無須曼色佛 南無眾妙佛
 南無可樂佛 南無善定義佛
 南無牛王佛 南無妙解佛
 南無大車佛 南無滿願佛
 南無德光佛 南無寶音佛
 南無金剛軍佛 南無富貴佛
 南無勢力行佛 南無師子力佛
 南無淨目佛
 南無無邊身菩薩 南無觀世音菩薩
 又復歸命如是十方盡虛空界一
 切三寶

願以慈悲力同加覆護願大魔王
 五帝大魔一切魔王各及眷屬無
 始已來至于今日一切緣障皆得
 清淨一切罪業皆得銷滅一切眾
 苦皆得解脫四無量心六波羅蜜
 常得現前四無礙智六神通力如
 意自在行菩薩道不休不息先度
 眾生然後作佛
 為人道禮佛第七
 今日道場同業大眾相與已得奉
 為諸天諸仙龍神八部禮佛竟次
 應奉為人道一切人王禮佛報恩
 又為父母師長一切人民何以故
 余若無國王一切眾生無所依附
 由大王故一切得住行國王地飲
 國王水諸餘利益不可具說大眾
 宜各起報恩心經言若能一日一夜
 六時忍苦為欲利益奉報恩者應
 當發起如是等心習行慈悲以是
 願力報國王恩報施主恩又當念

行道報父母慈育之恩又當行道
報師長慈訓之恩次復運心念如
來恩若能至心常念不絕者如是
等人得入道疾

奉為國王禮佛第一

今日道場同業大眾諸佛大聖慈
恩開誘慇懃如此今知恩報恩我
等今日既仰賴國王於末世中興
顯佛法種種供養不惜財寶率土
臣民望風歸附又今出家之人安
身行道行住坐卧初無留難凡百
不預唯獎以善皆願我等速出生
死闡無量法門開入天正路而國
王有如此恩德豈得不人人禮拜
奉報其恩相與至心等一痛切奉
為國王歸依世間大慈悲父
南無彌勒佛 南無釋迦牟尼佛
南無迦葉佛 南無淨意佛
南無知次第佛 南無猛威德佛
南無大光明佛 南無日光曜佛

南無淨藏佛 南無分別威佛

南無無損佛 南無蜜日佛

南無月光佛 南無持明佛

南無善寂行佛 南無不動佛

南無大請佛 南無德法佛

南無莊嚴王佛 南無高出佛

南無炎熾佛 南無華德佛

南無寶嚴佛 南無上善佛

南無寶上佛 南無利慧佛

南無嚴土佛 南無觀世音菩薩

又復歸命如是十方盡虛空界一

切三寶願以慈悲力同加攝受願

當今皇帝舊云天聖體康御天威振

遠帝基永固慧命無窮慈霑無際

有識歸心菩薩盛化天人讚仰四

等六度日夜增明四無礙辯樂說

無盡得八自在具六神通三昧摠

持應念現前慈悲即世恩徧六道

萬行早圓速登正覺

奉為諸王禮佛第二

今日道場同業大眾重復至誠五
體投地奉為

皇太子殿下分土諸王舊云臨各及

眷屬歸依世間大慈悲父

南無彌勒佛 南無釋迦牟尼佛

南無海得佛 南無梵相佛

南無月蓋佛 南無多炎佛

南無蓮藍王佛 南無智辨佛

南無覺想佛 南無功德光佛

南無聲流布佛 南無滿月佛

南無華光佛 南無善戒佛

南無燈王佛 南無電光佛

南無光王佛 南無光明佛

南無具足讚佛 南無華藏佛

南無弗沙佛 南無日端嚴佛

南無淨善佛 南無威猛軍佛

南無福威德佛 南無力行佛

南無羅睺天佛 南無觀世音菩薩

南無無邊身菩薩

又復歸依如是十方盡虛空界一切三寶願以慈悲力同加覆護願皇太子殿下分土諸王各及眷屬身心安樂妙筭無窮行大乘道入佛智慧被四弘誓不捨一切四等六度常得現前六通三達善識根性具二莊嚴神力自在行如來慈攝化四生

奉為父母禮佛第三

今日道場同業大眾次復應須五體投地奉為父母育養之恩懷抱乳哺愛重情深寧自危身安立其子至年長大訓以仁禮洗掌求師願通經義時刻不忘企及人流所當供給不悞家寶念思慮結有亦成病卧不安席常憶其子天下恩重世實無二所以佛言天下之恩莫過父母夫捨家人未能得道唯勤學業為善莫廢積德不止必能報恩相與至心等一痛切五體投

地各自奉為有識神已來至于今日經生父母歷劫親緣一切眷屬歸依世間大慈悲父

南無彌勒佛 南無釋迦牟尼佛
南無智聚佛 南無調御佛
南無如王佛 南無華相佛
南無羅睺羅佛 南無大藥佛
南無宿王佛 南無華王佛
南無德手佛 南無得叉迦佛
南無涼布王佛 南無日光佛
南無法藏佛 南無妙音佛
南無德主佛 南無金剛眾佛
南無慧頂佛 南無善住佛
南無意行佛 南無梵音佛
南無師子佛 南無雷音佛
南無通相佛 南無安隱佛
南無慧陰佛
南無無邊身菩薩 南無觀世音菩薩
又復歸依如是十方盡虛空界一切三寶

願以慈悲力同加攝受願父母親緣各及眷屬從今日去至于菩提一切罪障皆得除滅一切眾苦畢竟解脫結習煩惱永得清淨長辭四趣自在往生親侍諸佛現前受記四無量心六波羅蜜常不離行四無礙智六神通力如意自在得佛十力相好嚴身同坐道場成正覺

各為過去父母禮佛第四

今日道場同業大眾其中若有父母少便孤背難復再遇萬劫悠然既未得天眼死生智明不知父母捨報神識更生何道唯當競設福力功德追而報恩為善不止功成必致經言為亡人作福如餉遠人若生人天增益功德若處三途或在八難速令解脫生若值佛受正法教永離眾苦憂畏悉除七世久遠歷劫親緣十方眾生同得解脫

是為智者至慈至孝最上報恩相
與今日若有過去者應當悲泣追
懷懊惱嗚呼哽慟奉為過去父母
歷劫親緣五體投地歸依世間大
慈悲父

南無彌勒佛	南無釋迦牟尼佛
南無梵王佛	南無大牛王佛
南無梨陀目佛	南無龍德佛
南無寶相佛	南無莊嚴佛
南無不沒音佛	南無華持佛
南無音得佛	南無師子佛
南無莊嚴辭佛	南無勇智佛
南無華積佛	南無華開佛
南無力行佛	南無德積佛
南無上形色佛	南無明曜佛
南無月燈佛	南無威德王佛
南無菩提王佛	南無無盡佛
南無菩提眼佛	南無身充滿佛
南無慧國佛	
南無無邊身菩薩	南無觀世音菩薩

又復歸依如是十方盡虛空界一
切三寶

願以慈悲力救護拯接願大眾各
有過去父母歷劫眷屬從今日去
至于道場一切罪緣皆得消滅一
切苦果永得除滅煩惱結業畢竟
清淨斷三障緣無五怖畏行菩薩
道廣化一切八解洗心四弘被物
而奉慈顏諮承妙旨不起本處盡
諸有漏隨念逍遙徧諸佛土行願
早登速成正覺

奉為師長禮佛第五

今日道場同業大眾相與已為父
母親緣禮佛竟次復應念師長恩
德虔誠禮佛何以故亦父母雖復
生育我等不能令我速離惡趣師
長於我恩德無量大慈獎諭恒使
修善願出生死到於彼岸每事利
益今得見佛除煩惱結永處無為
如此至德誰能上報若能終身行

道正可自利非報師恩故佛言善
知識者莫過師長既能自度亦復
度人相與今日稟得出家受具足
戒此之重恩從師長得豈不人人
追念此恩相與至心等一痛切五
體投地奉為和上阿闍梨同壇尊
證上中下座各及眷屬歸依世間
大慈悲父

南無彌勒佛	南無釋迦牟尼佛
南無最上佛	南無清涼照佛
南無慧德佛	南無妙音佛
南無導師佛	南無無礙藏佛
南無上施佛	南無大尊佛
南無智力勢佛	南無大談佛
南無帝王佛	南無制力佛
南無威德佛	南無善明佛
南無名聞佛	南無端嚴佛
南無無塵垢佛	南無威儀佛
南無師子軍佛	南無天王佛
南無名聲佛	南無殊勝佛

南無大藏佛 南無福德光佛
 南無梵聞佛 南無觀世音菩薩
 南無無邊身菩薩 又復歸依如是十方盡虛空界一切三寶
 願以慈悲力同加攝受願和上阿闍梨同壇尊證上中下座各及眷屬從今日去至坐道場一切罪障皆得清淨一切眾苦悉得解脫一切煩惱皆得斷除隨念往生諸佛淨土菩提行願皆悉具足財施無盡法施無盡福德無盡安樂無盡壽命無盡智慧無盡四無量心六波羅蜜常得現前四無礙智六神通力如意自在住首楞嚴三昧得金剛身不捨本誓還救眾生為十方比丘比丘尼禮佛第六
 今日道場同業大眾以此禮拜之次重復增到五體投地普為十方盡虛空界現在未來一切比丘比丘尼式又摩那沙彌沙彌尼各及眷屬又為十方盡虛空界一切優婆塞優婆夷各及眷屬又為從來信施檀越善惡知識有緣無緣各及眷屬如是人道一切人類各及眷屬^{某甲}等今日以慈悲心普為歸依世間大慈悲父

南無彌勒佛 南無釋迦牟尼佛
 南無燈王佛 南無智頂佛
 南無上天佛 南無地王佛
 南無至解脫佛 南無金髻佛
 南無羅睺日佛 南無莫能勝佛
 南無牟尼淨佛 南無善光佛
 南無金齊佛 南無象德天王佛
 南無法益佛 南無德解佛
 南無迦陀佛 南無美妙惠佛
 南無微意佛 南無諸威德佛
 南無師子鬚佛 南無解脫相佛
 南無威相佛 南無斷流佛
 南無慧藏佛 南無智聚佛

南無無礙讚佛
 南無無邊身菩薩 南無觀世音菩薩
 又復歸依如是十方盡虛空界一切三寶
 願以慈悲力同加覆護願十方盡虛空界一切比丘比丘尼式又摩那沙彌沙彌尼各及眷屬又願十方一切優婆塞優婆夷各及眷屬又願從來信施檀越善惡知識有緣無緣各及眷屬乃至一切人道一切人類無始已來至于今日一切煩惱皆得斷除一切緣障皆得清淨一切罪業皆得消滅一切眾苦皆得解脫離三障業無五怖畏四無量心六波羅蜜常得現前四無礙智六神通力如意自在行菩薩行入一乘道度脫無邊一切眾生為十方過去比丘比丘尼禮佛第七
 今日道場同業大眾重復至誠五體投地代為十方盡虛空界一切

過去比丘比丘尼式又摩那沙彌
沙彌尼過去優婆塞優婆夷廣及
十方一切人道一切人類有命過
者各及眷屬某甲某等今日以慈悲心
等諸佛心同諸佛願普為歸依世
間大慈悲父

南無彌勒佛 南無釋迦牟尼佛
南無寶聚佛 南無善高佛
南無山王相佛 南無法頂佛
南無解脫德佛 南無善端嚴佛
南無吉身佛 南無愛語佛
南無師子利佛 南無和樓那佛
南無師子法佛 南無法力佛
南無愛樂佛 南無讚不動佛
南無眾明王佛 南無覺悟眾生佛
南無妙眼佛 南無意住義佛
南無光照佛 南無香德佛
南無今喜佛 南無不虛行佛
南無滅慧佛 南無上色佛
南無善步佛

南無無邊身菩薩 南無觀世音菩薩
又復歸依如是十方盡虛空界一
切三寶

願以慈悲力救護拯援願過去一切
比丘比丘尼式又摩那沙彌沙彌
尼各及眷屬又願過去一切優婆
塞優婆夷各及眷屬若有地獄道
苦今日即得解脫若有畜生道苦
今日即得解脫若有鬼神道苦今
日即得解脫離八難地受八福生
乳捨惡道長生淨土財施無盡法
施無盡福德無盡安樂無盡壽命
無盡智慧無盡四無量心六波羅
蜜常得現前四無礙智六神通力
如意自在常得見佛聞法行菩薩
道勇猛精進不休不息乃至進修
成阿耨多羅三藐三菩提廣能度
脫一切眾生

慈悲道場懺法卷第八

慈悲道場懺法卷第八

校勘記

- 一 底本，麗藏本。
- 一 六一〇頁上二行「第四」，南、徑、
清作「第十七」。
- 一 六一〇頁中七行「善高佛」，南、
徑、清作「善意佛」。
- 一 六一〇頁中八行「普德佛」下，南、
徑、清有「南無光王佛」。
- 一 六一〇頁下一行「第五」，南、徑、
清作「第十八」。
- 一 六一〇頁下一八行「積智佛」，南、
徑、清作「智積佛」。
- 一 六一一頁上一六行第四字「力」，
南、徑、清作「心」。
- 一 六一一頁上一八行「第六」，南、
徑、清作「第十九」。
- 一 六一一頁上一九行「至誠」，南、
徑、清作「至誠五體投地」。
- 一 六一一頁中一七行「淨目佛」，清
作「淨日佛」。

一 六一一頁下九行「爲……第七」，
 [南、徑、清作「奉爲國王人道禮佛
 第二十」。
 一 六一一頁下一五行第二字「大」，
 [南、徑、清作「有」。
 一 六一一頁下末行第三字至次頁上
 三行第二字「報……思」，[南、徑、
 清作「念報國王覆燾之恩念報施
 主供億之恩念報父母養育之恩念
 報師長訓誨之恩念報如來濟度之
 思」。
 一 六一二頁上五行「奉……第一」，
 [南、徑、清無。
 一 六一二頁上一〇至一一行「安身
 行道」，[南、徑、清作「安心行道」。
 一 六一二頁上一四行末字「拜」，[南、
 徑、清作「佛」。
 一 六一二頁上一五行「其思」，[南、
 徑、清無。
 一 六一二頁中一三行末字「願」，[南、
 徑、清作「仰願」。
 一 六一二頁中一四行夾註「舊云大

梁皇帝」，[南、徑、清無。
 一 六一二頁下一行「奉……第二」，
 [南、徑、清作「奉爲諸王王子禮佛
 第二十一」。
 一 六一二頁下四行「分土諸王」，[南、
 徑、清作「諸王百官」。次頁上三行
 同。
 一 六一二頁下四行夾註「舊云臨川
 諸王」，[南、徑、清無。
 一 六一二頁下一六行「日端嚴佛」，
 [南、徑、清作「身端嚴佛」。
 一 六一三頁上八行「四生」，[南、徑、
 清作「六道」。
 一 六一三頁上九行「第三」，[南、徑、
 清作「第二十二」。
 一 六一三頁上一〇至一一行「五體
 ……之恩」，[南、徑、清作「思念父
 母養育之恩」。
 一 六一三頁上一五行第九字「思」，
 [南、徑、清作「深」。
 一 六一三頁上末行「報恩」，[南、徑、
 清作「感報劬勞之恩」。

一 六一三頁中八行「華王佛」，[南、
 徑、清作「藥王佛」。
 一 六一三頁中一行「妙音佛」，[南、
 徑、清作「妙意佛」。
 一 六一三頁中一七行「慧陰佛」，[南、
 徑、清作「慧隆佛」。
 一 六一三頁下一〇行「各……第四」，
 [南、徑、清作「奉爲過去父母禮佛
 第二十三」。
 一 六一三頁下一二行「難復再遇萬
 劫」，[南、徑、清作「難可再遇空想」。
 一 六一三頁下一三行「天眼死生智
 明」，[南、徑、清作「神通天眼」。
 一 六一三頁下一五行「功德」，[南、
 徑、清無。
 一 六一三頁下一八行至末行「速令
 ……衆生」，[南、徑、清作「永離衆
 苦生若值佛受正法教即得超悟七
 世父母歷劫親緣憂畏悉除」。
 一 六一四頁上一二行「若有過去者」，
 [南、徑、清無。
 一 六一四頁上三行「哽慟」下，[南、徑、

清有「五體投地」。

一六一四頁上四行「五體投地」，南、

經、清無。

一六一四頁上七行「大牛王佛」，南、

經、清作「牛王佛」。

一六一四頁上九行「寶相佛」，南、經、

清作「寶相佛」。

一六一四頁上一〇行「華持佛」，南、

經、清作「華德佛」。

一六一四頁中三至四行「大眾各有」，

南、經、清無。

一六一四頁中七行第七字「無」，南、

經、清作「除」。次頁下一四行第一

〇字同。

一六一四頁中一一行「早登速成」，

南、經、清作「早成速登」。

一六一四頁中一二行「第五」，南、

經、清作「第二十四」。

一六一四頁中一五行「虔誠禮佛」，

南、經、清無。

一六一四頁下一行第二字「正」，南、

經、清作「止」。

一六一四頁下一行「故佛言」，南、

經、清作「所以佛言天下」。

一六一四頁下三行「稟得」，南、經、

清作「幸得」。

一六一四頁下四行第一〇字「豈」，

南、經、清作「豈可」。

一六一四頁下一一行「妙音佛」，南、

經、清作「妙音聲佛」。

一六一四頁下一四行「智力勢佛」，

南、經、清作「智勢佛」。

一六一五頁上一六行第九字「救」，

南、經、清作「度」。

一六一五頁上一七行「第六」，南、

經、清作「第二十五」。

一六一五頁上一八行「以此」，南、

經、清作「以斯」。

一六一五頁中三行第一〇字「又」，

南、經、清作「復」。

一六一五頁中一四行「衆德天王佛」，

南、經、清作「種德天王佛」。

一六一五頁中一五行「法益佛」，南、

經、清作「法蓋佛」。

一六一五頁中一八行「師子髮佛」，

南、經、清作「師子髻佛」。

一六一五頁下一八行「第七」，南、

經、清作「第二十六」。

一六一六頁上八行「善高佛」，南、

經、清作「善音佛」。

一六一六頁上一五行「覺悟衆生佛」，

南、經、清作「覺悟佛」。

一六一六頁上一六行「妙眼佛」，南、

經、清作「妙明佛」。

一六一六頁中八行「畜生」，南、經、

清作「餓鬼」。

一六一六頁中九行「鬼神」，南、經、

清作「畜生」。

慈悲道場懺法卷第九

已爲人道竟次爲三惡道禮佛

爲阿鼻地獄禮佛第一

今日道場同業大眾從歸依已來
訖此章後每言萬法雖差功用不
一至於明闇相形唯善與惡善者
則謂人天之勝途惡者則謂三途
之異轍修仁義則歸於勝興殘害
則墜於劣其居勝者良由業勝非
諍競之所要受自然之妙樂期解
脫之逍遙其墜劣者良由業劣處
火城鐵網之中食則鐵丸熱鐵飲
則沸石烱銅年歷踰於造化劫數
等於無窮又地獄之苦不可親嬰
神離此軀識投彼城報以刀輪加
體償以火磨毀形命不肯促抱苦
長齡縱復獲免又墮餓鬼口中火
出命不全活從此死已又墮畜生
復受衆苦或負重致遠驅役險難

分布鼎鑊星羅几案肌肉充饋命
不盡筭實三惡之重苦悲長夜之
難旦而優劣皎然無能信者以吾
我故好起疑惑以疑惑故多不向
善所以佛言世有十事死入惡道
意不專善不修功德貪著飲食如
彼餓虎耽嗜酒味喜懷瞋毒常習
愚癡不受人諫自任其力辦諸惡
事喜殺衆生凌傷孤弱恒薰惡人
侵暴他界有所宣說言不真要不
慈一切起諸惡業若人如是不久
存世死入惡道今日道場同業大
衆如佛所言誰能免者既不能免
於地獄中皆有罪分大眾各各覺
悟此意唯願大眾宜與時競行善
薩道勤求諸法利益衆生一自滅
罪二生他福此則自利利他彼我
兼利相與今日起勇猛心起堅固
心起慈悲心度一切心救衆生心
至坐道場勿忘此願仰承十方盡

虛空界一切諸佛諸大菩薩大神
通力大慈悲力解脫地獄力濟度
餓鬼力救拔畜生力大神呪力大
威猛力令某甲等所作利益所願成
就等一痛切五體投地爲阿鼻大
地獄受苦衆生乃至十八寒冰地
獄黑闇地獄十八熱地獄十八刀
輪地獄劔林地獄火車地獄沸屎
地獄鑊湯地獄如是地獄復有八
萬四千地獄眷屬等獄其中受苦
一切衆生某甲等以菩提心以菩提行
以菩提願悉皆代爲歸依世間大
慈悲父

南無彌勒佛 南無釋迦牟尼佛
南無大音讚佛 南無淨願佛
南無日天佛 南無樂慧佛
南無攝身佛 南無威德勢佛
南無刹利佛 南無德乘佛
南無上金佛 南無解脫髻佛
南無樂法佛 南無注行佛

南無捨驕慢佛 南無智藏佛
 南無梵行佛 南無旃檀佛
 南無無憂名佛 南無端嚴身佛
 南無相國佛 南無蓮華佛
 南無無邊德佛 南無天光佛
 南無慧華佛 南無頻頭摩佛
 南無智富佛
 南無師子遊戲菩薩
 南無師子奮迅菩薩
 南無無邊身菩薩
 南無觀世音菩薩
 又復歸依如是十方盡虛空界一切三寶
 願以慈悲力救拔拯接阿鼻地獄乃至黑闇地獄刀輪地獄火車沸屎眷屬等獄受苦眾生以佛法力諸菩薩力一切賢聖力令諸眾生即得解脫畢竟不復墮於地獄一切罪障悉得消滅畢竟不復作地獄業捨地獄生得淨土生捨地

獄業得智慧命捨地獄身得金剛身捨地獄苦得涅槃樂念地獄苦發菩提心四無量心六波羅蜜常得現前四無礙智六神通力如意自在具足智慧行菩薩道勇猛精進不休不息乃至進修滿十地行人金剛心成等正覺一拜
 為灰河鐵丸等獄禮佛第二
 今日道場同業大眾重復至誠五體投地為灰河地獄劍林地獄刺林地獄銅柱地獄鐵機地獄鐵網地獄鐵窟地獄鐵丸地獄尖石地獄如是十方盡虛空界一切地獄今日現受苦一切眾生某甲等以菩提心普為歸依世間大慈悲父
 南無彌勒佛 南無釋迦牟尼佛
 南無梵財佛 南無寶手佛
 南無淨根佛 南無具足論佛
 南無上論佛 南無弗沙佛
 南無提沙佛 南無有日佛

南無出泥佛 南無得智佛
 南無護羅佛 南無上吉佛
 南無法樂佛 南無求勝佛
 南無智慧佛 南無善聖佛
 南無網光佛 南無瑠璃藏佛
 南無名聞佛 南無利寂佛
 南無教化佛 南無日明佛
 南無善明佛 南無眾德上明佛
 南無寶德佛
 南無師子幡菩薩 南無師子作菩薩
 南無無邊身菩薩 南無觀世音菩薩
 又復歸依如是十方盡虛空界一切三寶
 願以慈悲力同加救拔今日現受灰河等苦一切罪緣皆得解脫一切苦果永得除滅地獄道業畢竟清淨捨地獄身得金剛身捨地獄苦得涅槃樂憶地獄苦發菩提心同出火宅至于道場與諸菩薩俱成正覺

為飲銅炭坑等獄禮佛第三

今日道場同業大眾重復至心五

體投地普為十方盡虛空界一切

地獄飲銅地獄眾合地獄叫喚地

獄大叫喚地獄熱地獄大熱地獄

炭坑燒林如是等無量無邊眷屬

等獄今日現受苦眾生某甲等以菩

提心普代歸依世間大慈悲父

南無彌勒佛 南無釋迦牟尼佛

南無人月佛 南無羅睺佛

南無甘露明佛 南無妙意佛

南無皎明佛 南無一切主佛

南無樂智佛 南無山王佛

南無寂滅佛 南無德聚佛

南無天王佛 南無妙音聲佛

南無妙華佛 南無住義佛

南無功德威聚佛 南無智無等佛

南無甘露音佛 南無善守佛

南無利慧佛 南無思解脫義佛

南無音勝佛 南無梨陀行佛

南無善義佛 南無無過佛

南無行善佛

南無堅勇精進菩薩 南無金剛慧菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力救護攝受飲銅等地

獄現受苦眾生一切罪障皆得消

滅一切眾苦皆得解脫從今日去

畢竟不復墮於地獄捨地獄生得

淨土生捨地獄命得智慧命四無

量心六波羅蜜常得現前四無礙

辯六神通力如意自在出地獄道

得涅槃道等與如來俱成正覺一拜

為刀兵銅釜等獄禮佛第四

今日道場同業大眾重復至誠普

為十方盡虛空界一切地獄想地

獄黑砂地獄釘身地獄火井地獄

石曰地獄沸砂地獄刀兵地獄飢

餓地獄銅釜地獄如是等無量地

獄今日現受苦眾生某甲等今日以

菩提心力普為歸依世間大慈悲父

南無彌勒佛 南無釋迦牟尼佛

南無華藏佛 南無妙光佛

南無樂說佛 南無善濟佛

南無眾王佛 南無離畏佛

南無辯才日佛 南無名聞佛

南無寶月明佛 南無上意佛

南無無畏佛 南無大見佛

南無梵音佛 南無善音佛

南無慧濟佛 南無無等意佛

南無金剛軍佛 南無菩提意佛

南無樹王佛 南無槃陀音佛

南無福德力佛 南無勢德佛

南無聖愛佛 南無勢行佛

南無琥珀佛

南無棄陰蓋菩薩 南無寂根菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力同加救護刀兵地獄一切地獄眷屬等獄受苦眾生即得解脫一切眾苦永得除斷離地獄緣得智慧生憶地獄苦發菩提心行菩薩道不休不息入一乘道滿十地行皆有神力還接一切同坐道場俱登正覺一拜

為火城刀山等獄禮佛第五

今日道場同業大眾重復至誠普為十方盡虛空界一切地獄火城地獄石窟地獄湯澆地獄刀山地獄虎狼地獄鐵牀地獄熱風地獄吐火地獄如是等無量無邊眷屬等獄今日現受苦眾生某甲等以菩提心力普為歸依世間大慈悲父

南無彌勒佛 南無釋迦牟尼佛
南無雷音雲佛 南無善愛目佛
南無善智佛 南無具足佛
南無德積佛 南無大音佛
南無法相佛 南無智音佛

南無虛空佛 南無祠音佛
南無慧音差別佛 南無功德光佛
南無聖王佛 南無眾意佛
南無辯才輪佛 南無善寂佛
南無月面佛 南無日名佛
南無無垢佛 南無功德集佛
南無華德相佛 南無辯才國佛
南無寶施佛 南無愛月佛
南無不高佛
南無慧上菩薩 南無常不離世菩薩
南無無邊身菩薩 南無觀世音菩薩

又復歸依如是十方盡虛空界一切三寶

願以慈悲力同加攝受刀山等獄受苦眾生即得解脫乃至十方不可說一切地獄現受苦一切眾生願以佛力法力菩薩力賢聖力令諸眾生同得解脫永斷十方諸地獄業從今已去至于道場畢竟不復墮於三途捨身受身常值諸佛具

足智慧清淨自在勇猛精進不休不息乃至進修滿十地行登金剛心入種智果以佛神力隨心自在為餓鬼道禮佛第六

今日道場同業大眾重復至誠五體投地普為十方盡虛空界一切餓鬼道餓鬼神等一切餓鬼各及眷屬某甲等今日以菩提心力普為歸依世間大慈悲父

南無彌勒佛 南無釋迦牟尼佛
南無師子力佛 南無自在王佛
南無無量淨佛 南無等定佛
南無不壞佛 南無滅垢佛
南無不失方便佛 南無無燒佛
南無妙面佛 南無智制住佛
南無法師王佛 南無大天佛
南無深意佛 南無無量佛
南無法力佛 南無世供養佛
南無華光佛 南無三世供佛
南無應日藏佛 南無天供養佛

南無上智人佛^九 南無真髻佛^{十五}
 南無信甘露佛 南無金剛佛
 南無堅固佛
 南無藥王菩薩 南無藥上菩薩
 南無無邊身菩薩 南無觀世音菩薩
 又復歸依如是十方盡虛空界一
 切三寶
 願以慈悲力同加攝受救拔一切
 餓鬼道苦東西南北四維上下盡
 十方界一切餓鬼道一切餓鬼神
 各及眷屬一切餓鬼各及眷屬一
 切罪障皆得消滅一切眾苦皆得
 解脫身心清涼無復熱惱身心飽
 滿無復飢渴得甘露味開智慧眼
 四無量心六波羅蜜常得現前四
 無礙智六神通力如意自在離餓
 鬼道入涅槃道等與諸佛俱成正
 覺一拜
 為畜生道禮佛第七
 今日道場同業大眾重復運心五

體投地普為東西南北四維上下
 如是十方盡虛空界一切畜生道
 四生眾苦若大若小水陸空界一
 切眾苦各及眷屬某甲等今日以慈
 悲心力普為歸依世間大慈悲父
 南無彌勒佛 南無釋迦牟尼佛
 南無寶扇明佛 南無梨陀步佛
 南無隨日佛 南無清淨佛
 南無明力佛 南無功德聚佛
 南無具足眼佛 南無師子行佛
 南無高出佛 南無華施佛
 南無珠明佛 南無蓮華佛
 南無愛智佛 南無槃陀嚴佛
 南無不虛行佛 南無生法佛
 南無相好佛 南無思惟樂佛
 南無樂解脫佛 南無知道理佛
 南無常精進菩薩 南無不休息菩薩
 南無無邊身菩薩 南無觀世音菩薩
 又復歸依如是十方盡虛空界一
 切三寶

願以慈悲力覆護攝受東西南北
 四維上下盡空法界一切畜生道
 一切四生各及眷屬一切罪障皆
 得消滅一切眾苦皆得解脫同捨
 惡趣俱得道器身心安樂如第三
 禪四無量心六波羅蜜常得現前
 四無礙智六神通力如意自在離
 畜生道入涅槃道登金剛心成等
 正覺一拜
 為六道發願第八
某甲等以今奉為諸天諸仙龍神八
 部禮佛功德因緣願十方盡虛空
 界四生六道窮未來際一切眾生
 從今日去至于菩提不復還更枉
 誤形骸受諸楚毒不復更造十惡
 五逆却入三途承今禮佛功德因
 緣各得菩薩摩訶薩淨身口業各
 得菩薩摩訶薩所有諸心大地心
 生諸善根大海心受持諸佛智慧
 大法須彌山心令一切安住無上

菩提摩尼寶心遠離煩惱金剛心
決定諸法堅固心衆魔外道不能
沮壞蓮華心一切世法所不能染
淨日心除滅一切愚癡障障虛空
心一切衆生無能量者又願四生
六道一切衆生從今日去思量識
性思量波信解性棄捐調戲常思
法語所有皆施心無愛惜心心勇
猛不懷怯弱所修功德悉施一切
不還邪道專心一向見善如化見
惡如夢捨離生死速出三界明了
觀察甚深妙法各得供養一切諸
佛供養衆具皆悉滿足各得供養
一切算法供養衆具皆悉滿足各
得供養一切菩薩供養衆具皆悉
滿足各得供養一切賢聖供養衆
具皆悉滿足若有後流一切衆生
異某甲等今日願界者皆悉令入大
願海中即得成就功德智慧以佛
神力隨心自在等與如來俱成正

覺一拜
發言念無常
今日道場同業大眾相與已得爲
六道禮懺竟次復應須悟也無常
夫三世罪福因果相生惻然在心
慮不斯隔常謂影響相符乃可胡
越善惡之致非可得而舛也唯願
大眾覺悟無常勤修行業以自資
身勿生懈怠而不努力智者常歎
假使千萬億歲受五欲樂終不得
免三惡道苦況我百年而不得半
於此促期那得自寬且世間幻惑
然歸磨滅常者皆盡高者亦墜合
會有離生必應死重官厚祿誰得
免之父母兄弟第六親眷屬愛徹骨
髓當捨壽時不得相代榮華豪貴
錢財寶物亦不能延人之壽命亦
不可以言辭飲食求囑脫者無形
之對誰能留者經云死者盡也氣
絕神逝形骸蕭索人物一統無生

不終而捨命之時受大苦惱內外
六親圍繞號哭死者違怖莫知依
投身虛體冷氣將欲盡見先所作
善惡報相其修善者天神扶衛其
行惡者牛頭在側獄卒羅刹永無
寬恕慈親孝子不能相救夫妻恩
愛相看就盡風刀解身苦不可言
死者介時肝膽寸裂無量痛惱一
時同集神識周樟如狂如醉決欲
起一念善作一毫福懷恨在心不
復能得如是苦惱無人代受涅槃
經言死者於險難處無有資糧去
處懸遠又無伴侶晝夜常行無有
邊際深遠幽闇無有光明入無遮
止到不得脫生不修福死歸苦處
愁毒辛酸不可療治非是惡色令
人怖畏今日道場同業大眾生死
果報如環無窮孤魂獨逝無人見
者不可尋覓不可物寄唯各努力
捍勞忍苦勤修四等六波羅蜜以

為獨逝諸趣之資莫以強健而自
安心宜各至心等一痛切五體投
地歸依世間大慈悲父

南無彌勒佛 南無釋迦牟尼佛

南無多聞海佛 南無持華佛

南無不隨世佛 南無喜眾佛

南無孔雀音佛 南無不退沒佛

南無斷有愛垢佛 南無威儀濟佛

南無諸天流布佛 南無寶步佛

南無華手佛 南無威德佛

南無破怨賊佛 南無富多聞佛

南無妙國佛 南無華明佛

南無師子智佛 南無月出佛

南無滅闇佛 南無無動佛

南無師子遊戲菩薩 南無師子奮迅菩薩

南無無邊身菩薩 南無觀世音菩薩

又復歸依如是十方盡虛空界一
切三寶

願以慈悲力同加覆護今日道場

同懺悔者從今日去乃至菩提一

切罪因無量苦果悉得斷除煩惱
結業畢竟清淨諸佛法會皆現身
相行菩薩道隨意自在四等六度
如說修行四辯六通無不滿足百
千三昧應念現前諸摠持門無不
能入早登道場成等正覺一拜

為執勞運力禮佛

今日道場同業大眾重復至誠五

體投地起慈悲心無怨親想為今

日轉生作熟執勞隨喜施工運力

助營福者各及眷屬又為即世牢

獄憂厄困苦囹圄繫閉及諸刑罰

念其處世雖獲人身樂少苦多劫

鑿杻械未嘗離體由何所致或今

身造惡或過去所追或應免脫無

由自申重罪分死無救護者如是

眾生各及眷屬等今日以慈悲

心普為歸依一切世間大慈悲父

南無彌勒佛 南無釋迦牟尼佛

南無次第行佛 南無福德燈佛

南無音聲治佛 南無憍曇佛

南無勢力佛 南無身心住佛

南無善月佛 南無覺意華佛

南無上吉佛 南無善威德佛

南無智力德佛 南無善燈佛

南無堅行佛 南無天音佛

南無安樂佛 南無日面佛

南無樂解脫佛 南無戒明佛

南無住戒佛 南無無垢佛

南無師子幡菩薩 南無師子作菩薩

南無無邊身菩薩 南無觀世音菩薩

又復歸依如是十方盡虛空界一
切三寶

願以慈悲力同加覆護今日執勞

隨喜者各及眷屬從今日去至于

菩提一切罪障皆得消滅一切眾

苦畢竟解脫壽命延長身心安樂

永離災厄無復障惱發大乘心修

菩薩行六度四等皆悉具足捨生

死苦得涅槃樂又願東西二冶諸

餘牢獄徒囚繫閉憂厄困苦諸有
 疾病不得自在者各及眷屬以今
 為其禮佛功德威力一切眾苦皆
 悉解脫惡業對因畢竟斷除出牢
 獄戶入善法門壽命無窮智力無
 盡身心永樂如第三禪憶牢獄苦
 念諸佛恩改惡修善皆發大乘行
 菩薩道至金剛際還復度脫一切
 眾生同登正覺神力自在一拜
 已懺悔發菩提心竟次應迴向
 發迴向第三

今日道場同業大眾已得發心辦
 所辦竟次復應須以前功德各發
 迴向何以故余一切眾生所以不
 能得解脫者皆由著於世間果報
 不能捨離若有片福一毫之善能
 迴向者則於果報不復生著便得
 解脫優遊自在所以經歎修行迴
 向為大利益是故今日應發迴向
 兼勸一切不著果報我等相與先

應至心五體投地歸命敬礼世間
 大慈悲父

南無彌勒佛	南無釋迦牟尼佛
南無堅出佛	南無安闍那佛
南無增益佛	南無香明佛
南無達藍明佛	南無金玉佛
南無蜜鉢佛	南無無礙相佛
南無信戒佛	南無至妙道佛
南無樂實佛	南無明法佛
南無具威德佛	南無至寂滅佛
南無上慈佛	南無大慈佛
南無甘露主佛	南無彌樓明佛
南無聖讚佛	南無廣照佛
南無文殊師利菩薩	南無普賢菩薩
南無無邊身菩薩	南無觀世音菩薩

又復歸依如是十方盡虛空界一
 切三寶
 願以慈悲力同加覆護一切行願
 皆得圓滿今日道場同業大眾從
 今日去至于菩提行菩薩道誓莫

退還先度眾生然後作佛若未得
 道中間留住生死者以此願力令
 諸大眾在所生處身口意業恒自
 清淨常發廣大勝妙之心柔軟心
 調和心勇猛心不放逸心寂滅心
 真心不雜亂心無貪恪心大勝心
 大慈悲心安住心歡喜心先度一
 切心守護一切心守護菩提心誓
 等佛心發如是等廣勝妙心專求
 多聞修離欲定饒益安樂一切眾
 生不捨菩提同成正覺

說迴向法
 今日道場同業大眾相與胡跪合
 掌心念口言隨我今說
 十方諸天仙 所有功德業
 我今為迴向 同歸正覺道
 十方龍鬼神 所有勝善業
 我今為迴向 同歸一乘道
 十方諸人王 所修菩提業
 我今為迴向 同歸無上道

六道衆生類	所有微善業
我今爲迴向	同歸無上道
十方佛弟子	善來比丘衆
無著四沙門	及求緣覺者
隱顯化衆生	明了因緣法
如是兼一切	盡迴向佛道
十方諸菩薩	讚誦受持經
入禪出禪者	勸捨行衆善
如是等三乘	一切衆德本
盡迴施衆生	同歸無上道
天上及人閒	聖道諸善業
我今勸迴向	同歸無上道
發心及懺法	自行若勸人
所有微毫福	盡迴施衆生
衆生不得佛	不捨菩提願
一切成佛盡	然後登正覺
仰願佛菩薩	無漏諸聖人
此世及後生	唯願見攝受
相與至心五體投地奉爲	
國王帝主迴向奉爲父母親緣迴	

向奉爲師長同學迴向奉爲信施
檀越善惡知識迴向奉爲護世四
王迴向又爲十方魔王迴向又爲
聰明正直天地虛空主善罰惡守
護持呪五方龍王龍神八部迴向
又爲幽顯一切靈祇迴向又爲十
方盡虛空界一切衆生迴向唯願
十方諸天諸仙龍神八部一切衆
生從今日去至于菩提恒會無相
不復耽著一拜

慈悲道場懺法卷第九

慈悲道場懺法卷第九
校勘記

- 一 底本，麗藏本。
- 一 六一九頁上二行「已爲……禮佛」，
[南、徑、清無]。
- 一 六一九頁上三行「第一」，[南、徑、
清作「第二十七」]。
- 一 六一九頁上五行「功用」，[南、徑、
清作「功過」]。
- 一 六一九頁上一〇至一一行「期解
脫之」，[南、徑、清作「趣無上之」]。
- 一 六一九頁上一一行末字「處」，[南、
徑、清作「處於」]。
- 一 六一九頁上一三行「年歷」，[南、
徑、清作「壽算」]。
- 一 六一九頁上末行至頁中二行「或
負重致遠驅役險難分布鼎鑊星羅
几案肌肉充饋命不盡筭」，[南、徑、
清作「肌肉充饋命不盡於算數分
布鼎鑊星羅机案或復負重致遠驅
役險難」]。

- 一 六一九頁中七行「耽嗜酒味」，南、
徑、清作「耽戀酒色」。
- 一 六一九頁中九行第二字「喜」，南、
徑、清作「好」。
- 一 六一九頁中一〇行「真要」，南、
徑、清作「真實」。
- 一 六一九頁中一五行「唯願大衆」，
南、徑、清作「無自放逸」。
- 一 六一九頁中一八行「兼利」，南、
徑、清作「無異」。
- 一 六一九頁下六行「乃至十八寒冰」，
南、徑、清作「乃至黑闇地獄十八寒」。
- 一 六一九頁下七行「黑闇地獄」，南、
徑、清無。
- 一 六一九頁下一〇行「地獄」，南、
徑、清無。
- 一 六一九頁下一一行小字「某甲」，
南、徑、清作「我」。下至六二四頁上
上一八行同。
- 一 六一九頁下末行「注行佛」，南、
徑、清作「住行佛」。
- 一 六二〇頁上九與一〇行之間，南、
徑、清有「南無地藏菩薩」。
- 一 六二〇頁上一七至一八行「諸衆生」，南、徑、清作「今日受苦衆生」。
- 一 六二〇頁中一行第二字「業」，南、
徑、清作「命」。
- 一 六二〇頁中七行小字「一拜」，南、
徑、清無。下同。
- 一 六二〇頁中八行「獄禮佛第二」，
南、徑、清作「地獄禮佛第二十八」。
- 一 六二〇頁下一〇與一一行之間，
南、徑、清有「南無地藏菩薩」。
- 一 六二〇頁下一五行「苦一切罪緣」，
南、徑、清作「地獄受苦一切衆生」。
- 一 六二二頁上一行「獄禮佛第三」，
南、徑、清作「地獄禮佛第二十九」。
- 一 六二二頁上一二行「跋明佛」，南、
徑、清作「大明佛」。
- 一 六二二頁上一八行「善守佛」，南、
徑、清作「善手佛」。
- 一 六二二頁上末行「音勝佛」，南、
徑、清作「勝音佛」。
- 一 六二二頁中三與四行之間，南、
徑、清有「南無地藏菩薩」。本頁
下一七與一八行之間同。
- 一 六二二頁中七行「救護攝受飲銅等」，
南、徑、清作「同加救拔願飲銅等」。
- 一 六二二頁中一五行「獄禮佛第四」，
南、徑、清作「地獄禮佛第三十」。
- 一 六二二頁下一六行「琥珀佛」下，
南、徑、清有「南無樂知佛」。
- 一 六二二頁上一行「刀兵地獄」，南、
徑、清作「願刀兵等」。
- 一 六二二頁上二行「衆生」，南、徑、
清作「衆生今日」。
- 一 六二二頁上五行第五字「道」，南、
徑、清作「行」。
- 一 六二二頁上六行第四字「行」，南
作「位」。
- 一 六二二頁上八行「獄禮佛第五」，
南、徑、清作「地獄禮佛第三十一」。
- 一 六二二頁上一四行第五字「現」，
南、徑、清無。

- 一 六二二頁上一九行「德積佛」，經、清作「寶積佛」。
- 一 六二二頁中一〇與一一行之間，南、經、清有「南無地藏菩薩」。次頁上四與五行之間及次頁中一七與一八行之間同。
- 一 六二二頁中一四行「刀山等獄」，南、經、清作「願刀山等地獄今日現」。
- 一 六二二頁下四行「第六」，南、經、清作「第三十二」。
- 一 六二三頁上八至九行「救拔一切餓鬼道苦」，南、經、清作「願」。
- 一 六二三頁上一九行「第七」，南、經、清作「第三十三」。
- 一 六二三頁中七行「扇明佛」，南、經、清作「扇明佛」。
- 一 六二三頁中一〇行「具足眼佛」，南、經、清作「具足德佛」。
- 一 六二三頁中一五行「相好佛」，南、經、清作「相明佛」。
- 一 六二三頁下一行「覆護攝受」，南、

- 經、清作「同加攝受願」。
- 一 六二三頁下二行「空法」，南、經、清作「虛空」。
- 一 六二三頁下三行「一切四生」，南、經、清作「四生衆生」。
- 一 六二三頁下五行第六字「器」，南、經、清作「果」。
- 一 六二三頁下一〇行「第八」，南、經、清作「第三十四」。
- 一 六二三頁下一四行「還更」，南、經、清無。
- 一 六二三頁下一五行第一〇字「更」，南、經、清無。
- 一 六二三頁下一六行第三字「却」，南、經、清作「更」。
- 一 六二三頁下一八行「所有諸心」，南、經、清作「大心」。
- 一 六二四頁上三行「世法」，南、經、清作「諸法」。
- 一 六二四頁上三與四行之間，南、經、清有「優曇鉢華心一切劫中難得值遇」。

- 一 六二四頁中二行「警念無常」，南、經、清作「警念無常第三十五」。
- 一 六二四頁中四行第五字「竟」，南、經、清作「發願竟」。又第一一字「也」，南、經、清作「世」。
- 一 六二四頁中一三行第五字「常」，南、經、清作「有」。
- 一 六二四頁中一四至一五行「重官……免之」，南、經、清無。
- 一 六二四頁中一五行「六親」，南、經、清作「妻子」。
- 一 六二四頁中一六行「相代」，南、經、清作「相代重官厚祿」。
- 一 六二四頁下一行第六字「之」，南、經、清無。
- 一 六二四頁下四行「報相」，南、經、清作「報相森然在目」。
- 一 六二四頁下五行「在側」，南、經、清作「驅逐」。
- 一 六二五頁上一四行「南無無動佛」，南、經、清置於本頁八與九行之間。
- 一 六二五頁上一九行「今日」，南、

一 〔徑、清作「願今日」。

一 六二五頁中二至三行「皆現身相」，〔南、徑、清作「常得身預」。

一 六二五頁中三行「隨意自在」，〔南、徑、清作「自在受主」。

一 六二五頁中七行「禮佛」，〔南、徑、清作「禮佛第三十六」。

一 六二五頁中八至九行「五體投地」，〔南、徑、清無。又第一二字「為」，

〔南、徑、清作「普為」。

一 六二五頁中一一行「福者」，〔南、徑、清作「福業者」。

一 六二五頁中一四行「由何所致」，〔南、徑、清無。

一 六二五頁下一四行「今日」，〔南、徑、清作「願今日」。

一 六二五頁下末行至次頁上一行「東西二治諸餘牢獄」，〔南、徑、清作「天下牢獄諸餘刑禁」。

一 六二六頁上一〇行「已……迴向」，〔南、徑、清無。

一 六二六頁上一一行「第三」，〔南、

〔徑、清作「第三十七」。

一 六二六頁上一五行「世間」，〔南、徑、清無。

一 六二六頁中六行「金玉佛」，〔南、徑、清作「念王佛」。

一 六二六頁中一二行「甘露主佛」，〔南、徑、清作「甘露王佛」。

一 六二六頁下二行「留住」，〔南、徑、清作「猶滯」。

一 六二六頁下三行首字「諸」，〔南、徑、清作「此」。

一 六二六頁下四行「廣大勝妙之心」，〔南、徑、清無。

一 六二六頁下五行「勇猛心」，〔南、徑、清無。

一 六二六頁下九行「廣勝妙心」，〔南、徑、清作「廣大勝妙之心」。

一 六二六頁下一一行第六字「同」，〔南、徑、清作「願同」。

一 六二六頁下一二行首字「說」，〔南、徑、清作「代發」。

一 六二七頁上七行「讚誦」，〔南、徑、

〔清作「讀誦」。

一 六二七頁上一三行「懺法」，〔南、徑、清作「懺悔」。

一 六二七頁上一八與一九行間，〔南、徑、清有「今日道場同業大眾」。

慈悲道場懺法卷第十

菩薩迴向法

今日道場同業大眾相與已得捍
勞忍苦修如是等無量善根宜復
人人起如是念我所修習善根悉
以饒益一切眾生令諸眾生究竟
清淨以此所修懺悔善根令一切
眾生皆悉滅除地獄餓鬼畜生閻
羅王等無量苦惱以此懺法為諸
眾生作大舍令滅苦陰作大護令
脫煩惱作歸依令離恐怖作止趣
令至智地作安隱令得究竟安隱
處作大明令滅癡闇作大燈令得
安住究竟明淨作大導師令入方
便法得淨智身

眾生若眾生懷恨於菩薩起惡逆
心者菩薩為真善知識善調伏心
為說深法譬如大海一切眾毒所
不能壞菩薩亦亦愚癡無智不知
報恩如是眾生起無量惡不能動
亂菩薩道心譬如皎日普照眾生
不為無目而隱光明菩薩道心亦
復如是不為惡者而生退沒不以
眾生難調伏故退捨善根菩薩摩
訶薩於諸善根信心清淨長養大
悲以諸善根普為眾生深心迴向
非但口言於諸眾生皆發歡喜心
明淨心柔軟心慈悲心愛念心攝
取心饒益心安樂心最勝心以諸
善根迴向菩薩摩訶薩發如是善
根迴向我等今日亦應仰學如是
迴向心念口言若我所有迴向功
德令諸眾生得清淨趣得清淨生
功德滿足一切世間無能壞者功
德智慧無有窮極身口意業具足

莊嚴常見諸佛以不壞信聽受正
法離諸疑網憶持不忘淨身口業
心常安住勝妙善根永離貧乏七
財充滿修學一切菩薩所學得諸
善根成就平等得妙解脫一切種
智於諸眾生得慈愛眼身根清淨
言辭辯慧發起諸善心無染著入
甚深法攝取一切同住諸佛住無
所住所有迴向悉如十方菩薩摩
訶薩所發迴向廣大如法性究竟
如虛空願某等得如所願滿菩提
願四生六道同得如願重復增到
五體投地歸依世間大慈悲父
南無 彌勒佛 南無 釋迦牟尼佛
南無 威德佛 南無 見明佛
南無 善行報佛 南無 善喜佛
南無 無憂佛 南無 寶明佛
南無 滅儀佛 南無 樂福德佛
南無 功德海佛 南無 盡相佛
南無 斷魔佛 南無 盡魔佛

南無過義道佛 南無不壞意佛
 南無水王佛 南無淨魔佛
 南無衆上王佛 南無愛明佛
 南無菩提相佛 南無智明佛
 南無常精進菩薩 南無不休息菩薩
 南無無邊身菩薩 南無觀世音菩薩
 又復歸依十方盡虛空界一切三寶
 願以慈悲力同加攝受今迴向心
 具足成就^{某甲}等若具有無量大惡
 罪業應受無量無邊楚毒於惡道
 中不能自拔違今日發菩提心違
 菩提行違菩提願者願十方大地
 菩薩一切聖人以慈悲心不違本
 願助^{某甲}等於彼三惡道中救諸衆
 生今得解脫願不以苦故捨離衆
 生為我荷負重擔滿平等願度脫
 一切衆生生老病死愁憂苦惱無
 量諸難令諸衆生悉得清淨具足
 善根究竟解脫捨離衆魔遠惡知
 識親近善友真善眷屬成就淨業

盡滅衆苦具足菩薩無量行願見
 佛歡喜得一切智還復度脫一切衆生
 已迴向竟次應於六根發願
 發願第四
 又願今日道場同業大眾各自發
 如是願尋衆惡所起皆緣六根是
 為六根衆禍之本雖為禍本亦能
 招致無量福業故勝鬘經言守護
 六根淨身口意以此義證生善之
 本故於六根發大誓願
 初發眼根願
 願今日道場同業大眾廣及十方
 四生六道一切衆生從今日去乃
 至菩提眼常不見貪欲無厭詐幻
 之色不見諂諛曲媚佞會之色不
 見玄黃朱紫惑入之色不見瞋恚
 鬪諍醜狀之色不見打扑苦惱損
 他之色不見屠裂傷毀衆生之色
 不見愚癡無信疑闇之色不見無
 謙無敬驕慢之色不見九十六種

邪見之色眼常不見如是一切衆
 惡不善之色願眼常見一切十方
 常住法身湛然之色常見三十二
 相紫磨金色常見八十種好隨形
 之色常見諸天諸仙奉寶來獻散
 華之色常見口出五種色光說法
 度人之色常見分身散體遍滿十
 方之色常見諸佛放肉髻光感有
 緣來會之色又願眼常見十方菩
 薩辟支羅漢衆聖之色常得與諸
 衆生及諸眷屬觀佛之色常見衆
 善無教假色常見七覺淨華之色
 常見解脫妙果之色常見今日道
 場大眾歡喜讚法頂受之色常見
 四眾圍繞聽法渴仰之色常見一
 切布施持戒忍辱精進之色常見
 一切靜默禪思修智慧之色常見
 一切衆生得無生忍現前受記歡
 喜之色常見一切登金剛慧斷無
 明闇補處之色常見一切沐浴法

流不退之色已發眼根願竟相與
 至心五體投地歸依世間大慈悲父
 南無彌勒佛 南無釋迦牟尼佛
 南無善寂佛 南無梵命佛
 南無智喜佛 南無神相佛
 南無如來王佛 南無持地佛
 南無愛日佛 南無羅睺月佛
 南無華明佛 南無藥師佛
 南無持勢力佛 南無福德明佛
 南無喜明佛 南無好音佛
 南無法自在佛 南無梵音佛
 南無妙音菩薩 南無大勢至菩薩
 南無無邊身菩薩 南無觀世音菩薩
 又復歸依如是十方盡虛空界一
 切三寶
 願以慈悲力同加覆護令某甲等得
 如所願滿菩提願一拜
 次發耳根願
 又願今日道場同業大眾廣及十
 方四生六道一切眾生從今日去

乃至菩提耳常不聞啼哭愁苦悲
 泣之聲不聞無間地獄受苦之聲
 不聞鑊湯雷沸振響之聲不聞刀
 山劔樹鋒刃割裂之聲不聞十八
 地獄間隔無量苦楚之聲又願從
 今日去耳常不聞餓鬼飢渴熱惱
 求食不得之聲不聞餓鬼行動節
 開火然作五百車聲又願從今日
 去耳常不聞畜生身大五百由旬
 爲諸小虫嗜食苦痛之聲不聞絃
 債不還生駝駝驢馬中身常負重
 鞭杖楚撻困苦之聲耳常不聞愛
 別離怨憎會等八苦之聲不聞四
 百四病苦報之聲不聞一切諸惡
 不善之聲不聞鐘鈴螺鼓琴瑟磬
 篋琳瑯玉珮惑人之聲唯願一切
 眾生從今日去耳常得聞諸佛說
 法八種音聲常聞無常苦空無我
 之聲常聞八萬四千波羅蜜聲常
 聞假名諸法無性之聲常聞諸佛

一音說法各得解聲常聞一切眾
 生皆有佛性法身常住不滅之聲
 常聞十地菩薩忍音修進之聲常
 聞得無生解善入佛慧出三界之
 聲常聞諸法身菩薩入法流水真
 俗並觀念念具足萬行之聲常聞
 十方辟支羅漢四果之聲常聞帝
 釋爲諸天說般若之聲常聞十地
 補處大士在兜率宮說法不退轉
 地行之聲常聞萬善同歸得佛之
 聲常聞諸佛讚歎一切眾生能行
 十善隨喜之聲願諸眾生常聞諸
 佛讚言善哉是人不久成佛之聲
 已發耳根願竟相與至心五體投
 地重復歸依世間大慈悲父
 南無彌勒佛 南無釋迦牟尼佛
 南無善業佛 南無意無謬佛
 南無大施佛 南無名讚佛
 南無眾相佛 南無德流布佛
 南無世自在佛 南無德樹佛

南無滅癡佛 南無無量佛

南無善月佛 南無無邊辯相佛

南無寶月菩薩 南無月光菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力同加攝受令某甲等得

如所願滿菩提願

次發鼻根願

又願今日道場同業大眾廣及六

道一切眾生從今日去乃至菩提

鼻常不聞殺生滋味飲食之氣不

聞蚊獵放火燒害眾生之氣不聞

悉者熬炙眾生之氣不聞三十六

物革囊臭處之氣不聞錦綺羅縠

感人之氣又願鼻不聞地獄剝裂

焦爛之氣不聞餓鬼飢渴飲食糞

穢膿血之氣不聞畜生腥臊不淨

之氣不聞病卧牀席無人看視瘡

壞難近之氣不聞大小便利臭穢

之氣不聞死屍脍脹虫食爛壞之

氣唯願大眾六道眾生從今日去

鼻常得聞十方世界牛頭旃檀無

價之香常聞優曇鉢羅五色華香

常聞歡喜園中諸樹華香常聞兜

率天宮說法時香常聞妙法堂上

遊戲時香常聞十方眾生行五戒

十善六念之香常聞一切七方便

人十六行香常聞十方辟支學無

學人眾德之香常聞四果四向得

無漏香常聞無量菩薩歡喜離垢

發光燄慧難勝遠行現前不動善

慧法雲之香常聞眾聖戒定慧解

脫解脫知見五分法身之香常聞

諸佛菩提之香常聞三十七品十

二緣觀六度之香常聞大悲三念

十力四無所畏十八不共法香常

聞八萬四千諸波羅蜜香常聞十

方無量妙極法身常住之香已發

鼻根願竟相與至心五體投地歸

依世間大慈悲父

南無彌勒佛 南無釋迦牟尼佛

南無梨陀法佛 南無應供養佛

南無度憂佛 南無樂安佛

南無世意佛 南無愛身佛

南無妙足佛 南無優鉢羅佛

南無華纓佛 南無無邊辯光佛

南無信聖佛 南無德精進佛

南無妙德菩薩 南無金剛藏菩薩

南無無邊身菩薩 南無觀世音菩薩

又復歸依如是十方盡虛空界一

切三寶

願以慈悲力同加攝受令某甲等得

如所願滿菩提願

次發舌根願

又願今日道場同業大眾廣及十

方四生六道一切眾生從今已去

乃至菩提舌恒不嘗傷殺一切眾

生身體之味不嘗一切自死之味

不嘗生類血髓之味不嘗怨家對

主毒藥之味不嘗一切能生貪愛
煩惱滋味之味願古恒嘗甘露百
種美味恒嘗諸自然飲食之味恒
嘗香積香飯之味恒嘗諸佛所食
之味恒嘗法身戒定慧之所熏修
所現食味恒嘗法喜禪悅之味恒
嘗無量功德滋治慧命甜和之味
恒嘗解脫一味等味恒嘗諸佛泥
洎至樂最上勝味之味已發舌根
願竟相與至心五體投地歸依世
間大慈悲父

南無彌勒佛 南無釋迦牟尼佛
南無真實佛 南無天主佛
南無高音佛 南無信淨佛
南無婆耆羅陀佛 南無福德音佛
南無燄熾佛 南無無邊德佛
南無聚成佛 南無師子遊佛
南無不動佛 南無信清淨佛
南無虛空藏菩薩 南無薩陀波輪菩薩
南無無邊身菩薩 南無觀世音菩薩

又復歸依如是十方盡虛空界一
切三寶

願以慈悲力哀憐覆護令其等得
如所願滿菩提願
次發身根願

又願今日道場同業大眾廣及十
方一切眾生從今日去乃至菩提
身常不覺五欲邪媚之觸不覺鑊
湯爐炭寒冰等觸不覺餓鬼頭上
火然烊銅灌口焦爛之觸不覺畜
生剝裂苦楚之觸不覺四百四病
諸苦之觸不覺大熱大寒難耐之
觸不覺蚊蚋蚤虱諸虫之觸不覺
刀杖毒藥加害之觸不覺飢渴困
苦一切諸觸願身常覺諸天妙衣
之觸常覺自然甘露之觸常覺清
涼不寒不熱之觸常覺不飢不渴
無病無惱休強之觸常覺卧安覺
安無憂無怖之觸常覺十方諸佛
淨土微風吹身之觸常覺十方諸

佛淨國七寶浴池洗蕩身心之觸
常覺無老病死諸苦之觸常覺飛
行自在與諸菩薩聽法之觸常覺
諸佛涅槃八自在觸已發身根願
竟相與至心五體投地歸依世間
大慈悲父

南無彌勒佛 南無釋迦牟尼佛
南無行明佛 南無龍音佛
南無持輪佛 南無財成佛
南無世愛佛 南無法名佛
南無無量寶名佛 南無雲相佛
南無慧道佛 南無妙香佛
南無虛空音佛 南無虛空佛
南無越三界菩薩 南無跋陀婆羅菩薩
南無無邊身菩薩 南無觀世音菩薩
又復歸依如是十方盡虛空界一
切三寶
願以慈悲力覆護攝受令其等得
如所願滿菩提願
次發意根願

又願今日道場同業大衆廣及十方一切衆生從今日去乃至菩提意常得知貪欲瞋恚愚癡為患常知身故盜姪妄言綺語兩舌惡口為患常知殺父害母殺阿羅漢出佛身血破和合衆是無間罪常知謗佛法僧不信因果人死更生報應之法常知遠惡知識親近善友常知謔受九十六種邪師之法為非常知三漏五蓋十纏之法是障常知三途可畏生死酷劇苦報之處願意常知一切衆生皆有佛性常知諸佛是大慈悲父無上醫王一切尊法為諸衆生病之良藥一切賢聖為諸衆生看病之母願意常知歸依三寶應受五戒次行十善如是等法能招天上人中勝報常知未免生死應修七方便觀腰頂法等常知應行無漏苦忍十六聖心先修十六行觀觀四真諦常

知四諦平等無相故成四果常知摠相別相一切種法常知十二因緣三世因果輪轉無有休息常知修行六度八萬諸行常知斷除八萬四千塵勞常知體會無生必斷生死常知十住階品次第具足常知以金剛心斷無明闇得無上果常知體極一照萬德圓備累患都盡成大涅槃常知佛地十力四無所畏十八不共無量功德無量善法已發意根願竟相與至心五體投地歸依世間大慈悲父
 南無彌勒佛 南無釋迦牟尼佛
 南無天王佛 南無珠淨佛
 南無善財佛 南無燈燄佛
 南無寶音佛 南無人主王佛
 南無羅睺守佛 南無安隱佛
 南無師子意佛 南無寶名聞佛
 南無得利佛 南無徧見佛
 南無馬鳴菩薩 南無龍樹菩薩

南無無邊身菩薩 南無觀世音菩薩
 又復歸依如是十方盡虛空界一切三寶
 願以慈悲心哀愍覆護攝受令其等得如所願滿菩提願
 次發口願
 又願大衆廣及十方一切衆生從今日去乃至菩提口常不毀些三寶不謗弘通經人說其過患不言作善不得樂報作惡不得苦果不言人死斷滅不復更生不說無利益損他人事不說邪見外道所造經書不教人作十惡業不教人造五逆業不稱揚人惡不言俗間無趣好戲笑事不教人僻信邪鬼神不評論人物好醜不瞋罵父母師長善友不勸人造罪不斷人作福願口常讚歎三寶讚歎弘通法人說其功德示人善惡果報常說悟人身死神明不滅常發善言使人

利益常說如來尊經十二部常言
一切眾生皆有佛性當得常樂我
淨常教人孝事父母恭敬師長常
勸人歸依三寶受持五戒十善六
念常讚誦經典明說諸善常教人
近善知識遠惡知識願口常說十
住佛地無量功德使人修淨土行
莊嚴極果常教人勤禮三寶常教
人建立形像修諸供養常教人作
諸善事如救頭然常教人救窮濟
苦無暫停息已發口願竟相與至
心五體投地歸依世間大慈悲父
南無彌勒佛 南無釋迦牟尼佛
南無世尊佛 南無高頂佛
南無無偏辯才佛 南無差別知見佛
南無師子牙佛 南無梨陀步佛
南無福德佛 南無法燈善佛
南無目捷連佛 南無無憂國佛
南無意思佛 南無樂善提佛
南無師子遊戲菩薩 南無師子奮迅菩薩

南無無邊身菩薩 南無觀世音菩薩
又復歸依如是十方盡虛空界一
切三寶
願以慈悲力覆護攝受令_{某甲}等得
如所願滿菩提願
諸行法門
又願十方盡虛空界四生六道一
切眾生從今發願之後各能具足
諸行法門篤信三寶愛敬法門不
懷疑惑堅固法門欲斷起惡勤懃
法門欲願清淨念悔法門自心清
淨護身法門永淨四事護口法門
不毀三業護意法門具足所願菩
提法門第一不害悲心法門化使
立德慈心法門不毀他人歡喜法
門不欺他人至誠法門欲滅三途
三寶法門終不虛妄真實法門不
慢彼我捨害法門無有猶豫弄結
法門斷鬪訟意無諍法門奉行平
等應正法門

又願眾生具足如是無量法門
心趣法門觀心如幻意斷法門捨
不善本神足法門身心輕便信根
法門不願退根進根法門不捨善
軌念根法門善造道業定根法門
攝心正道慧根法門觀無常空信
力法門越魔威勢進力法門一去
不還念力法門未曾忘捨定力法
門滅眾妄想慧力法門周旋往來
進覺法門積行佛道正定法門逮
得三昧淨性法門不樂餘乘
願諸眾生悉具菩薩摩訶薩諸如
是等八百法門清淨佛土勤化慳
嫉悉度眾惡八難之處攝諸諍訟
瞋恚之人勤行眾善攝懈怠者定
意神通攝諸亂想已發願竟相與
至心五體投地歸依世間大慈悲父
南無彌勒佛 南無釋迦牟尼佛
南無法天敬佛 南無斷勢力佛
南無極勢力佛 南無慧華佛

南無堅音佛 南無安樂佛
 南無妙義佛 南無愛淨佛
 南無慙愧願佛 南無妙髻佛
 南無欲樂佛 南無樓志佛
 南無藥王菩薩 南無藥上菩薩
 南無無邊身菩薩 南無觀世音菩薩
 又復歸依如是十方盡虛空界一切三寶
 願以慈悲力救護攝受令三界六道四生眾生以今慈悲道場懺法發心發願功德因緣各各具足功德智慧以神通力隨心自在已發願竟次應囑累流通

囑累第五

今日道場同業大眾相與已為六道四生眾生發誓願竟次以眾生付囑諸大菩薩願以慈悲心同加攝受以今懺悔發願功德因緣令一切眾生悉皆樂求無上福田深信施佛有無量報令一切眾生一心向佛具得無量清淨果報願一切眾生於諸佛所無慳悋心具足大施無所愛惜又願一切眾生於諸佛所修無上福田離二乘願行菩薩道得諸如來無礙解脫一切種智又願一切眾生於諸佛所種無盡善根得佛無量功德智慧又願一切眾生攝取深慧具足清淨無上智王又願一切眾生所遊自在得諸如來至一切處無礙神力又願一切眾生攝取大乘得無量種智安住不動又願一切眾生具足成就第一福田皆能出生一切智地又願一切眾生於一切佛無嫌恨心種諸善根樂求佛智又願一切眾生以妙方便往詣一切莊嚴佛刹於一念中深入法界而無疲倦又願一切眾生得無比身盡能遍遊十方世界而無疲厭又願一切眾生成廣大身得隨意行得

一切佛神力莊嚴究竟彼岸於一念中顯現如來自在神力遍虛空界已發如是大願竟廣大如法性究竟如虛空願一切眾生得如所願滿菩提願相與至心五體投地某甲等若受苦報不能救眾生者以眾生囑累
 無量無邊盡虛空界無生法身菩薩
 無量無邊盡虛空界無漏色身菩薩
 無量無邊盡虛空界發心菩薩
 興正法馬鳴大師菩薩
 興像法龍樹大師菩薩
 十方盡虛空界無邊身菩薩
 十方盡虛空界救苦觀世音菩薩
 文殊師利菩薩 普賢菩薩
 師子遊戲菩薩 師子奮迅菩薩
 師子憐菩薩 師子作菩薩
 堅勇精進菩薩 金剛慧菩薩
 乘陰蓋菩薩 寂根菩薩
 慧上菩薩 常不離世菩薩

藥王菩薩 藥上菩薩
虛空藏菩薩 金剛藏菩薩
常精進菩薩 不休息菩薩
妙音菩薩 妙德菩薩
寶月菩薩 月光菩薩
薩陀波輪菩薩 越三界菩薩
又復囑累如是十方盡虛空界一
切菩薩願諸菩薩摩訶薩以本願
力誓度衆生力攝受十方無窮無
盡一切衆生願菩薩摩訶薩不捨
一切衆生同善知識無分別相願
一切衆生知菩薩恩親近供養願
諸菩薩慈愍攝受令諸衆生得正
直心隨逐菩薩不相遠離願一切
衆生隨菩薩教不生違反得堅固
心不捨善知識離一切垢心不可
壞令諸衆生為善知識不惜身命
悉捨一切不違其教令諸衆生修
習大慈遠離諸惡聞佛正法悉能
受持令諸衆生同諸菩薩善根業

報菩薩行願究竟清淨具足神通
隨意自在乘於大乘乃至究竟一
切種智於其中間無有懈怠乘智
慧乘至安隱處得無礙乘究竟自
在從始至末歸依三寶斷疑生信
懺悔發心顯果報出地獄解怨自
慶發願迴向乃至囑累所有功德
悉以布施十方盡虛空界一切衆生
彌勒世尊現為我證十方諸佛哀
慈覆護所悔所願皆得成就願諸
衆生同慈悲父俱生此國預在初
會聞法悟道功德智慧一切具足
與諸菩薩等無有異入金剛心成
等正覺
讚佛咒願
多陀阿伽度阿羅訶三藐三佛陀
三德具足度人無量拔生死苦以
今懺悔禮佛功德因緣願諸衆生
各各具足得如所願滿菩提願_{某甲}
等今日所發誓願悉同十方盡虛

空界一切諸佛諸大菩薩所有誓
願不可窮盡我今誓願亦復如是
廣大如法性究竟如虛空窮未來
際盡一切劫衆生不可盡我願不
可盡世界不可盡我願不可盡虛
空不可盡我願不可盡法性不可
盡我願不可盡涅槃不可盡我願
不可盡佛出世不可盡我願不可
盡諸佛智慧不可盡我願不可盡
心緣不可盡我願不可盡起智不
可盡我願不可盡世間道種法道
種智慧道種不可盡我願不可盡
若十種可盡我願乃可盡一切和
南三乘聖衆

慈悲道場懺法卷第十

慈悲道場懺法卷第十

校勘記

- 一 底本，麗藏本。
- 一 六三一頁上二行「迴向法」，**南**、**徑**、**清**作「迴向法第三十八」。
- 一 六三一頁上七行「一切」，**南**、**徑**、**清**作「諸」。
- 一 六三一頁上一〇行第五字「舍」，**南**、**徑**、**清**作「舍宅」。又第一二字「護」，**南**、**徑**、**清**作「救護」。
- 一 六三一頁上一行第四字及第一一字「作」，**南**、**徑**、**清**作「作大」。次行第五字同。
- 一 六三一頁上一三行「大明」，**南**、**徑**作「大明照」。又「大燈」，**南**、**徑**、**清**作「大燈明」。
- 一 六三一頁上一五行第二字「法」，**南**、**徑**、**清**作「法門」。
- 一 六三一頁上一八行「一切」，**南**、**徑**、**清**作「於諸」。
- 一 六三一頁中一行第七字「恨」，**南**、

- 徑**、**清**作「怨」。
- 一 六三一頁中六行第八字「皎」，**南**、**徑**、**清**作「杲」。
- 一 六三二頁上一行第四字「衰」，**南**、**徑**、**清**作「衰」。
- 一 六三二頁上三與四行之間，**南**、**徑**、**清**有「南無福燈佛」。
- 一 六三二頁上四行「智明佛」，**南**、**徑**、**清**作「智音佛」。
- 一 六三二頁上七行「歸依」，**南**、**徑**、**清**作「歸命如是」。
- 一 六三二頁上一五行第六字「願」，**南**、**徑**、**清**作「誓」。
- 一 六三二頁上一八行第二字「諸」，**南**、**徑**、**清**作「厄」。
- 一 六三二頁中三行「已……發願」，**南**、**徑**、**清**無。
- 一 六三二頁中四行「第四」，**南**、**徑**、**清**作「第三十九」。
- 一 六三二頁中五行「又願」，**南**、**徑**、**清**無。又「各自」，**南**、**徑**、**清**作「已發迴向竟次復應須」。

- 一 六三二頁中六行第四字「尋」，**南**、**徑**、**清**作「尋夫」。
- 一 六三二頁中七行首字「為」，**南**、**徑**、**清**作「知」。
- 一 六三二頁中一行首字「初」，**南**、**徑**、**清**作「先」。
- 一 六三二頁下一至二行「眼常不見如是一切衆惡不善之色願眼常見一切」，**南**、**徑**、**清**作「惟願一切衆生從今日去眼常得見」。
- 一 六三二頁下八行末字「有」，**南**、**徑**、**清**作「於有」。
- 一 六三二頁下九行「又願眼」，**南**、**徑**、**清**無。
- 一 六三二頁下一七行第七字「修」，**南**、**徑**、**清**作「修習」。
- 一 六三三頁上四行「善寂佛」及「梵命佛」，**南**、**徑**、**清**作「善滅佛」，「梵相佛」。
- 一 六三三頁上八行「藥師佛」，**南**、**徑**、**清**作「藥師上佛」。
- 一 六三三頁上一七行小字「一拜」，

一 六三三頁中五至六行及八至九行「又願從今日去耳常」，南、徑、清無。
 一 六三三頁中七至八行「節間」，南、徑、清作「支節」。
 一 六三三頁中一行第八字「馬」，南、徑、清作「馬牛」。
 一 六三三頁中一二行「耳常」，南、徑、清無。
 一 六三三頁下一行「解聲」，南、徑、清作「解悟之聲」。
 一 六三三頁下三行「忍音」，南、徑、清作「忍辱」。
 一 六三三頁下四行第一〇字「出」，南、徑、清作「超出」。
 一 六三三頁下九至一〇行「說法不退轉地行」，南、徑、清作「說不退轉地法行」。
 一 六三四頁上一行「滅癡佛」，南、徑、清作「斷疑佛」。
 一 六三四頁上一〇行「廣及」，南、

徑、清作「廣及十方四生」。
 一 六三四頁上一六行「又願鼻」，南、徑、清無。
 一 六三四頁中一二行「遠行現前」，南、徑、清作「現前遠行」。
 一 六三五頁上三行「美味恒嘗諸」，南、徑、清作「美味之味恒嘗諸天」。
 一 六三五頁上五行「之所」，南、徑、清無。
 一 六三五頁上一五行「福德音佛」，南、徑、清作「福德意佛」。
 一 六三五頁中六至七行「十方」，南、徑、清作「十方四生六道」。次頁上一至二行及次頁下七行同。
 一 六三五頁中一二行「苦之」，南、徑、清作「苦惱」。
 一 六三五頁中一八行「常覺」下，南、徑、清有「無有刀杖苦楚之觸常覺」。
 一 六三五頁中一九行「無憂無怖」，南、徑、清作「無諸憂怖」。
 一 六三五頁下一行「淨國」，南、徑、

清作「淨土」。
 一 六三五頁下一一行「寶名佛」，南、徑、清作「寶明佛」。
 一 六三六頁上六行「是無間罪常知」，與七行「謗佛法僧不信因果」，南、徑、清互置。
 一 六三六頁上一五行「願意」，南、徑、清無。
 一 六三六頁上一九行「法等」，南、徑、清作「等法」。
 一 六三六頁中一〇行第一一、一二字「無量」，南、徑、清作「無量智慧」。
 一 六三六頁中一六行「寶音佛」，南、徑、清作「寶音聲佛」。
 一 六三六頁下七行「又願」，南、徑、清作「又願今日道場同業」。
 一 六三六頁下九行「不謗弘通經人說其過患」，南、徑、清作「口不謗弘通法人說其過惡」。
 一 六三六頁下一四行第三字「業」，南、徑、清作「罪」。

一 六三六頁下一五行第一一字「邪」，

南、徑、清作「邪師」。

一 六三七頁上一行「尊經十二部」，

南、徑、清作「十二部經」。

一 六三七頁上三行「孝事父母恭敬

師長」，南、徑、清作「孝養父母敬

事師長」。

一 六三七頁上五行「頃說諸善」，南、

徑、清作「說諸善事」。

一 六三七頁上六行「願口」，南、徑、

清無。

一 六三七頁上七行「使人」，南、徑、

清作「常使人」。

一 六三七頁上一〇至一一行「救窮

濟苦」，南、徑、清作「救濟窮苦」。

一 六三七頁上一五行「無偏辯才佛」，

南、徑、清作「無邊辯才成佛」。

一 六三七頁上一七行「法登善佛」，

南、徑、清作「法登蓋佛」。

一 六三七頁中九行「愛敬」，南、徑、

清作「恭敬」。

一 六三七頁中一一至一二行「自心

清淨」，南、徑、清作「不毀三業」。

一 六三七頁中一三行「不毀三業」，

南、徑、清作「息心清淨」。

一 六三七頁中一四行「第一」，南、

徑、清作「一切」。

一 六三七頁下四行第六字「根」，南、

徑、清作「輪」。

一 六三七頁下一二行第一二字「諸」，

南、徑、清無。

一 六三七頁下一三行「八百」，南、

徑、清作「八萬」。

一 六三八頁上一三行「已……流通」，

南、徑、清無。

一 六三八頁上一四行「第五」，南、

徑、清作「第四十」。

一 六三八頁上一八行「因緣」下，南、

徑、清有「又願以慈悲念力」。

一 六三八頁下五行「投地」下，南、

徑、清有「倘」。

一 六三八頁下七行「衆生」，南、徑、

清作「諸衆生」。

一 六三八頁下一四行「救苦」，南、

徑、清無。

一 六三九頁上一〇行「菩薩」，南、

徑、清作「諸菩薩」。

一 六三九頁上一一行第一二字「相」，

南、徑、清作「想」。

一 六三九頁上一七行第三字及次行

第一〇字「諸」，南、徑、清作「一

切」。

一 六三九頁中三行「懈怠」，南、徑、

清作「懈怠」。

一 六三九頁中五行「從始至末」，南、

徑、清作「始從」。

一 六三九頁中七行「乃至」，南、徑、

清作「終至」。

一 六三九頁中八行「衆生」，南、徑、

清作「衆生仰願」。

一 六三九頁中一七行「三德」，南、

徑、清作「十號」。

一 六三九頁下二行首字「願」，南、

徑、清作「願諸佛菩薩所有誓願」。